



Philippica, ou haras de chevaux

<https://hdl.handle.net/1874/34278>

007 9461

2245

PHILIPPICA.



Ou haras de cheuaux,

DE

IEAN TACQVET,

ESCVIER,

Seigneur de Lechene, de Helst &c.



*Q*uels doivent estre les estallons, les juments, &
puis quel doit estre le paysage, les herbes, les
estables : à nourrir les poulains d'an en an, pour
en attendre chevaux bons, nobles, & propres à la
guerre. Et estans parvenus pour les maintenir sains
& dispos.

A V

SERENISSIME, TRESHAVT,

ET

TRESPVISSANT PRINCE

A L B E R T

ARCHIDVC D'AVSTRICE,

DVC DE BOVRGOGNE,

PRINCE DES BELGES.

ONSEIGNEVR.



Après l'obligation que j'ay à Dieu, je tiens de-
bvoir le tout à V. A. me
reclamant tref-heureux,

de vivre sous les loix d'un tel & tant
excellent Prince. Et bien que jusques
ores il n'a pleu à V. A. tirer de moy
service particulier, je n'ay partant vou-
lu perdre cœur, ains penser s'il n'y avoit
rien en moy, par ou je pouvois tesmoi-

gner mon humble zele, comme je le de-
 sire faire par cest oeuvre mien, intitulé
 PHILIPPICA: lequel non seulement
 (s'il m'est permis) je dedie à V. A.
 mais l'ay composé à intention & sous
 unic espoir, que le plaisir de V. A. fera
 d'en tirer chose agreable: comme c'est
 le faict d'un Prince, ou bien d'un grand
 Seigneur, dresser un haras de chevaux
 nobles. La sacrée memoire du grand
 Empereur Charles le Quint, oncle
 grand de V. A. se trouvant en ces Pro-
 vinces, estoit un jour intentionné d'en
 establir un, en certain lieu & paysage
 tirant de Bruxelles vers VVavre &
 Namur. V. A. peut executer l'inten-
 tion de la Majesté Imperiale, & choisir
 le lieu plus propre à ce faict, se servant
 pour estallons de chevaux d'Espagne
 ou de Barbarie, estans beaux & gene-
 reux;

reux ; & puis de juments d'Hollande ,
 qui sont grandes & fortes:ayant les uns
 superabondance de cholere , & les au-
 tres de phlegme : ceux cy par trop deli-
 cats ou minces,celles la fortement gros-
 sieres. Et ne convient doubter, que la
 bastarde race de cest haras , ne sera tres-
 excellēte. Car l'on void la Mule, com-
 me le Leonpard; retenir la ressemblance
 de l'un & l'autre de leurs progeniteurs.
 L'esgale proportion des quatre elemēts
 en un corps le rendra accompli & sain.
 Le climat d'Affricque & des Espagnes
 est chaudement sec ; celuy d'Hollande
 & de ces pays est moitement froid :
 ainsi ny l'un ny l'autre temperé:de mes-
 me sont les corps provenās esdits lieux.
 Le meslange doncques susdit les rendra
 mieux complexiōnez, j'entens les pou-
 lains,qui proviendront de ces chevaux;
 & auront

circus

8
& auront la temperature des elements de meilleure proportion, la taille requise à un cheval de guerre, non extreme; tenant neantmoins plus du grand, que du petit; accompagné de force & de vitesse bien grande: qui serviront à V. A. d'ornement en paix, & en guerre, pour s'asseurer de la victoire. Or les chevaux de cest haras, nobles, forts & beaux, seront bien requis des voisins (si la sortie en est permise) & encore rendront affectionnez & curieux d'eux les vassaux de V. A. qui par ce moyen, se feront plus braves Chevaliers, pour en guerre faire teste à tout ennemy, quel qu'il soit. De moindre sorte de chevaux pour aller à l'aise, V. A. en est servie d'Angleterre & d'ailleurs: & de plus puissans; à trainer artillerie, charriots & autre faix de guerre, ils sont naturels

9
turels és pays de son obeissance, & de
l'Allemagne. Souhaitant ce bon heur,
(par la grace de V. A.) que de rece-
voir le commandement d'icelle, pour
avancer l'effect de ce que dessus par ser-
vice personel ; avec ferme espoir d'y
mieux faire, que je n'ay sceu dire, come
je suis

De V. A. Serenifs^e.

Tres-humble vassal & serviteur

JEAN TACQVET.

B

IANI

IANI LERNUTI ELEGIA
In commendationem PHILIPPICARVM N. V.

IOANNIS TACQVETI

Nepotis, LECHENAE atque

HELSTI Toparchæ.

Viderat hæc avibus vulgata PHILIPPICAM
dextris

Rex maris, & passim non sine laude legi:
Admiransq; tui, TACQVETE, reperta laboris:

Pulchra reperta, novis ingeniosa modis;
Palluit, atque acres animos in pectore volvens,
Vndarum trepido verberare planxit humum.

Utq; manum armarat de more tricuspide telo,
Circum Nereides dum glomerantur Herum:
Vos habui testes, inquit, sata Thetyde proles,

Movit certamen quum mihi glauca Sais.
Actæa nomen nostrum quis poneret Vrbi:
Palladis hic proprius, num meus esset honos.

Ille solo viridem nostis produxit olivam:
At mihi terra frementem ardua fudit Equum:

Terra sinum pandens magno percussa Tridente
Ex illo victrix tempore Virgo fuit.

Arbitra sic litis statuit primæ vetustas:
Indicium lentâ tale ego mente tuli.

Nam

Nam vinci numen non mirum à numine: frater
 Iupiter est nobis, hac patre nata Ioue est.
 Mirum nunc homini me cedere iure minorem:
 Hoc dolet, hoc agrâ non bene mente fero:
 Cedo tamen. Laus pulsa retro nam pristina cessit,
 Dum prior obtinui quod decus, alter habet.
 Non solum TACQVETVS habet sibi nomen id
 aptum,
 Aetate à prima quo memorandus eram.
 Romulidis vulgo dictus Neptunus Equester:
 Qui titulus Latîâ est orbis in urbe frequens.
 Verum actâ nobis consanguinitate propinquam
 In partes Divam duxit habetq³ suas.
 Munere Palladio nactus pranobile franum
 Illud, Glauciada quod iuveni ante datum est.
 Hoc fretus volucrum rex per nubila currum,
 Aëris in vasti tramite celsus eques.
 Exercensq² ferum varijs super invia gyris,
 Ultro habilem ad Martis se grave fecit opus.
 Terribilem flammis inde ausus adire Chimaram,
 Colla trucidis fregit prodigiosa fera.
 Felix Bellerophon, casu nisi præcipe lapsus,
 Post mæstam in solis vitam agitasset agris:
 Pegasus è calo stellis micat octo decemq²:
 Et meruit fontis Pierij esse caput.
 Aemulus iste meus, si Pallade pergat amicâ
 Vincere, Neptuno quis superabit honor?

DI bene, quod patrum prisco non vixerit avo:
 Gloria parta mihi jam foret orba diu.
 Talem olim optasset sessorem noster Arion:
 Optassent talem Laomedontis equi.
 Automedon collatus ei jam segnis habetur:
 Jam Stenelus victas porrigit ipse manus.
 Pollucis sonipes tractari amat hujus habenis;
 Et veteris domini spernit herile iugum.
 Vincat homo Divum, maneat dum sors modò firma,
 Ab Iove quâ pactâ lege secundus ago.
 Livor iners vitium est, & mentes dedecet altas:
 Absit ut hac labes cor mihi triste gravet.
 Cedo volens, inquam, ne patruus ore maligno
 Arguar in neptem non satis esse pius.
 Qui potuit Ioviam sic demeruisse patrimonam,
 Me quoque factorem vindicet ille sibi.
 Dixit, & imposuit torquem tibi fronte serenâ,
 Composuit manibus quam Thetis ipsa suis.
 Distinctam Eois torquem mirâ arte lapillis,
 Quos mare perluerat flumine iugis aqua.
 Et liquido Titan lustraverat igne comarum.
 E pelagi surgens interiore sinu.
 Tritonumq; choro factum celebrante, per orbem
 Iussit te maectum laudibus ire tuis.

SONNET

Sur le discours PHILIPPIQUES,

D V

SEIGNEVR IEAN TACQVET,

ESCVIER &c.

Cavaliers qui souliez roder par la Theffale,
 Recerchant curieux quelque cheval de pris;
 Ores que vous soyez du mesme amour surpris,
 Ne la tracassez plus, ny les champs de l'Itale.
 Car vous pouvez chez vous trouver un Bucephale,
 Qui soit pour contenter voz genereux esprits;
 Soit que le desirez pour les combats & cris,
 Ou bien pour les esbats d'une iouste royale.
 Mettez moy seulement en oeuvre ce discours
 Du sieur de TACQVET, vous direz à sa gloire,
 Qu'on ne doit plus cercher chevaux de foire en foire,
 Ainsi que l'on a faiët jusque ores à rebours.
 Neptune nyme pas moins nostre Eschant; que
 Penée;
 Nos plaines; que les champs d'Itale, ou de Nisée.

M. Bulceel.

IEREMIAE PIERSSENAEL

I. V. D.

IN PHILIPPICA NOBILISS. V.

IOANNIS TACQVETI

AVVNCVLI SVI

ELEGIA.

S celebri titulo digni, si pramio opimo,
 Qui patriam ingenij luce opibusq; iuvant;
 Quiq; operâ fortis dextra vim proterere ausi
 Hostilem; invicto robore magni animi
 Tutantur sacras aeterni Numinis aras,
 Et servant patrios Marte potente focos.
 Quippe hominum in rebus nihil est divinius, apto
 Tempore consilium quàm dare posse catum.
 Et tanto superat vires prudentia, quanto
 Ignea vis mentis corpora quæq; prait.
 Nec quidquam ferè, quo ingeniosa potentia Cons
 Non penetret dio luminis intuitu.
 Hinc male protracto duo per quinquennia bello
 Dum obsidio Priami regna superba premis
 Ductor Achivorum; Troianam ut diruat ur-
 bem,
 Vult bis quinq; pares Nestoris esse sibi;

Non

Non autem Aiacis similes, nec Thessali Achillis:
 Ipsa forent quamvis bellipotentis heri
 Fulmina, Dardanidum superari nescia ferro
 Pectora, & Argolica robora militia.
 Tu certe gemino laudum maectandus honore,
 Duplicis & prami magnifico decore,
 Tu TACQVETI, opere hoc; tum re, tum nomine
 Equestri,
 Hippica non tantum nos elementa doces:
 Sit cuiusq; fera qua natura inclyta gentis,
 Et qua virtutis indole pravaleat.
 Quanta sit ingenij memoris praestantia cuiq;
 Quanta intellectus semina, qua fidei.
 Delectus pecori qualis sit habendus equino,
 In spem quot sobolis quisq; sibi esse velit.
 Candidus an melior color atro; anne albidus albo;
 Qualia sint mixtus signa colore color.
 Quale caput, cervix qualis; iuba qualis & armus;
 Quis generosum alius, terga; pedes deceant.
 Quae loca, in immensis spatiosi tractibus orbis,
 Egregijs & equis nobiliora cluant.
 Quid reliquo antissent pecori, qua commoda ab illis
 Tam res priva omnis, publica quam capiat.
 Quis sonipes bello potior. Victrice corona
 Lauri nuctum referat qui bonum ab hoste ducem.
 Nam quantum faciant, dubio in certamine pugna,
 Ad palmam rapidorum arma inimica equitum;

Sapius

Sapius ostendit Marcelli bellica virtus,
 Fusis Pœnorum fortiter agminibus.
 Non tantum hæc, inquam, præstas & pluria nobis:
 Verùm si sit opus, resq; gerenda manu;
 Non dubites, patria, laudumq; accensus amore;
 Virtutis prisca, nobiliumq; memor
 Maiorum; insignis galea & rutilantibus armis,
 Altum bellacis scandere tergus equi:
 Atq; reluctantem obliquis includere gyris;
 Et docto alternos conglomerare gradus,
 Saltibus insultare solo, atq; assurgere in auras;
 Invia & aggeribus exsuperare vada:
 Tum volucris celeres cursu prævertere ventos,
 Protinus & frangi sistere lege statâ.
 Atq; ita in adversos pergens animosior hostes,
 Sanguinis & vita prodige, IANE, tua;
 Non dubites prostratâ acie, vel ferre tropæa;
 Vel mortem pulcris quarere vulneribus.
 Quorum sacra Deum soboles, Augusta propago;
 Doctrina cultor, tum rei Equestris amans;
 Conscius ALBERTVS, tibi debita præmia solvet,
 At merita laudis munera posteritas.

GASPAR

LA PERFECTION DV CHEVAL


DE JEAN TACQVET ESCVIER, SEIGN^R. DE LECHENE ET DE HELST.

LA BEAVTE.
LA BONTE.

MON cheual a l'oreille & languette & en poincte,
Semouuant tout à coup, petite aussi bie ioincte.
L'entredeux deschargé, rien qu'un os, qu'une peau,
Nourissant vn toupet, qui pour estre tout beau,
Est d'un poil qui fort long, ondoye crespé, & rare
Proche de la narine, & par toute la care,
Sans couvrir ce beau front, haut & large, tout plain
Sans bosse, tout vny, allaigne & tout serain.
Ses deux yeux plains d'amour, sans aucune furie,
Sont grands, gros, aduancez, d'une couleur brunie,
Clairs, luisans & brillans, fort prompts & releuez,
La face qui de là touche iusques au nez,
Et d'un os qui bien rond, tiré par droicte ligne,
De sa proportion nullement ne forligné,
Ou bien s'il est caué, il ne l'est que d'un peu,
Ny couuert que de peau, ou des veines est veu
Un rang bien ordonné. La narine bouffante;
Qu'il rehausse en ronflant, toute rouge & fumante.
La bouche n'est trop grande, ains fendue à propos,
Pour receuoir le mors, qu'il mache sans repos;
L'escume en volle au vent de la leure delie,
Qui ne s'alonge point, & par fois se deslie,
Pour mieux monstrer des dents, l'iuoir bien rangé,
Qui semble sur l'escume, en blancheur partagé.
Le lieu de la gourmette est delicat & maigre.
La ganasse peu large, ouuerte & toute allaigne.
Releuée hautement l'encollure se voit,
Peu grosse sur le feste & courbée, paroît
Comme vn arc my-tendu, d'où le crin vient s'espandre,
Et crespé, rare & long, sur l'espaule descendre,
Estant des deux costez d'une esgale grosseur,
Afin que ce col soit d'inflexible roideur.
Le garrot peu bossu, de l'espaule tant forte,
Large, pleine de chair, la selle arriere porte.
La poiétrine luy est ouuerte largement,
Furnie en lieu de chair, de muscles seulement.
Les bras, gros d'ossements; & la iambe nerueuse
Est seische & sans humeur, & neantmoins veineuse.
Il a le genoüil grand, tout rond & maigre assez,
Comme le pasturon sec, ioinct bien ramassé,
Ny trop droict, ny luné, sur vn pied dont la corne
Haute & large de mesme, est de couleur gris-morne,
Dure, ronde, liffée & creuse au demourant,
L'eschine droictement par le rable tirant,
Est double & courte, aussi que bien peu ensellée,
Ventre & flancs de grandeur & rondeur bien reiglée
A la crouppe qui est & ronde en sa largeur,
Et large en sa rondeur, & rayée en longueur.
La fesse est toute grasse, & de chair bien furnie,
La bourse & membre il a par vne honeste enuie,
Tout noirs, tout retirez, petits moyennement,
Queüe plainne de poil, qui à terre descend,

Grosse, espeffe par bas, si retenue & ferme,
Qu'on ne la voit iamais s'esmouoir de son terme;
Ou soit que l'esperon luy empourpre le flanc,
Ou bien soit que le Tan le picque iusque au sang.
Il n'est point par trop grand, ny de taille petite,
Mediocre grandeur a le cheual d'esslite;
Car le beau & le bon au milieu limité,
Ne se loge iamais avec l'extremité.
Sa robbe est de bay-brun; iambes noires i'appete,
Ayant pour tout balzan au front vne Comete.
Voila donc mon cheual, parfait en sa beauté,
Vray moule du plus beau qui iamais n'a esté.

IL me flaire, il me sent, de bon ceil me regarde,
Quand i'approche de luy, le flatant me mignarde.
A son espee, il est amy comme aux humains.
Paisible se nourrit du peu qui vient des mains
De celuy qui le pense; & de ce peu s'engraisse,
Glorieux il se plaiet, tout remply d'alegresse:
S'il se sent au combat, & au tournois parer,
En campagne gaillard, marche sans s'alterer,
Ny boire tout vn iour: nul chemin ne l'aggrate:
Volontaire au travail, d'un cœur hautain & braüe
Vigoureux il s'y monstre, & legér à la main,
D'un pas grand & deliure, il deuance le train



De tous mes compagnons vestus d'harnois de maille.
Son trôt haut retenu, en rien ne me travaille.
Tride il à son galop, plus sa viffesse y croit,
De mesme plus en plus sa furie paroît.
Sa cariere le vent poudroyante deuance:
Son flanc n'en bat pourtant, mais à longs traiets balance
Les poulmons peu à peu, pour leur feu descharger.
Il at au frein l'appuy & sensible & legér:
Neantmoins s'engourmant, il est ferme de teste.
Sur ses hanches posé, promptement il s'arreste.
Par terre il est tout bon, maniant à l'enuy,
Pour en foule ou duél battre son ennemy.
Si d'armes surchargé, ie le monte en campagne,
Il s'y range tout coy; & fidel accompagne
D'un silence requis sans hannir & sans bruiet
Mes embusches de iour, & surprinses de nuict:
Autrement des clairons, la musique guerriere,
Il aime de sa voix à rendre plus entiere.
Tout allaigne, tout gay il s'anime au combat,
Qu'il desire sur tout: nul accident n'abat
Cest eschauffé desir de son hautain courage;
Il ne prend ny du fer, ny de la flamme ombragé.
Les playes ne le font fremir d'aucune peur;
Et plus il pert de sang, & plus il prend de cœur.
Et marchant sans frayeur contre les mousquetades,
Laisse aux hommes couards l'effroy des canonades.
Bref, il se rend tousiours en toute faction,
Tres vigoureux, tres-prompt à toute occasion.
A l'ennemy vaincu si ie donne la chasse,
Et que de l'esperon sa viffesse i'agace,
Il ne s'eschappe à soy, se laissant surmonter
D'un cholere despit. Le seul mors peut donter
Toutes ses passions auxquelles il commande,
Tellement qu'à l'enuy, chasque membre se bande,
Pour ne point transgresser le moindre mouuement,
Que sa bouche reçoit de ma main doucement;
Et tousiours à mon cœur sa volonte conforme,
Semble de mes pensers receuoir toute norme,
A la faire aussi prompt, que moy à la penser:
De nous dire qu'un corps, ie m'ose dispenser
Faiets Centaure à demy. Hé vray cheual de guerre,
Tu es plus genereux qu'autre qui soit sur terre.
Tu es seul compagnon de mon heur & honneur,
Tu es infatigable au Martial labeur:
Et si j'en suis lassé, vray support de ma peine,
Tu chemines tousiours quant ie reprens haleine.
Ie t'estime immortel; ou si tu ne l'es pas;
Qu'un bien riche tombeau t'honore le trespas.



GASPAR TACQVET,

ESCVIER,

SEIGNEVR DE LECHENE,

A L'AVTHEVR SON FRERE.

Courrir, sauter, luidter, & tout autre exercice,
 Que tu soulois cherir, pour l'amour de la lice,
 Tu as eu à mespris; mais le train viste aillé
 Des plus brusques chevaux ne t'a onc travaillé,
 Mesme en la tendre fleur de ton plus bas aage;
 Et lors qu'avec tes ans est accreu ton courage,
 En Cavalier à droict tu as pris à donter
 Ceux, qu'un autre escuyer n'eust pas osé monter.
 Ores que sur ton chef le poil chenu grisonne,
 Cest amour genereux plus & plus t'esguillonne;
 D'entre nous le premier mettant sus un haras
 De beaux & bons chevaux pour esbats & combats.
 Ton Automne nous rend les fructs de la pratique,
 Dont ton Printemps saoula son desir PHILIPPIQUE,
 Quant doctement expert monstres le grand erreure,
 De nostre Cavalier, qui se met en fureur,
 Ne pouvant attacher cil qui a l'avantage,
 De son coursier aillé, se sauve du carnage,
 Pour fondre à l'impourveüe au plus fort de l'estour,
 Et se battre autrefois, s'enfuyr tour à tour;

C De la

De la main des vaincneurs ravissant la victoire
 Qui jà faisoient ouyr le Pean de leur gloire.

Tel est l' Armenien, l' Affriquain, Persien,
 Car quant ces biens montez ne peuvent faire rien,
 Ils s'esloignent de nous, dont les armes plus fortes
 Des chevaux plus pesans font les carrieres mortes.
 Tellement qu'à cheval l' European sol lat,
 Guerres à son honneur, ces fuyards ne combat.

Princes, vous perdez temps à conquerre la terre,
 Que jà les Ottomans vous ont osté par guerre,
 Si pour y parvenir vous n'allez practiquant
 L'advis de cest autheur, par ce moyen peuplant
 Voz terres de chevaux de course Orientale;
 Qui ayent quant & quant une vigueur esgale:
 Vnicque & seul moyen pour monstèrer la vertu
 De voz braves soldats, que nature a rendu
 Bons hommes de cheval; qui alors pourront joindre,
 Combattre main à main, de la lance bien poindre
 Ces Asiens, qui sont les mieux montez de tous,
 Et qui la guerre font, trop plus vistes que nous.

A V

A V L E C T E V R .

LA vie de l'homme est un voyage, lequel achevé, pour honneste qu'il aye esté, n'ayant accompli chose de merite au service des Princes, ou de la republicque, luy & le cours de sa vie passent, & sont oubliez comme l'ombre. Tellement qu'il ne suffit avoir bien vescu, mais il est requis, que de nostre vie ayons prouffité à autruy. Ce qui m'a meü de mettre en lumiere cest haras de chevaux, pour le service des Princes, & le bien public: dont je doibs avoir acquis quelque experience, comme en ayant dressé un à mes propres frais selon ma portée & forces, d'un estallon & de quelques juments. Ceux qui s'estiment en sçavoir d'avantage, en useront comme il leur plaiçt, & ceux qui m'entendront, & voudront croire, y trouveront chose qui leur sera agreable.

La diversité des matieres, & le nombre des chapitres, se voit dans la table qui suit, à quoy me referant, je diray tant seulement, que je plains fort la decadence des bons chevaux par toute l'Europe, nommément en Italie & Espagne, ayant l'une esté l'escole, & l'autre la mere des bons & nobles chevaux de guerre: de mesme en Allemagne, où sont eslévez nombre infiny de chevaux, comme és

autres pays , & chez les estrangers , voyfins de l'Europe, tellement que tous chevaux depuis cinquante ans , font descheus en bonté , & remontez en pris . Celuy qui ira à Naples pour acheter cheval de six à sept ans , qui mannie aucunement, n'estant qu'un poulain (tel que les Napolitains le disent à cest aâge) il luy sera faict trois à quatre cens escus & d'avantage , lequel on eust eu (avant le temps susmentionné) pour cent escus . Des chevaux de pris excessif , que l'on estime de mille escus , pour ores ne traicterons . Le mesme est en Espagne , ou le haras est quasi entierement failly , car en l'an 1550. l'on y a payé des chevaux , deux à trois cens escus , qui estoit pour lors le plus haut pris : pour un desquels l'on payeroit presentement six à sept cens escus , car l'on y parle aussi bien qu'à Naples, de mille & de plus d'escus . Pour n'aller si loing, en ces pays bas avant le temps susmentionné, l'on achetoit un bon jeune cheval xxiiij. & xxx. escus, & devant ces guerres lx. lxxx. ou cent escus , & du temps des guerres sont venu à plus haut pris, ce qu'ira de mal en pis . Par ces accidens l'on peut remarquer que les chevaux sont decheus en nombre & en bonté . En Allemagne les chevaux se vendent presentement lxxx. xc. & cent ryxdaller . Ce mal est cause , que l'on a par tout laissé aneantir & perdre les haras , pour les grans
fraiz

fraiz & coust d'iceux, tellement que de ce temps fort peu de Seigneurs nourrissent jeunes chevaux, & ce n'est pas le faict des payfans, pour n'avoir ny le moyen, ny la commodité d'acheter des estalons nobles & de pris: desquels je traicteray en un chapitre particulier. Mais ces gens se servent pour estalons de tels chevaux qu'ils ont, ou peuvent recouvrer, dont ils eslevent pareillement chevaux de charette, & non de guerre (*simile enim generat suum simile*) comme l'on void journellement; à cause de quoy je ne rencontre plus des chevaux de Naples, ny d'Espagne, ny de Turquie, tels que l'on en à veu xxx. & xxxx. ans y a, encore moins en Allemagne, ny és pays bas; d'ou ne viennent plus des grans chevaux pour hommes d'armes, ains seulement des petits à voyager ou tirer charrettes & coches, lesquels presentement sont plus chers, quen'estoyent alors les grans & bons. De la nous sommes chevaliers sans chevaux propres à la guerre, chascun se servant de petits chevaux, hacquenées d'Angleterre & d'Escoche, qui s'ont en tel nombre, que l'on n'estime plus les grâs & bons, ores qu'ils fussent bien recouvrables. Il m'est d'avis neantmoins (à le bien considerer) que nous n'avons que trop de subject pour faire estat des bons & nobles chevaux de guerre, & de nous en servir plustost que de ces coches tant aysez, les-

quels l'on debvroit defendre àux hommes, ou bien y mettre tel ordre, que l'on à faict autresfois en Espagne, ou l'on a defendu, de ne plus mettre houffe sur des asnes, ou bien de redimer ceste liberté avec argent, car chascun d'eux aymoît ceste commodité & monture aylée; par ou les chevaux venoyent à mespris, & les hommes à degenerer de la chevalerie: à laquelle l'on ne s'y remet si tost qu'aucuns presument. Vrayement il y a de la commodité quant à ces coches, mais par tant de commoditez nous nous esnervons. L'on vat à moindre frais en coche par voyage: mais si un jour un ennemy forain, nous venoit faire la guerre, ceste commodité & espargne nous viendroit à mal. Car les histoires parlent de quelques nations belliqueuses, qui ayans subjugué leurs voyfins, apres s'estre mis à voluptez & delicateffes, ont esté eux mesmes vaincus par d'autres. Nous voyons que le grand Turc, ennemy universel de la Chrestienté, gaigne d'an en an sur nous, tellement que quand à nostre cavalerie, nous debvrions prendre autre pied pour la bien monter, & ce pour les grans avantages qu'il a sur nous, comme nous passant en richesse & quantité d'hommes qui luy estans tres-subjects & fort sobres, se scavent tres-bien ayder du canon, battre les places fortes, divertir l'eau, faire ponts, dicques, & dresser bataillons

bien

bien à propos, dont ils avoyent peu de pratique
 passé quelques années, ores à peu qu'ils ne nous
 passent en tout, par dessus ce ils ont encore un au-
 tre avantage sur nous, que j'estime fort, & comme
 le principal, qui est de par leurs chevaux: non
 que noz hommes de cheval ne passent les leurs en
 valeur & prouesse, mais à cause qu'ils nous join-
 dent & quittent quant ils veulent avec leurs che-
 vaux, qui ont une extreme viffesse: & puis ils sont
 en nombre si tres-grand, que nous ne sommes ba-
 stans pour eux, si bien que quand ils n'osent attac-
 quer les nostres, ils prennent la fuite, à qui noz che-
 vaux, commé plus pesans, ne peuvent suivre. Par-
 quoy il arrive que nostre cavalerie estant en de-
 sordre, nous ne pouvons eschapper par le peu de
 viffesse, & le peu d'haleine de noz chevaux, y de-
 meurans partant ou prins ou tuez. Tellement
 qu'ils ont par ce moyen un bien grand avantage:
 hé combien est grand cest avantage, & tout acte
 de viffesse & promptitude en faict de guerre!
 voyez les Romains, qui de leur temps ont eu la
 reputation d'estre les plus experts en faict de
 guerre, ayans subjugué la plus grande partie du
 monde, non par autre droict, que par celuy des
 armes. Ce neantmoins ce grand Capitaine Anni-
 bal leur a donné fort à faire, & gagné sur eux des
 batailles signalees, & deffaict nombre infiny des
 Romains,

Romains, qu'il a chassé jusques aux portes de Rome, & triomphé d'eux, plus qu'aucun autre leur ennemy. Ce qu'il n'a fait par autre moyen, que par la vive viffesse, & le guerroyer à l'Affricaine. Estant bien souvent advenu, que quant les Romains s'estimoyent estre proches de luy, il estoit bien loing d'eux, & au contraire il leur estoit à la queüe le pensant estre esloigné. Car de ce temps là, les Romains se servoyent d'armes fort pesantes, s'assubjectans à ne sortir de leur ordre: ceux d'Affricque au contraire les assailloyent de tous costez, selon la coustume des Numidiens (dont melmes parle *Sallustius, in bello Jugurthino*) ores de l'un, ores de l'autre costé, abbatans de çà & de là leurs ennemis: en quoy continuans, ils lassoyent les Romains par leur senle viffesse, & y voyans leur advantage, les accabloyent tout à coup: mais si la fortune leur disoit mal, ou que les Romains leur estoient trop forts, ils se retiroient & savoyent par la viffesse de leurs chevaux non chargez d'armes. Les Romains ayans armes pesantes, & cheuaux forts, & moins viffes & legers, ne scavoient suivre, & avenant telles fois, qu'ils se missent à les poursuiure, ils y ont esté les plus interressez. Ne plus ne moins en use le Turc presentement contre la nostre moins viffe cavalerie.

Les Romains estans plusieurs fois battus, se
sont


font finalement apperçeus à quoy il tenoit, par-
quoy changeans leur façon de guerroyer, ont prins
armes plus legieres, & par ce moyen, souvent batu
Annibal, & contrainct laisser l'Italie. Depuis, al-
lans mesmes vers Carthage, l'ont defaict en sa pa-
trie.

Ce que j'ay voulu mettre en avant, afin que
par là, l'on puisse juger combien importe l'educa-
tion cavalline, dont de ce temps l'on faict si peu
d'estime, auquel chascun faict estat, s'il à affaire de
cheval, qu'il le trouvera pour argent. Et afin que
d'ores en avant, l'on tasche d'eslever chevaux de
vistesse & de force pour la guerre, dont mesmes
l'on se puisse prevaloir contre le Turc: il est requis
que l'on mette sus des haras de chevaux, selon le
contenu de ce mien livre, avec lesquels l'on join-
dra le Turc des mieux montez pour le combattre,
bien qu'il aye envie de fuir les coups; car tous
chevaux ne sont propres à ce faict: celuy qui est
monté sur un frison ou cheval d'Alemagne, ne
prendra sur la bruierie d'Hongrie un Turc prison-
nier, estant monté à son ordinaire. Ce mien labour
doncques sera (cōme j'ay dict cy devant) au servi-
ce des Seigneurs, & de ceux qui sont affectionnez
aux choses Hippiques, & qui ont le moyen & la
commodité de tenir & nourrir quelques juments,
car chascun ne peut maintenir un grand haras;

D

afin

afin que pour le moins ils ayent quelque instruction comment y proceder, pour en tirer & eslever chose bonne, & que le travail & fraiz soyent fructueux. Ausquels je prie, comme à tous lecteurs, s'ils rencontrent en ce mien livre chose qui ne soit entierement à leur goust, que neantmoins ils veulent prendre en gré ceste mienne bonne volonté. Et au lecteur françois d'excuser mon stile, s'il n'est tel qu'il le pourroit desirer: ne m'estant la langue françoise familiere, moins naturelle. Car j'ay faict ce livre en langue flandricque, qui m'est maternelle, & l'ay depuis translaté de ceste façon, n'en desirant autre mercede, que la bonne affection du lecteur.



PREMIER CHAPITRE.

Qui premier à dompté & assubjecti les chevaux au service de l'homme. Folio 29.

II.

De la constitution & naturel des chevaux. folio 33.

III.

De la vie longue des chevaux. folio 39.

IV.

De l'intellekt & jugement des chevaux. folio 46.

V.

De la memoire des chevaux, & qu'ils entendent la parolle d'iceluy qu'ils cognoissent, & qu'ils font ce que l'on leur commande. folio 49.

VI.

De la foy & amour des chevaux vers leurs maistres, qu'ils ont preadvertis du malheur eminent. folio 52.

VII.

Des chevaux de pris, & qu'ils ont esté vendus pour des sommes grandes. folio 56.

VIII.

En quelle reputation les chevaux estoient du vieil temps, & d'aucuns qui ont esté honorez apres la mort. folio 59.

IX.

De la commodité & grand bien que les hommes tirent des chevaux. folio 65.

X.

Des chevaux meilleurs, qui viennent selon le naturel de chasque pays. folio 76.

XI.

Des chevaux sauvages. folio 89.

XII.

Des grands fraiz supportez par les anciens à dresser haras, & nourrir

- nourrir chevaux.* folio 92.
- XIII.
- Des chevaux chastrez.* folio 97.
- XIV.
- Du poil & couleur des chevaux.* folio 101.
- XV.
- Des marques blanches & autres des chevaux.* folio 114.
- XVI.
- Quel doit estre le pays & lieu, où l'on peut establir un haras de juments.* folio 143.
- XVII.
- Quelles doibvent estre les estables pour les juments, pour les pou-lains, & pour les chevaux d'aage.* folio 149.
- XVIII.
- Quel sera l'estallon, & comment l'on le doit maintenir par tout l'an.* folio 162.
- XIX.
- Quelles doibvent estre les juments, & comment l'on les doit entretenir toute l'année.* folio 174.
- XX.
- Comment & quand l'on doit faire saillir les juments, & ce qui en depend.* folio 187.
- XXI.
- Comment l'on doit nourrir & penser les chevaux aagez d'un an, de deux & de trois.* folio 205.
- XXII.
- Comment l'on doit nourrir & penser les chevaux ja faicts, pour les maintenir sains & en bonne disposition.* folio 223.
- XXIII.
- Des defectuositez des chevaux, & ce que l'on doit observer les achaptant.* folio 254.

Qui premier à dompté & assubjecty les chevaux
au service de l'homme.

CHAP. I.



VE la chevalerie & l'art d'icelle à esté en reputation & en vogue, il y a quelques mil ans, nous tesmoignent les histoires tant Grecques que Romaines & autres : Mais qui premierement ait trouvé cest art, ces vieux historiens en different, desquels neantmoins nous convient prendre fondement. Plinius dict que Bellerophôtes, fils du Roy Glau-^{Libro 8.}
cus, à esté le premier inventeur de monter à che-^{hist. 56.}
val. Les Poëtes disent d'avantage, qu'il a monté ^{cap.}
le cheval volant Pegasus, desirant passer sur la montagne Chimera, pour la cultiver, bastir & peupler, comme alors icelle montagne n'estoit habitée que de feres sauvages. *Diodorus Siculus* dict, que Neptunus a esté le premier qui a dompté les chevaux, & que donnant de son Trident sur terre au bord de la mer, en fist sortir des chevaux. Je tiens l'un autant veritable que l'autre, & ne m'entretiendray avec ces fables, cōme choses controuvées, non pourtant du tout infructueuses, mais d'instruction. Car cestuy Pegasus, porte de foy une belle Allegorie, en la forme qu'il est mis sur

quelques monnoyes des Empereurs. Pour approcher de plus pres la verité de ce faiet, nous laisserons ces opinions. Combien que ce soit chose douteuse, de sçavoir en tant d'opinions conclure, qui aye esté le premier de cest art, cela nous vient, parce que ces evenemens sont tant vieux, & de tant d'ans, que les plus vieux auteurs n'en font mention, ou bien eux en sont le plus en doute: tellement qu'il n'en est aucune certitude. Ne laisserons partant d'en dire nostre opinion, selon le contenu des histoires. Comme il est qu'il y a tant d'années, qu'en Theffalie il y avoit gent nommée Peletoniens, selon la ville Peletonio, laquelle estoit subjecte au mont Pelio, où icellè se tenoit. Ceste gent a pareillement inventé les brides du cheval, les selles, & choses pareilles requises à la chevalerie; pareillement à ferrer les chevaux, en quoy accordent les historiens & les Poëtes, tellement qu'il est à croire, qu'ils ont estez aussi les premiers à donner leçons aux chevaux. Combien qu'il y aye eu des autres nations, comme les Numidiens en Affricque, qui ne se servoyent ny de selles ny de brides, neantmoins avoyent réputatiõ de bons hommes de cheval, bien qu'ils soyent venus long temps apres lesdicts Peletoniens. Comme aussi Iulius Cesar, de la guerre de France, dict des Allemans, que ceste nation tenoit pour chose

vitupe-

vituperable, mettre selles sur chevaux. Lesquels Allemands n'ont point laissé en petit nombre, d'assailir un bien grand nombre de leurs ennemis, qui avoyent chevaux bien sellez. De mesme, les Romains ont pour un temps esté à cheval sans selle, comme atteste Volateranus, qu'il n'a trouvé es vieilles loix, que les Romains se soyent servis ny de selles, ny d'estrivieres, comme nous faisons: mais qu'ils ont simplement d'un drap couvert leurs chevaux, pour aller à la guerre. Pour cela n'ont laissé les autres nations, comme les Peletroniens, de se servir de selles. L'on doit juger que la premiere chevalerie vient des Theffaliens; car l'argument en est aussi, que de tout temps en iceluy pays, ont esté nourris & trouvez des tres-bons chevaux, qui ont eu la reputation d'estre les meilleurs & les plus beaux. Tellement que de celuy temps, estoit estimé le loyer du vainqueur bien grand, quant on luy promettoit une jument de Theffalie, dont le proverbe est venu, *Decernatur Equa Theffalica*. Ce qui de mesme l'on entend par la fiction des Poëtes, quant ils escrivent des Centaures: que ceux cy se tenoyent lez la montagne Pelio, où ils estoient nourris des nymphes, les disans en partie hommes, en partie chevaux. Par ou ils ont voulu parler de la chevalerie. Comme de nostre memoire, quelques Indiens voyans un homme

me

me à cheval , estimoyent que c'estoit un mesme corps. Aussi ont les Poëtes voulu donner à entendre, que la premiere chevalerie a esté retrouvée, & en estime chez lesdicts Theffaliens. Comme Platon & Socrates le tesmoignent. De moy, je tiens que la maniere & coustume de tant bien & gentiment façonner les chevaux, a esté le premier trouvé en Theffalie , puis que Dieu & nature ont fait grace à ce pays, qu'ils y viennent plus beaux & meilleurs qu'en nul autre lieu: par où ils ont esté esmeus de dresser ce noble animal, tant à leur service, qu'à leur plaisir & recreation. Car encore de nostre aage, ce peuple, & pour la guerre & pour le plaisir, accoustrent & aornent leurs chevaux fort richement & magnifiquement, comme l'on fait en Turquie, Barbarie, és Espagnes, de mesme à Naples, par toute l'Italie, & en France, où les chevaux sont tellement dressés, qu'il ne leur manque que la parole: c'est merveille comment ils font bien, & chose fort superbe, la soye, l'or & l'argent dont ils sont couverts. Au cōtraire, où les chevaux ont beaucoup de poil & long, comme en ces pays Septentrionaux, toutes ces gentilleses sont en moindre estime & practique.

De la

De la constitution & naturel des chevaux.

CHAP. I L.

LA raison veut, que ceux qui entendent traiter chose aucune, qu'en premier lieu, ils sondent & recherchent la nature & propriété de la mesme chose: autrement ils en parleroyent mal correctement. Estant mon intention, de traicter comment le haras se doit mettre sus, non de meschans chevaux de village, mais de chevaux de pris, principaux, nobles, & de guerre, comment l'on doit eslever les poulains jusques à tant que l'on les mettra entre mains du cavalerisse, & de ce qui concerne cest affaire. M'a semblé convenir, dire de quel naturel sont les chevaux, lequel est chaud & humide: tous naturalistes jugent, que de tous autres animaux, vous n'avez de ce naturel, que l'homme, le cheval & l'elifant, estât la complexion plus accomplie: parquoy l'on estime ces trois animaux plus nobles & de plus grand jugement, que nul autre. Que le cheval soit de temperament tel, toutefois la chaleur excedant l'humidité, se peut juger par les raisons qui suivent. Estant cest animal fort viste, prompt & legier. *Galenus, de* ^{Lib. I. cap.} *usu part. Etenim velox & superbum est animal,*

E comme

comme pour raison, qu'il est de plus lōgue vie, que beaucoup d'autres animaux, avec cela il est hardy, aligre, docile, & recognoissant qui luy faiēt du bien ou du mal, portant affection à son maistre, & à celuy qui le pense: en outre il est, entant que cheval, sage & superbe, remarquant tost quant on le veut aorner richement, il s'y plaiēt cōme un hōme fol en ses accoustremens: il se plaiēt pareillement fort à se baigner & nager, plus encore aux belles & verdes prairies ou l'eau clere passe, aimant les bonnes odeurs, avec lesquelles on le peut apprivoiser, il s'esioit pareillement oyant la musicque de haut ton, comme trompettes, clairōs, & instrumens tels, ce qui se voit en guerre, & aux champs, ou ils s'arrestent volontiers, lez leur bergier, quant il sonne ou joue sur la musette. L'on escrit des juments en Libye, qu'elles affectionoyent bien fort le son des instrumens mentionnez: & en Mysie avoyent ils la coustume, quant ils vouloyent faire faillir les juments, ils leur ont faiēt ouyr grand bruiēt de phiffres, afin que par cela elles eussent plustost à concevoir, & faire des plus beaux poulains. Le peuple nommé Sybarites, qui faisoit un bien grand Royaume, mais une gent fort effeminee, ont bien appris à leurs chevaux tant de musicque, que quant l'on à sonnē des instrumens, ils ont commencē à danser, bien que ce bal cavalin à

coustē

cousté chier, & esté la ruine de leurs maistres : car un temps que les Crotoniates (de laquelle nation a esté Milo, un fameux luicteur) avoyent guerre bien forte contre les Sybarites (lesquelles deux nations estoient sur les confins d'Italie) & estans pour s'entredonner le choc de la bataille, les Crotoniates advertis de la façon du bal des chevaux de leurs ennemis, & ayans force instruments à faire baller les chevaux d'iceux, ont faiet sōner haut, & suivre les chevaux de leurs ennemis aux sonneurs, qui les menarent en lieu d'esavantageux, où ils furent accablez & defaiets desdits Crotoniates, qui apres ce coup envahirent leurs terres & villes. Lequel malheur l'on ne doit attribuer aux chevaux, ains aux maistres d'iceux, qui effeminez comme susdit, les avoyent dressez plus au plaisir qu'à la guerre, tellement que les chevaux n'en sont à blafmer. Partant qui veut acheter, ou se servir d'un cheval, qu'il le face instruire come il entéd de s'en servir: car cōme les hommes ont des inclinations diverses, chose tres-rare, qu'un homme soit tant universel qu'il soit capable à tout, plus encore diversifiez sont les chevaux, car l'on n'en trouvera pas un, qui selon le proverbe, aille avec toute selle.

L'on voit les chiens de races diverses, l'un chassant sur terre, l'autre sous terre, en l'eau,

poursuivant l'outré poisson, & le canard oiseau, d'autres ne chassent que la perdrix, faisans, cailes, & ce qui est emplumé, qui la beste rousse, qui la noire, & tous sont chiens. Tous chevaux sont chevaux, l'un propre à voyager, l'autre pour la charette, pour la charue, pour la chasse; & pour la guerre, le genereux, legier & fort tant seulement. Revenant à mon premier propos, je dis que les chevaux ne semblent creez pour le bal, ains pour en general soulager le travail de l'homme. Et pour le confirmer, les nations Bisaltæ & Cardiani, gens de la Thrace, se faisans la guerre, un homme des Bisaltes, de nom Onaris, estant prisonnier de ses ennemis Cardiani, fut vendu à un barbier, à la maison duquel il ouyt (cōme les barbiers sont langarts) que les Cardiani avoyent une prophetie qui les menassoit, que les Bisaltes, un jour viendroyent sur eux avec bien grandes forces: le dit jeune homme prisonnier eschappa, retournant en sa patrie, ses compatriots l'ont avancé tellement, qu'il commandoit à quelque nombre de soldats, cestuy pour se venger de la captivité mentionnée, fit tant qu'il recouvra une femme du pays des Cardiani, qui dextrement sonnoit les instruments, qui faisoient baller les chevaux de son pays, laquelle instruisant de cest art, en peu de tēps un nombre de Bisaltes, qui peu apres furent assail-

lis des Cardiani, lesquels se foyent au grand nombre de leurs chevaux ballans, furent neantmoins attendus, & recheus de leurs ennemis, qui avoyent au front de leur bataille, leurs apprentifs mentionnez de la musicque des chevaux qui venoyent sur eux, lesquels commencerent à sonner si bien, que les chevaux de leurs ennemis les Cardiani, se dresserent pour baller sur les jambes de derriere, voyás les Bisaltes cest avantage, ont foncé sur eux, & les deffaiçt avec victoire. Le susdit soit allegué, pour monstrier que les chevaux se plaisent bien fort de la musicque, mais le bal est en eux chose superflue, & blasmable aux hommes: Comme ce tres-renommé Roy d'Aragon & de Naples (le sage) disoit, qu'il n'y avoit nulle difference entre l'homme sage & le fol, fors que l'un estoit fol tant qu'il balloit, & l'autre tant qu'il vivoit. Pour conclusion, l'on ne trouve animal qui aime plus estre tenu à sec & nettement, que le cheval: Et qui veut maintenir & continuer la santé de son cheval, qu'il ne le place en lieu humide, ce qui nous faict croire, qu'il est de complexion plus que chaude, & qu'il soit moyennement humide, l'on le voit à ce que l'on le peut appriuoiser, (pour farouche ou sauvage qu'il soit) en le flatant & amadouant; Plinius, Aristote & autres, afferment qu'il n'a pas de fiel. D'avantage ont les chevaux cela d'es-

gal aux hommes, qu'ils sont subjects aux mesmes maladies, jusques au podagra & gouttes. Quant aux autres particularitez de cest animal, sera faict mention en des chapitres particuliers; car icy seulement est dit de sa constitution, & en particulier, que cōme les hōmes & animaux (selon le dire des naturalistes) sont composez des quatre elements, & comme un element devance ou surpasse l'autre, par où ils sont nommez *Cholerici*, *Sanguinei*, *Phlegmatici* & *Melancolici*: pareillement ont les chevaux differents humeurs & complexions, selon que l'un des elements est predominant l'autre, sont ils inclinez & conditionnez, telles inclinations sont jugées des marquez & couleurs des chevaux, dont icy apres s'enfuivra un chapitre particulier. D'abondant sont les chevaux de fort differente constitution & inclination, selon le climat du pays où ils sont venus & eslevez, comme en autre lieu j'en diray d'avantage. De tout cecy ne doit estre ignorant celuy qui pretend dresser chevaux, afin que chascun d'eux soit mené & manié selon son naturel & propriété, autrement c'est ruiner un cheval.

De la

De la vie longue des chevaux.

CHAP. III.

IE ne scaurois juger d'où nous vient cest erreur, que des chevaux parvenus un peu à quelque aage, l'on en tienne si peu de compte, principalement en Allemagne & és pays bas, on les y vend à vil pris, ou bien les met on au chariot, afin que l'estable n'en soit occupée, je ne parle icy d'un bien grand aage dont icy apres sera traicté, mais tant seulement de l'aage de 10. ou 12. ans, ou quelque peu d'avantage, cōme s'il fut chose impossible qu'un cheval scauroit se faire plus vieil, & demeurer bon: pourroit il arriver? pour cause que ces chevaux nostres sont esnervez & foibles de nature, & que par cela ne sont de longue vie? ou pour cause qu'ils sont mal pensez? ou bien que l'on les monte chez nous trop jeunes, les gastant en jeunesse tellement, que sur l'aage ne sont assez bons pour la charette? ou quelle que la rayson puisse estre, que l'on s'en defaict si tost & tant legierement: Nous voyons neantmoins ces autres nations, que leurs chevaux ne font que parvenir à bonté, à l'aage que les nostres ne valent plus. Le tout bien consideré, je dis que ces raisons toutes sont concurrentes, &

sont

font cause que noz chevaux ne font grand aage. Bien est vray, qu'és pays chauds, secqs & fertils, du levant & midy, toutes choses qui y naissent d'ordinaire sont plus fortes, substantieuses & mieux parvenues, que non point en ces pays humides du Nord & VVest, comme le Soleil en ces pays chauds faiçt mieux son operation és corps; pour ceste raison Plato dit le Soleil estre un Dieu. La perfection des herbes & fruiçts d'iceux pays nous en font foy, lesquels ne parviennent si bien en nostre pays: Par consequent sont les chevaux d'iceux pays chauds, plus nobles, plus beaux, & plus courageux qu'en nostre pays froid: l'on le voit à l'œil, si l'on veut paragonner chevaux de Turquie, d'Arabie, de Barbarie & d'Espagne aux nostres. Neantmoins je ne puis conclure par là, bien que les nostres ne sont si delicats & nobles, mais plus grossiers de poil & de membres, que partant ils ne doivent autant durer & vivre que ceux là des pays chauds: Mais au contraire, que noz chevaux pour estre forts & grossiers, devroyent plus durer & continuer au travail. Car si le pays & le climat peuvent causer une vieillesse premature & mauvaise (comme bien souvêt il arrive en aucun pays) la consequence seroit, que mesme les hommes ne feroient grád aage chez nous, comme en ces pays chauds mentionnez, car l'on trouve chez nous des

hommes

hommes plus vieux qu'en iceux pays, pour chauds qu'ils soyēt : & ne convient doubter, que noz hommes feroient plus grand aâge, s'ils estoient plus sobres. Bien qu'il ne soit chez nous autant chaud qu'il est en Asie & en Affricque (d'où viennent les chevaux excellens) il n'y faict si tres-froid que l'on n'y puisse aisement vivre, car il y a des provinces trop plus froides, où hommes & bestes deviennent vieux.

Nous avons un air assez accommodable, encore qu'il nous convienne passer des fruiçts pretieux de ces pays chauds, dont l'on se peut passer, & se nourrir de pain & de vin, servant la reste plus à delices qu'à la necessité. Partant, bien que l'air & le naturel d'un pays face quelque operation és chevaux (ce qui ne se peut nier) elle n'est si grande, que nous devons ainsi rejeter noz chevaux. Et quant à bien penser les chevaux, icy n'en feray mention, seulement que l'on regarde comment en usent les Turqs, les Hongrois, les Mores, les Espagnols, les Napolitains & autres qui sont curieux de faire du bien à leur chevaux, & que l'on voye comment nous y procedons, l'on decouvrira combien importe le bien ou le mal penser chevaux. Il est tres-assuré, que nulle chose au monde, ne maintient plus le cheval en santé, vigueur & vie longue, le travaillant, que de luy faire beau-

coup de bien, comme icy apres en lieu deu, nous en dirons bien amplement: Et avenant telle fois que l'on travaille, & se serve bien fort d'un cheval (ce que par necessité advient) il luy nuira peu, moyennant qu'apres ce, l'on luy face du bien, le pensant curieusement &c. comme vrayement l'on doit faire, & nulle nation (en faiçt de guerre ou action de chevalerie) ne se fert avec moindre respect de leurs chevaux, que les Hongrois & les Turcs, & mesmes les Espagnols, mais apres ce travail, l'on leur faiçt tres-tant de bien, que leurs chevaux demeurent fains, & bien travaillans, avec lesquels en guerre ils nous passent. De nous ? nous n'en usons pas comme eux à traicter les chevaux tant curieusement; ains si à nostre cheval vient quelque mal, nous disons, il est bon à la coche, il est bon à la charue, & puis que pour de l'argent l'on en trouve des autres, & que la mere des chevaux n'est pas morte, commun proverbe. Le mal penser chevaux est donc la principale cause qu'en noz pays ils ne parviennēt à tel grand aage comme és autres: s'ils parviennent à quelque aage, ils ont les jambes pleines de tant de maux, comme galles, mulles, esparvennes, suros &c. qu'ils ne valent guere d'argent. En partie en est aussi cause, que nous montons & travaillons noz chevaux par trop jeunes, comme à trois ou quatre ans, n'ayans force ny vi-
gueur,

gueur, n'estans parcreus ny formez, ils sont foulez de rains & de jambes avant que l'on leur devroit mettre la selle, avec tant d'autres incongruitez que l'on commet à ces poulains (non jeunes chevaux) par lesquels ils sont ruinez, chose prolixé à narrer, car le plus important est, de faire monter le cheval devement & sagement, car les esnervant, l'on les fait encore vitieux, lesquels vices l'on ne leur peut apres oster qu'avec bien grande difficulté, & sont beaucoup pires que si l'on n'y eust jamais monté. Timotheus un grand joueur de flutes, prennoit un salaire ordinaire de ses disciples qui n'avoient jamais rien appris de son art, mais de ceux qui avoient commencé à apprendre d'autre maistre, il demandoit double salaire, comme ayans prins mal fondement en cest art. De mesme un cavalerisse a plus de mal de remettre un tel jeune cheval vitieux & mal mené, que de donner les premieres leçons à un cheval de cinc ans. En autre pays l'on commence aussi à mettre à l'escole un cheval de quatre ans & demy, mais point comme nous, qui tost qu'ils viennent de la couple, y mettons la selle, un mors bien dur en bouche, nous servans fort peu de cavetrons & de martingals pour contregarder la bouche, jusques à tant qu'ils ayent prins plus grande force, au contraire nous offensoins & rompons les barbes, qu'à bien grand peine

& longueur de temps, l'on leur peut remettre la bouche, qui la plus part demeure falsifiée & tant dure, que de tels chevaux l'on ne se peut plus servir à la selle. Bref, nous n'avons nulle patiëce avec les jeunes chevaux, chose la plus requise, car de longue main, un cheval peu à peu se façonne. Si nous laissons parvenir noz chevaux à leur force & aâge tel que les Italiens souloyent faire, nous aurions des chevaux vigoureux & forts comme eux. Car j'ay veu en Italie, particulièrement en Lombardie des chevaux de ces pays nostres, que l'on estimoit & vendoit des trois & quatre cent escus aussi bien que les chevaux de Turquie & d'Espagne, comme ils n'estoyent de moindre valeur qu'i-ceux estans venus jeunes en Italie, & se manias en parangon. Encore est cause que les bons chevaux sont tât rares chez nous (je parle de chevaux principaux pour la guerre, & non de chevaux cōmuns) que nous ne respectons point ces chevaux principaux, mais nous en servons cōme des autres moindres, ne les pensant aussi point mieux. Autres nations n'y montēt que pour aller pourmener, ou pour veoir l'ennemy, par pays, les font mener à la main, nous ne faisons pas cela: Mais comme dit *Camerarius*: *Germani ut Delphico gladio equis suis utuntur, uno eodemq; modo ad plaustrum, aut esedum adjungunt, modò ad itinera facienda ador-*
nant,

nant, modò ad bellorum pericula armant, ut neque Equites praclaros, neque equos egregios, nostris locis & temporibus reperiri mirum videri debeat nemini. Quel aâge les chevaux d'ordinaire peuvent faire? Aristoteles & Plato disent que les chevaux parviennent souvent à l'aâge de 18. 20. 25. 30. & 35. ans, aucuns à 40. & 50. leur aâge plus commun est de 25 à 35 ans. Comme nous lisõs de Bucephalo, qu'il estoit 30. ans passé à sa mort, lequel eut sceu vivre plus longuement, s'il n'eut esté navré à la mort, estant en guerre sous son maistre: le cheval qui avoit nom Opuntius, estant aâgé de 40. ans, estoit encore propre pour saillir des juments quant l'on l'assistoit, l'eslevant à mont avec les bras. *Albertus Magnus* dit qu'il à cogneu l'hõme de guerre qui avoit cheval aâgé de 60. ans, dont il se servoit encore à la guerre, y estant propre. Entre les Turqs n'est chose nouvelle, que les chevaux parviennent à l'aâge de 30. ans & plus. Le Bascha nommé Alibascha, gouvernant de son temps à Buda, qui fut faiçt executer par son maistre Solyman, pour intelligence avec les nostres, avoit deux siens chevaux de bataille, dont point un n'avoit moins d'aâge que 36. ans, & en faiçt de guerre n'en montoit point d'autre, bien qu'il n'avoit faute de chevaux moins vieux. Concludant qu'il ne faut regarder au nombre des ans, ains à la

disposition & force du cheval vieil, qu'il soit sain & net aux jambes, dont les genoux ne doivent estre courbez du travail, estant gras & refaict, demeurant en mesme estat sans s'amaigrir: il ne faut estimer un tel cheval vieil, mais au contraire il en faut faire peu d'estat, & nullement s'en servir en guerre, quand par le grand aage il commence à se defaire & amaigrir: vraye marque si un cheval est encore (bien que vieil) propre & assez fort pour la guerre ou point. Comme entre les hommes, l'un est à 60. ans frais & dispos, l'autre à 30. ans, caduc comme un vieillard: ainsi des chevaux, il en y a des jeunes esnervez, poltrons & sans vigueur, & des vieux, forts, allaigres, travaillans & dispos, tellement qu'és chevaux, est plus à estimer la suffisance & puissance, que non pas l'aage.

De l'intellect & jugement des chevaux.

C H A P. I V.

IL est notoire que tous les animaux que Dieu à creez apres le monde, & puis maintenus & sauvez en l'Arche de Noé, ont esté brutals & sans jugement, fors l'homme qu'il crea selon son image, le douant d'un jugement & intelligence divine, & puis de l'ame immortelle, luy submettant les animaux

maux de la terre, & le fit peu moindre que ne sont les Anges. De la ne suit point que tous animaux soyent entierement & du tout sans jugement; car nous voyons qu'ils n'ont pas seulement un jugement commun, se sçachans garder de ce qui leur nuict, mais aussi ils aiment & suivent ce qui leur est bon, & à chascun d'eux selon son espece est donné un jugement ou intellect particulier, à l'un plus, à l'autre moins. Plinius des Elifants. *Maximum est Elephas, proximumq; humanis sensibus: quippe intellectus illis sermonis patrij & imperiorum obedientia, officiorum, qua didicere, memoria, amoris, & gloria voluptas. Imo verò (qua etiam in homine rara) prudentia, aequitas, religio quoque syderum, solisque ac Luna veneratio.* Ce sont des choses grandes d'un grand animal, lequel d'abondant apprend à manier les armes, & s'en sert en guerre, combattant valeureusement. *Aulus Gellius.* Le lion d'Androdus esclave, avoit jugement & memoire du benefice que ledit esclave luy avoit faict au desert, & luy en a monstré gratuite, en presence de tout le peuple Romain. Les chevaux de mesme ont un bien grand jugement & intellect, & plus beaucoup que les autres animaux, approchât aussi de plus pres le jugement humain, que celuy des Elifants, selon le dire de Plinius, comme dessus, ayans la memoire que l'on dit *Reminiscenciam*, & jugent

Libro 5.
cap. 14.

jugent qui leur faict du bien ou du mal, ayans encore des autres bonnes parties en eux, qui approche de pres le vray & sain jugement des hommes, comme appert par l'histoire suivante d'un Roy de Scythie, qui avoit une fort belle jument de poil blanc, d'elle venoyent des fort beaux, bons, & tres-finguliers chevaux: & afin qu'il en eut encore meilleure race, il l'a faict saillir d'un cheval parfaitement beau & bon, neantmoins venant d'elle, lequel recognoissant sa mere, n'en a point voulu, quoy que l'on fit de luy, en apres l'on luy a amené une autre jument, que promptement il a sailly, apres quoy on luy a couvert les yeux, & luy remis au devant sa mere, laquelle (luy estant ainsi bendé les yeux) il a en fin sailly, estimant (selon les auteurs qui en parlent) que ce fut celle qu'il avoit ulterieurement monté, mais luy estant descouvert les yeux, & s'appercevant du dol, il a esté tellement vaincu de tristesse & cholere, qu'il est couru donner de la teste cõtre pierres & murailles, tant qu'il s'est promptement tué. Varro dit que ce cheval s'appercevant qu'il avoit eu affaire à sa mere, print aux dents, & tua incontinent les hommes qui l'y avoyent conduit à telle intention. Le mesme a faict une jument au pays *Rheatinorum*, laquelle s'appercevant de mesme abus, qu'on l'avoit faict saillir par un sien poulain, bien qu'il se fit à son des-

cey,

çeu, n'a elle esté contente d'avoir tué son maistre, mais s'appercevant où estoit mis & enterré le corps d'iceluy, le deterra de ses pieds, l'ayant bien foullé, le deschira à belles dents, le demembrant entierement: Il appert que les chevaux respectent consanguinité, bien que Plinius en dict le contraire: Il en est comme entre les hommes, que l'un à plus de jugement que l'autre, comme les chevaux des pays Meridionaux & Orientaux, ont plus de jugement ou intellect, que non pas ceux des pays froids & humides. Avec quoy je conclus ce chapitre.

De la memoire des chevaux, & qu'ils entendent la parolle de celuy qui ils cognoissent, & qu'ils font ce que l'on leur commande.

CHAP. V.

CE chapitre pouvoit estre compris au precedent, comme il est vray que la memoire est une partie de l'intellect: j'ay trouvé bien d'en traiter particulierement, car aux chapitres subsequens est pareillement traicté de chose concernant l'intellect: & ce afin qu'au lecteur ne faschat un chapitre prolix. En premier lieu, si les chevaux n'avoient memoire, ils ne seroyent propres au

G

service

service de l'hōme, qui seroit tenu dresser chascque fois le cheval à ce, dont il s'en voudroit servir, l'agriculteur ne le scauroit mettre à la charue, sans le luy chascque fois apprendre ou enseigner, qui seroit chose ridiculeuse : le mesme seroit subject l'homme de guerre pour attacher l'ēnemy, en premier apprendre à son cheval, à parer, à galopper &c. Et que les chevaux entendent ce que l'on leur dit & commande : voyez le cheval bien dressé, si le changez de lieu & d'escolle, ou qu'il aye esté longuement de repos, si le mettez en action, il ne laissera partant de bien faire, & tant correctement, qu'il seroit impossible sans la sienne bonne memoire: il n'y a cavalier qui ne juge l'un cheval avoir plus de memoire que l'autre. L'on voit des hōmes vagabons, ayans des petits chevaux qui font mille petits faults par le cercle, pour l'amour du nom de celuy qui leur est cogneu, & pour un nom incogneu, n'en feront rien, ils se mettent bas par terre comme morts, quoy qu'on leur face ou presente de l'avoine, ils ne s'en leveront que quant l'on les menasse de leur oster la peau : ils recerchent d'une bien grande trouppe, un homme qui leur est nommé, & s'aresteront devant iceluy, le provoquant &c. Tellement que les chevaux entendent les parolles & signes de l'homme. L'Empereur Trayanus venant aux pays des Parthes & des Armeniens,

niens, les Seigneurs de ces pays (selon leur coutume) luy ont faict des presens bien grans, entre autres d'un cheval d'apparence, qui se mettoit à genoux devant cest Empereur, inclinant sa teste aux pieds d'iceluy, cōme s'il l'eust adoré, qu'ils disoyent estre l'intention du cheval pour complaire à l'Empereur, car ils le tenoyent pour chose admirable: pour le temps present, chose bien commune, comme moy & autres ont chevaux tels qui se mettent à genouil. Plinius dit qu'il y a eu des chevaux qui combattans, ont relevé de terre avec la bouche, des lāces & autres armes, & mis es mains de leur maistres pour combattre. Les Tartares (gens qui se nourrissent de prinse) quant ils font course sur leur voisins, du tout contre le Nord, qui n'ont jour que peu de mois de l'an (& quant il est chez eux aucunement jour, il y faict tant brun, que du jour à la nuict il y a peu de difference) & quant ces Tartares les veulent spolier, ils sont montez la plus part d'eux sur jumets qui allaiētent leurs poulains, qu'ils laissent enserrez au lieu dont ils partent, passent ainsi pays, desrobent & chargent ce qu'ils rencontrent, ce qui se faict es tenebres comme susdit; ces Tartares chargez de proye ne scauroyent retourner chez eux, que laschans les brides à leur juments, elles retournent où elles ont laissé leur poulains, pour l'amour qu'elles

portent à iceux, & la memoire du chemin qu'elles ont faict en deux jours & deux nuicts, rapportans ainsi leur maistres chez eux. *Ælianus* dit qu'une jument ayant poulain, a sauvé & porté son maistre *Darius* hors de dangier. Tous ceux qui ont oncques traicté de dresser chevaux, nous admonettent qu'il faut parler aux chevaux, afin qu'ils apprennent à nous entendre, & sçavoir ce qu'il leur convient faire pour ne les point tousjours presser de coups de baguette ou d'esperons: Car mesme les chartons commandent bien particulièrement à leur chevaux, les arrestent d'un mot monosyllabic, les font passer outre, tourner à gauche, à dextre de mesme, sans approcher d'eux, ny les toucher.

De la foy & amour des chevaux vers leur maistres, qu'ils ont preadvvertis de malheur eminent.

C H A P. VI.

P V I S que les chevaux ont intellect & memoire, ce que j'ay verifié par le chapitre precedent, il est croyable qu'ils portent affection & amour à ceux qui leur sont maistres & bien faisans, auxquels par obligation ils ont preadvvertis du malheur à eux eminent, estant cest animal en son
affection

affection plus constant que beaucoup d'hommes. Nous lisons de ce tres-renommé cheval Bucephalus, qu'il à tant aymé son maistre, que quant on luy a mis ses accoustrements royaux, ou bien que l'on l'aye armé pour la guerre, il n'a voulu laisser monter en selle autre que le Roy son maistre; & si quelque autre y estoit monté, il le jettoit hors de selle, & mis par terre, le poursuivoit pour le defaire, mais n'estant sellé ny accoustré royalement, ains simplement couvert d'un drap, il admettoit que l'Escuier du grand Alexandre son maistre y montast, mais point d'autre; & quant le Roy son maistre y montoit, il s'humilioit, & se mettoit bas. Ayant le mesme Roy assiegé estroictemēt la ville de Thebes, faisant ceux de la ville une sortie, ce cheval fut tort navré par un coup de traiçt, le Roy ne se fiant plus longuement de ses forces, voulut prendre un autre cheval; ce que Bucephalus ne voulant admettre, a emporté le Roy son maistre long hors le peril de guerre: de mesme quant ce Roy avoit guerre és Indes, s'estant par trop avancé en une bataille, plus avant qu'il ne convient à un general, & estant circonvenu de ses ennemis, où ce cheval Bucephalus fut autrefois grièvement navré, sentant perdre ses forces, ne laissa partant pour sauver le Roy son maistre, de percer la troupe ennemie, & d'une brave longue carri-

re, emporter foy & son chevalier long des ennemis, se voyant hors de dangier, promptement est tombé mort: vray & bien digne cheval d'un tel Roy victorieux, forçant les forces pour emporter & sauver son feigneur, lequel alors à plaint son cheval avec larmes, & crié à haute voix, mon bon heur est mort. Pareille condition avoit le cheval de Iulius Cesar, qui aimoit tant son maistre, qu'il ne laissoit monter personne autre. Il y a des auteurs qui disent qu'il avoit des pieds d'homme, fendus comme des doigts, qui est chose monstrueuse: par ou luy fut predit qu'il gouverneroit le monde entier, il fit nourrir ce cheval bien curieusement, afin de ne le perdre. Ce cheval bien qu'il eut ces pieds monstrueux, couroit tres-vistement: Cest Empereur venant à l'estable visiter ce cheval qu'il estimoit son heur, trois jours devant sa mort, l'a trouvé larmoyant, annonçant à Cesar qu'il seroit tué de bref, comme il advint. Plusieurs autres chevaux ont manifesté la mort de leur maistres. Vn Roy de Scythie estant provoqué d'un sien ennemy venir combattre en duel, fut vaincu, & comme le vainqueur luy voulut oster les armes, le cheval du Roy est accouru sur luy, le foulant aux pieds, l'a tué avec les dents, vengeant son maistre. Apres la mort de Nicomedes le Roy, son principal cheval n'a pas voulu manger ne boire, & mourut en dueil.

Ælianus

Ælianūs dit qu'en la ville d'Athene y avoit un fort beau jeune homme nommé Socles, qui avoit un cheval pareillement fort beau, lequel n'estoit à repos s'il ne voyoit son maistre, & comme ceux de la ville parloyent malhonestement de ceste affection cavalline, il s'en est defaict le vendant: ce cheval estant esloigné de Socles, il n'a plus voulu manger, ains est mort bien tost. Antiochus estant tué en une bataille, un nommé Contaretus eut son cheval, & y estant monté, piaffoit avec iceluy, lequel s'enaygrit & cholera tellement, qu'il s'est precipité d'une montaigne, tuant & soy, & celuy qui y estoit monté, vengeant par ainsi la mort dudit Antiochus. L'Empereur Severus faisant chastier & mettre à mort ceux qui avoyent tué l'Empereur Pertinax, un des delinquans allant mourir, avoit un cheval qui ne le vouloit abandonner, ains le suivit à la mort, où ce cheval se tua soy mesme apres que le maistre fut executé. Plinius dit que les chevaux annoncent les batailles, & prevoyans la victoire pour eux, ils sont allaigres; & du contraire, fort tristes, & pleurent la mort de leur maistres. L'on sçait, que l'Empereur Licinius voulant faire mourir & tirer à quatre chevaux sa fille Perine pour la foy Chrestienne, l'un des quatre chevaux a tué l'Empereur mesme: estant ce cheval par la volonté divine, vengeur de l'iniquité de ce pere. Il ne convient

convient donc doubter que les chevaux ont affection amour & foy à leur maistres.

Des chevaux de pris, & qui ont esté vendus pour des sommes grandes.

CHAP. VII.

QUAND l'on a voulu parler ou escrire de chevaux excellens en bonté & beauté, Bucephalus a esté des premiers, comme de raison, car il a excellé les autres; je feray le mesme, car l'on n'en trouve point d'autre qui aye esté plus chèrement acheté. Le sçay que de cestuy Bucephalus il y a des opinions bien diverses; aucuns estiment qu'il aye esté monstrueux. *Aul. Gellius: Equus Alexand. Regis, & capite & nomine Bucephalus fuit.* Ce qu'il ne faut croire, car tous monstres sont malheureux, & puis les terres & pays où naissent des monstres, se tiennent malheureux, estant entre nous une louable coustume, que l'on oste du monde tous monstres aussi tost qu'ils sont venus, & puis *cave à signatis*: ce qui est contrefaict, semble estre desavoué de Dieu & de nature. Puis que le Roy Alexandre a eu tant d'heur, & tant de victoires avec Bucephalus, qu'il a reclamé estre tout son bien & heur: je conclus qu'il n'a esté monstrueux avec
teste

*Libro 5.
cap. 2.*

teste de taureau, & pieds d'homme; ains comme
 un tres-beau & accompli cheval. Si l'on me veut
 objecter que le cheval mentionné de Iulius Cesar
 estoit monstrueux ayant eu pieds d'homme, qui
 presageoit qu'il domineroit le monde, aussi luy a il
 predict par larmes sa male mort, & qu'il causeroit
 grande dissention entre les Romains, avec gran-
 de effusion de leur sang, & perte de leur grandeur
 par guerres civiles, ensuivies apres sa mort, ce qui
 a esté signifié par les pieds fendus de ce cheval, qui
 vrayment ne pouvoit signifier que division: Il a
 esté nommé Bucephalus, pour cause qu'il avoit sur
 l'espaule droicte, la figure de la teste de bœuf, for-
 mée ou faict avec le fer chaud, car tous chevaux
 de cestuy haras *Philonici Pharsalij*, avoyent ce
 mesme nom, comme ayans tous mesme marque,
 ceux qui ont des haras au Royaume de Naples,
 en usent de mesme, chascun d'eux marquant ses
 chevaux sur la cuisse, & sur la ganasse indifferem-
 ment, ce qui est en Hongrie chose tant commune,
 qu'il n'y a roffe qui ne soit marquée de fer chaud.
 Aucuns disent qu'il a esté vendu pour 13. talenta,
 qui pour ores montent à sept mille huit cens es-
 cus. *Ælius* parle de seize talenta, qui montent neuf
 mille & six cens escus sol, ou l'une ou l'autre som-
 me, c'est un grand argent pour un cheval: ce che-
 val a esté achepté en *Theffalia*, dudit haras de

Philon. Pharsalij estant bien jeune, il estoit fort courageux, ce neantmoins peu prisé du Roy Philippus : le fils duquel Alexandre le grand l'a prins en affection, & en a fait cheval tel comme les histoires en parlent; aucuns disent que le Roy Philippus l'avoit achepté, autres qu'on luy en avoit fait present. Le malheureux cheval nommé *Equus Seianus*, fut achepté de Cornelius Dolabella pour cent sextertia, qui valent deux mille cinc cens escus: c'est achepter trop chier son malheur; car cinc personnes subsequentes sont peris malheureusement. Cn. Seius, de qui il print le nom. M. Anthonius. Cor. Dolabella. Ca. Cassius, & le cinquiesme Nigidus, est tombé avec ce cheval en mer, que ny l'un ny l'autre ne fut plus veu: de la vient le proverbe, *Equus Seianus*, quant on vouloit annoncer chose malheureuse. L'on escrit du cheval du Roy Marsinga, qu'il estoit estimé en valeur autant qu'une des meilleures villes d'Italie, y compris les perles & diamans, or & argent dont estoient garnis la selle & accoustrements de cestuy cheval, autrement le pris d'un bon cheval en ce pays, n'est que de cinc à six cens escus. Laisant les choses de celuy temps, je diray qu'en l'an 1551. estoit un cheval à Cordua, pommelé, assez vieil, pour lequel le Prince de Salerno avoit quelque temps devant offert mille cinc cens ducats. A

Madrid

Madrid fut vendu l'an 1563. un cheval tout blanc, & un autre alessan pour deux mille ducats. Ce n'est chose nouvelle en Espagne, comme à Naples, vendre des chevaux mille escus & d'avantage. Vne jument Turcque, avec laquelle le Roy Henry 2. sortit de Pologne, fut estimée & vendue deux mille ducats: Encore journallemét l'on paye cent philippus, cent escus d'un courtaut: la chierté des chevaux, nous vient des fortes guerres, qui consomment les hommes comme les chevaux, tellement qu'après les guerres, l'on a bien du mal à restaurer & multiplier les haras. Plinius dict que quant de son temps l'on vouloit priser une chose, l'on disoit, la valeur en est plus que d'un cheval. Plutarchus faict comparaison d'un cheval, à un joyau pretieux de pierreries.

En quelle reputation les chevaux estoyent du vieil temps, & d'aucuns qui ont esté honorez apres la mort.

CHAP. VIII.

L'ON peut veoir par les histoires, en quelle estime les chevaux estoyent d'antiquité pres les Grecs, Romains & Barbares, ce seroit chose superflue que j'en fis mention, seulement d'un suc-

ces, qu'après que l'Empire estoit venu des Medes sur les Persiés, & qu'il s'y estoit arresté long temps, il y eut apparence que du temps du Roy Cambises, cest Empire par le moyen des Mages, estoit pour retourner des Persiens sur les Medes, ce qui fut avenu, n'eust esté que sept des principaux Persiens tuarent ces Mages, qui desja sembloient avoir le sceptre és mains. Estant cestuy Cambises & son frere mort sans enfans, lequel sien frere il avoit faiët mourir comme emulateur de sa couronne, & estans de mesme mort les Magi, comme susdit est; les Persiens sont venus en contention pour le gouvernement de l'Empire, les uns voulans choisir un nouveau Roy, les autres entendoyent que le peuple gouvernast, ou bien un petit nombre de nobles. En fin fut conclu que l'on choisiroit un Roy, puis que le gouvernement de Roy ne leur estoit chose nouvelle, & par ainsi plus recevable: Ores comme les sept Persiens mentionnez avoyent faiët ce service signalé à la patrie, d'avoir defaiët les Mages, & comme ils estoient des principaux de la Perse, fut resolu que l'on feroit un d'iceux Roy, & pour faire ceste election, que tous sept monteroyent chascun d'eux un matin à cheval, & sortiroyent la porte par ensemble, & celuy duquel le cheval premierement hanniroit, seroit esleu & confirmé Roy de Perse en la place de Cambises:

le cheval de Darius a premierement hanny, (aucuns disent par artifice de son Escuier Oebares) & incontinent les autres six se sont mis à pied avec tout le peuple assistant, se prosternans, l'ont confirmé & couronné Roy. Il est considerable que ce brave peuple guerrier a tenu la voix d'un cheval pour oracle, luy donnant l'election de son Roy, chose dont le temps n'effacera la memoire. L'histoire de Boheme nous dit, que Gracius Roy de ce pays decedant, a laiffé heritiere & Royne apres luy, une sienne fille Libissa, qui estoit Dame fort vertueuse, & de bien grand jugement, elle estant requise de ses Vassals de se marier, & voulant à eux complaire, commanda que l'on donnast liberté de campagne à un cheval, qu'elle espouferoit & feroit Roy celuy pres de qui ce cheval s'aresteroit, lequel apres s'estre bien promené par carriere & galop, s'est venu arrester pres d'un pauvre homme laboureur, qui estoit assis, & se reposant du labour sur la charue, se refectionant de son pain bis, ayant à nom Primisslaus, lequel espousant ladicte Dame, a esté Roy de Boheme, & bien gouverné & accompli des grans faicts d'armes. Les Romains qui de tout temps en leur service divin ont procedé curieusement & zeusement avec superstition tres-grande, avoyent de coustume de consacrer chevaux: comme au Dieu Mars, tous

les ans au mois d'Octobre. *In campo Martio* ont offert un cheval, de la teste & queue duquel ont fait des ceremonies bien estranges: ce qu'ils entendoient par ces ceremonies, en escrit Plutarchus, auquel me refere. Ceux de Rhodes consacroyent tous les ans au Dieu Neptun, un chariot avec quatre beaux chevaux blancs qu'ils jettoient en mer, estimans que ce Dieu s'en servoit pour aller sur mer. Ceux de Lacedemonie ont tous les ans sur le mont Taygeto, consacré un cheval aux vents, avec tout plain de superstitions: tout le susdit a esté fait par gens Politiques, & de grand jugement. Les Romains ayans tant d'excellentes loix, avoyent encore ceste coustume, qu'ils divisoyent leur citoyens en trois ordres, les Senateurs, les Chevaliers, & le peuple: estant les Chevaliers le premier ordre, duquel ils ont choisi les Consuls & Senateurs, tellement que cest ordre a esté en grande reputation entre eux, & neâtmoins a il tiré son nom & origine de chevaux, comme ils le nommoient *Ordinem equestrem*, dont on les a pareillement dit *Equites Romanos*: ayans eu des bien grans privileges & preëminences sur les bourgeois de Rome: le revenu des Romains est passé par leur mains: & personne n'estoit pour un temps reçu à cest ordre, s'il ne monstroit ses predecesseurs avoir esté nobles, & qu'il possedoit en

revenu

revenu annuel plus de dix mille escus. Quand les Romains avoyent reçu quelque service de quelqu'un leur concitoyen, le plus d'honneur qu'ils luy faisoient, c'estoit de luy faire dresser une statue à cheval, jugeans le cheval honorer celuy qu'ils estimoient tant: laquelle coustume est suivie & demeurée en Italie & autres lieux: les presens que les grands Seigneurs (abondans en or & argent) se font, c'est d'un ou de plusieurs chevaux, beaux ou bien manians, dont ils font plus d'estat, que de pierreries ou d'or. Tellement que les chevaux ont honoré autruy, & ont esté honnorez vifs & mort. Bucephalus estant mort à la bataille contre le Roy Porus, fut enterré, & au mesme lieu à son honneur fit son maistre edifier une bien grãde ville, la nommât Bucephali. Et comme ce cheval estoit un jour desrobé au Roy Alexandre, il fit publier que si l'on ne le rendoit, qu'il devasteroit tout le pays, & feroit tout passer par le fer & le feu: ce qui intimida tellement les gens de ceste province, qu'ils luy rendirent son Bucephalus avec tout plain de presens. De mesme le grand Empereur Anguste a faict enterrer son cheval: Iulius Cesar a faict dresser à un sien cheval une statue de marbre, qu'il a mis devant le temple de Venus, dont il tiroit sa decente, pour eterniser son cheval. L'Empereur Trayanus a faict mettre la figure de son cheval sur

un

un bien grand edifice, duquel edifice mesme Constantin Magnus s'est esmerveillé, comme tous ceux qui journellement le voyent à Rome, bien qu'il soit pour le longtemps fondu & diminué, lequel Trayanus ne pensoit scavoir mieux l'honorer, que de la figure de son cheval. L'Empereur Hadrianus avoit un cheval nommé Boristhenes, dont il se servoit à la chasse, lequel mourant, il luy fit faire une sepulture bien magnificque. L'Empereur Verus avoit tant affectionné, & en tel estime son bon cheval Volucrem, qu'il fit faire à la semblance d'iceluy, une figure d'or, laquelle il faisoit mener quant & soy en tous ses voyages: & quât il fut mort, il luy fit pareillement faire un sepulchre *In Vaticano*. De mesme L'Empereur Domitianus a faict fondre en bronze la figure d'un sien cheval, & depuis dorer icelle figure, & a orner de pierreries pretieuses. L'Empereur Caius a tant aimé son cheval Incitatus, qu'il l'a faict manger son avoine, & boire le vin à sa table en vases d'or, & quant il a voulu affirmer chose aucune, il l'a juré sur la santé de son cheval, & en outre promis qu'il en feroit un Consul de Rome, comme il fit de sa vie bien des autres impertinences, faisant profession de sacrificateur, il s'est offert à soy mesme des victimes, prenant pour compagnon ou collegue en ses sacrifices, ledit sien cheval, lequel il pouvoit au-

tant

tant faire Consul, que subministre des choses sacrées. En la ville de Delphis dit Iustinus, il y a eu nombre infiny de statues de chevaux fondues d'or, mais point massif, principalement des chevaux qui és yeux Olympicques avoyent gaigné pris: De nostre temps, il se faiçt bien souvent que quelques uns font enterrer leur bons chevaux, & les honno- rent bien encore d'avantage, les faisants tirer & paindre au vif: l'on a dressé une statue à cheval à un Sarmeno, qui premierement a escrit de la che-
 valerie selon Plinius.

Libro 24.

De la commodité & grand bien que les hommes tirent des chevaux.

CHAP. IX.

CELUY qui veut juger quel bien, proufit & commodité les humains ont de la race cavali- ne, il convient en premier lieu discerner la diffe- rence des hommes. & la pluralité des sortes de chevaux, car s'il n'y avoit qu'une sorte d'hommes, & une sorte de chevaux, l'on concludroit qu'és che- vaux n'y auroit qu'un seul & particulier bien pour les hōmes. Mais cōme il y a pluralité d'humeurs & sortes d'hommes, il y a de mesme sortes infinies de chevaux, & aussi est la commodité infinie, &

I

font

sont les services innumerables que l'on tire des chevaux: Ce que bien consideré, vous y trouvez comme en tant d'autres choses, la providence divine: Et comme la vie & les occupations des hommes sont tant diversifiez, aussi sont les chevaux d'innumerable diversité, neantmoins tous propres au service des hommes, à quoy Dieu les a destinez, sans toutefois aucune confusion, le tout allant avec harmonie & intelligence bonne. Comme si un Prince s'oublioit à faire le païsant, ou bien cestuy à contrefaire le Prince, l'on diroit l'un & l'autre sans jugement. De mesme seroit ce une folie si quelque Seigneur commandoit que l'on mist à la charue les chevaux d'Espagne & d'Arabie, qui luy ont cousté des cent & des mille escus; & s'il mettoit la selle garnie d'or & de pierreries à chevaux de charue pour s'en servir à la guerre, ou en quelque tournoy. Le païsant donc (en tant que païsant) est mieux servy de ses chevaux de labour à cultiver la terre, aussi est le Prince, entant que Prince, des chevaux nobles mentionnez pour la guerre & deffence de ses terres & subjects, chacun d'eux demeurant en sa proportion & vacation louable. La vie de noz premiers peres, estoit la culture de la terre, selon le commandement de Dieu faict à Adam, qu'il mangeroit son pain à la sueur de son corps, ce que de tout temps à esté tenu

pour

pour la vie plus heureuse & louable: Plinius l'a dit une vie saincte, comme elle est sans interesser son prochain: selon le vieu testament, les Patriarches s'en sont enrichis, & n'avoient autre methode de vivre & profiter sur terre: de mesme ces Grecs sages, ces Romains puissans, & autres nations n'ont desiré ny practiqué autre sorte de vie, quant ils ne vacquoient aux affaires d'estat ou de guerre. Le grand Roy Cyrus, que l'on nommoit le second, n'estimoit chose qu'il possedast plus que son jardin, & encore qu'il eut selon la coustume des Perfiens, sçeu faire monstre & parade aux Ambassadeurs qui venoyent à sa court, de quantité grande de pierreries Orientales, d'or & d'argēt, il les pensoit plus honorer leur faisant veoir son dit jardin, se vantant de l'avoir planté luy mesme, tenant en reputation telle l'agriculture: Cato dit que quant l'on à voulu donner bonne reputation à quelque Romain, l'on l'a dit estre bon agriculteur. le ne trouve animal au monde plus propre pour labourer la terre, que le cheval: l'on pourroit inferer que les bœufs y sont plus propres, pour cause que les bœufs ne sont de si grand coust & despense que les chevaux; & puis que quant iceux ne scavent plus labourer, l'on les engraisse & mange, & les chevaux point; & puis que l'on tire des vaches laict, fourmage, beurre, & des veaux: l'on pourroit faire

conclusion pareille des moutons, qui rendent le mesme que les vaches, & puis nous couvrent de leur laine, nous gardans de froid. Quand aux despens & fraiz des chevaux, ils sont vrayement plus grans que des bœufs : aussi font ils en un jour plus de labour, tournans la terre, que les bœufs en trois jours ; & puis ces chevaux ne sont nourris comme les chevaux d'esquirie; ains en esté, d'herbe; & biē qu'un de ces chevaux coutast au double qu'un bœuf, comme mentionné, son labour va trop plus viste : tellement que le fraiz du cheval plus grand que celuy du bœuf, nous revient à double proufit : que l'on peut manger les bœufs & les moutons, & que l'on en tire des choses mentionnées plus que des chevaux, de la vous ne pouvez faire conclusion que les chevaux donnent moins de proufit aux hommes. Car l'on sçait que les Scythes, & de nostre temps encore, les Tartares se nourrissent fort de chair chevaline, & en sont biē dispos, forts, & gens de guerre, encore que nous les disions Barbares, ils n'en font cas, & s'estiment plus, & plus sages que nous autres. Bien que chez nous l'on ne mange chair de cheval, de là ne suit point qu'elle ne soit bien bonne & mangeable, mais nous n'en usons pour avoir abbondance de tout autre chair, & nourriture trop plus friande: Ce que les Tartares n'ont point, car ils font feste de la teste d'un cheval,

val, comme nous faisons de la hure d'un porc sanglier, & puis nous n'avons abondance de chevaux comme de bœufs & de vaches, trouvant par experience, qu'ils nous font tant de services particuliers, & avec telle promptitude, que nul autre animal n'y est à esgaler, & pour les manger, font par trop chiers: qui mangeroit des chevaux gras d'Espagne, d'Arabie, ou de Perse, la livre de chair reviendroit plus chere, que non la chair de perdrix, faisans, & pouilles de bruiere; & pour la valeur d'un cheval ordinaire, l'on a chepteroit deux ou trois bœuf gras. Les nations mentionnées abondent plus en chevaux, qu'és autres animaux mangeables, & puis ne sont tant frians, qu'ils ne mangent bien leur chevaux morts de maladie, dont ils ostent les parties interressées, & mangent la reste à demy cuit. Et bien que chez nous n'en soit la coutume & practique de manger laict ou fourmage cavalin, ou pour n'avoir le grand nombre de juments qu'il conviendroit, ou bien que soyons par trop abbondans des choses plus friandes & delicates, laissant le laict aux juments pour en nourrir leur poulains, que l'on ne sevre point de leur mere comme les veaux & agneaux; car la jument ne scauroit avoir trop de laict pour son poulain. Lesdits Scythes & Tartares ont le laict des jumets en bien grande estime, comme le jour de leur feste

grande & générale, quand leur Roy apres avoir avec tout plain de ceremonies adoré & servy leur faux dieux, il a prins laiët de juments blanches, & l'a respandu de ça & de là comme chose agreable à ces dieux (selon les auteurs qui en escrivent) il a prins & beu de ce laiët qui avançoit, & sur cestuy jour de feste, n'estoit permis à personne de ceste nation, boire laiët jumentine, s'il n'estoit de la maison ou race royale, bië que les autres jours, ce laiët leur estoit boisson & nourriture ordinaire. Virgilius dit que Camille fille de Metabe, Roy des Volsques, à dés sa naissance esté nourrie de laiët cavalin, tellement que ce laiët donne nourriture bonne comme autre laiët. Strabo, qu'en la moindre Scythie, la nation Nomades faiët du laiët cavalin, un breuvage bien excellent, & du fourmage, un manger tres-friand: ce breuvage ayant ressemblâce de vin blanc, ils le nomment *Galactopotum*, & *Theopompus* nôme le fourmage *Oxygala*; car ils y mettent du bon vinaigre, & des herbes bonnes. Autres ont nommé ce fourmage *Hippacen*, dont *Plinius*, *Dioscorides* & autres ont escrit. Et *Hipocrates de morbis* dit ces paroles: *Et habet hac res similitudinem ad id, quod Scythæ faciunt ex equino lacte: lac enim in cava vasa lignea infusum concutiunt: illud autem quod turbatur spumescit ac cernitur: Spumæ quidem, quod Butyrum vocant, quum leve sit, in*

superficie

superficie consistit: Grave verò crassum, deorsum sedit, quod etiam secretum siccant: Vbi verò cōcretum & siccatum fuerit, Hippacem ipsum vocāt: ac serum lactis medium locum tenet. Nous obmetterons de dire quelle quantité d'autres viandes ils ont fait du sang de cheval, & retournerons au profit que l'on peut tirer des chevaux, & prouverons que le cheval est le premier & plus utile aux hommes sur tous autres animaux: car eslevant un poulain (j'entens de parler de chevaux nobles pour la guerre, dont ce livre traitera, & point d'autres) jusques à quatre ans, l'on le peut vendre à cent escus & d'avantage, comme vraiment j'en ay vendu à tel pris, mesme à deux cens escus: encore que ce ne fut que cent escus, & nourrissant un bœuf jusques à quatre ans, il ne peut valoir que 20. à 30. escus, pour faire la somme de cent escus de bœufs, il en faudroit eslever & vendre cinc à six. Si pour un escu j'achete un mouton, il m'en faudroit vendre cent pour faire cent escus: Si l'on me dit qu'un cheval couste plus à eslever que six bœufs ou cent moutons, cela n'est point en noz pays de Flandre, ou nous avons abbondance d'herbages, & mettons le poulain aux herbes, jusques à tant qu'il aye accompli l'aâge de quatre ans & demy, nous avons aussi l'avoine à pris raisonnable. l'ay de mesme fait vendre des poulains d'aâge de cinc six à sept

mois,

mois, pour la somme de 20. 24. & de 26. escus la piece, qui avoyent fort peu coustez à nourrir, estans eslevez du laiçt de la jument, comme l'on ne les sevre point plus tost qu'à l'aage mentionné. Les juments ou meres de ces poulains ont faict quelque service & travail l'hyver, pour leur despens & coustances : que l'on me die combien de veaux il conviendroit eslever le temps de sept mois, & les vendre pour en faire 26. escus, valeur d'un jeune poulain comme mentionné : Si tous les paisans sçavoyent cestuy compte & secret, ils esleveroyent plus de poulains, & moins de veaux. Avec quoy je concluray ce faict de l'agriculture. Que le cheval soit le premier & plus utile animal à l'homme, dont vrayement il ne s'en peut passer : Les Princes en guerre, auroyent des advis bien tard (lesquels leur servent de deux yeux, l'un pour offendre, l'autre pour deffendre) sans la vistesse des chevaux : Un camp a tousjours son charroy devant, derriere, & de costé luy, par la promptesse du cheval, l'artillerie marche à l'esgal de l'infanterie, que si elle estoit trainée par autre animal, elle viendroit trop lentement. En paix, tous Seigneurs aiment la chasse, & y mettent grans fraiz, laquelle n'est Seigneuriale sans chevaux, que plusieurs Seigneurs à la chasse ont esté sauvez de par leur bons chevaux, les histoires en sont plaines : Qu'est-ce
d'un

d'un chevalier sans cheval, comme en ayant tiré son nom, luy & tous gentilhommes sont tenus d'aller, & marcher à cheval, pour monstrier leur eminance sur la populace. Les marchans mesme ne se peuvent passer de cheval, soit à la selle ou en coche, ne pouvans par tout suivre les foires par eau ou à pied, plusieurs d'eux se sont faict riches par les premiers & prompts advis à cheval, de denrées rehaussantes ou callantes en pris, ou bien de l'apparence des faillissements d'autres marchans, d'ot ils se sçeurent garder par le prompt vol des chevaux de poste, premierement inventez, ou mis sus par Xerxes: Comment les paisans, & ceux qui font cultiver & tourner la terre, se peuvent mal aisemēt passer des chevaux, & que le labeur d'iceux est plus prompt & plus profitable, que d'aucun autre animal, quel qu'il soit, j'en ay dit mon opinion. Mais y a il chose au monde qui honore plus l'homme d'armes, qu'un cheval bien dressé, & se maniant bien, & dont il ne se peut, ou ne se doit passer? Vn vieil & bon soldat perd l'honneur & la vie par un cheval mal propre à la guerre: un nouveau soldat sans cœur, sans experience, monté sur un bon cheval bien dressé, monstre & promet de luy, chose qui au besoin n'y sera trouvée, & luy servira tel cheval, plus pour fuir les coups, que pour biē combattre. Avec quoy je pense avoir satisfait, & mon-

stré le grand bien, proufit & commodité, que toute
 forte d'hommes tirent du cheval, non seulement
 du bien, service & proufit, mais encore du plaisir
 & contentement: car c'est le vray bien & proufit
 où le plaisir est adjoinct, comme la chasse qui doit
 servir de plaisir, si quelqu'un y est tellement assidu,
 & jour & nuict poursuivant, qu'il prend de la sau-
 vagine pour revendre, le plaisir luy tournera en
 travail bien grand: à tels doit estre deffendu la
 chasse, qui y veulent plus le proufit que le plaisir,
quibus præter lucrum nihil est dulce: Aussi qui par
 trop s'engouffre à quel plaisir que ce soit, il y perd
 le goust. Le mesme est il de la chevalerie, & de l'e-
 ducation des chevaux, comme si l'on entend les
 eslever, & faire dresser tant seulement, pour les
 vendre chierement, l'on rencontrera en cest affai-
 re tant noble, plus de grand travail, que de plaisir
 & contentement. Tant y a que les chevaux ne ren-
 dent pas tousjours service & proufit à la bourse,
 mais telle fois rien autre que recreation, plaisir &
 contentement; ce neantmoins proufitent à la santé
 de l'homme, lequel ayant travaillé de la cervelle
 en choses grandes ou importantes, ou bien se trou-
 vant melancolié & appesanty par les estudes ou
 choses serieuses, pour le recréer, qu'il monte sur un
 cheval allaigne, & qui manie bien, comme font tât
 de nations genereuses, passageant par la ville, ou
 par

par la campagne, par des belles prairies & fontaines, ou eaux courrantes, il se trouvera entierement remis, & de meilleure humeur: car impossible est, que celuy qui a monté cest animal tant gentil, beau & allaigre, les esprits ne luy augmentent & s'agaillardissent. Comme Platon, par curiosité estant monté à cheval (car les Philosophes rarement s'y plaisent) lequel estoit beau, gaillard & allaigre, ayant faict peu de chemin, il voulut descendre, disant que s'il se fut plus longuement tenu à cheval, qu'il sentoit en son esprit, qu'il en seroit devenu superbe, qui estoit contre sa profession, estant Philosophe, ne voulut onc plus monter à cheval. Et pour un homme bien à cheval, il n'y a chose au monde qui plus le recrée, que monter divers chevaux l'un apres l'autre bien dressez, se manians à divers airs: lequel noble exercice, consomme tous les humeurs superflues, & cause la bonne digestion de l'estomac, comme tous exercices, non pas trop vehemens, qui n'est peu de proufit au corps humain. Et celuy qui mesme ne veut, ou ne sçait manier ses chevaux, s'il le faict par autruy, il en tire du bien grand plaisir: car qui ne s'y plairoit, de veoir un tel gentil animal, bien faire par terre ou par haut. *Platon & Socrates in politicis*, ont tres-sagement ordonné que l'on ne laissast endormir la jeunesse, mais la tenir en continuel exercice de corps:

entre autres ont ils tenu le plus propre & necessaire celuy qui se faict à cheval: Le Philosophe Carneades à voulu que les enfans des Princes, en premier & sur tout, apprinsent à estre bien à cheval; car quant disoit il, les maistres leur apprennent ou enseignent des autres arts, ils dissimulent, & leur pardonnent par trop, mais les chevaux ne flattent, n'y pardonnent à personne; car qui les garçonneroit, ils mettroient par terre le maistre comme le varlet. Nous trouvons que les Grecs & les Romains, en leur jeux publics ou spectacles, ont bien souvent introduict des chevaux, & à cest effect basti des grans Hippodromes, esquels ils leur ont faict faire des dexteritez & souplesses à bien grád fraiz, pour plaire au peuple.

Des chevaux meilleurs qui viennent selon le naturel des pays.

CHAP. X.

CESTE matiere est bien ample, en premier lieu, en quels pays d'antiquité les bons chevaux sont venus: l'on en pourroit rendre raison, mais il me semble chose superflue. Dequoy nous fert il que de nostre temps aussi d'antiquité, en ces pays nostres, & és autres bien loingtains, il y a deux

deux mille ans, comme en *Arcadia*, *Argivis*, *Epidaurro*, *Aetolia*, *Arcamania*, *Thessalia*, il y aye eu des bons chevaux, dont la grande Grece a eu pareillement reputation, & peut estre que pour le present elle produise encore des bons & beaux chevaux, quant nous n'en avons autre cognoissance que par les histoires, estant mal practicable aller en ces pays la pour en tirer chevaux: Obmettant ces particularitez, je diray tant seulement des chevaux estrangiers, qui aucunement parviennent à nous, & de ceux qui viennent, & sont nourris és pays nostres. Commencant aux chevaux Turcs, desquels il y a plusieurs fortes, comme tous ceux qui viennent aux pays subjects au Turc, que nous nommons indifferemment chevaux Turcs, dont aucunes Provinces nous sont incognues, de plus les chevaux qui y viennent, que mesme les Turcs ne scauroyent specifier ny reconnoistre. Car j'ay veu beaucoup de petits, foibles, estroits & meschans chevaux Turcs, qui n'estoyent nullement pour la guerre, seulement de respect pour estre fort minces & delicats: j'en ay veu d'autres, ayans la jambe & l'encollure longue, donnans de la teste de ça & de là, autant mal propres à la guerre que les premiers; mais ceux qui sont de taille mediocre, larges devant & derriere, bien fondez, neantmoins legiers & secs d'encollure & de teste,

de tels j'en ay rencontré bien peu, & sont mal recouvrables. Des bons chevaux de travail, nous en viennent de *Slavonie*, *Croatie*, *Albanie*, & de la *Vallachie*, & des pays semblables a-demy Meridionaux, ou les estalons sont bons chevaux Turcs: tous ces chevaux nous disons estre Turcs, neantmoins bons à la guerre, & meilleurs que le commun cheval Turc. Le tiés qu'entre tant de chevaux Turcs, les principaux sont trois sortes qui sont à estimer: les premiers sont les Persiens qui viennent au mesme Royaume: & bien que ce pays soit au Sophi, & non au Turc, nous les tenons pour Turcs, puis qu'ils y passent pays pour venir chez nous; ou qu'ils viennent des mains des Turcs, avant que parvenir aux nostres: ce sont les chevaux principaux de l'Orient, la plus part venant de *Medie*, auquel pays est *Campus Nisens*. Herodotus dit que de la viennent grans & forts chevaux, larges de croupe, larges de poitrine, car les Persiens portent armes pesantes, les chevaux couverts & bardés, rarement qu'ils font chastrer leur chevaux, afin qu'ils soyent meilleurs à la guerre: Il en vient fort peu à nous: qui a un tel cheval, le doit priser, car ils sont vistes, alligres, forts, & continuels au travail, & ont toutes les bonnes qualitez que l'on scauroit desirer en cheval de guerre, fors que sur l'estable ils sont un pen mal aisez à penser, lesquels
 sont

font desirez & pourchassez des Turcs, comme les chevaux d'Espagne & de Naples le font de nous autres. Les seconds chevaux de Turquie, sont ceux d'Arabie & d'Armenie, qui sont pareillemēt bons, & viennent aussi rarement à nous : les Seigneurs Turcs les estiment comme les chevaux Persiens, pour estre venus d'iceluy haras, car l'Armenie, & l'une & l'autre Arabie, ne sont distantes de Perse, que par le goulfre Persicque: Ces chevaux ne parviennent aux mains du cōmun soldat Turc; car ils sont chiers, & les Seigneurs en font estat comme susdit est, mais ne sont pas si forts que ceux de Perse, ains plus gētils, & de meilleure bouche, ils ont la cariere meilleure, & sont plus fermes du pied, qu'autres chevaux Turcs: sont encore moins choleres que ceux de Perse, de la reste fort traictables & bonasses. Les troisiēsmes sont les chevaux Morisques, ou de Barbarie, passās d'Affricque en Italie: de la ils viennent encore à nous, & convient sçavoir qu'il y a grande difference entre ceux cy & ceux d'Arabie; ce que j'inferē pour cause qu'aucuns ne les distinguent, estant Arabie beaucoup de cent lieues long de Barbarie, du tout vers l'Orient en Asie, & Barbarie, vers midy en Affricque, d'ou ces chevaux Mores ou Barbes nous viennent: ils sont petits, mais forts, au travail continuels, & supportans beaucoup, vistes, & de longue

gue carriere, en fin tres-bons chevaux, s'ils avoyent la taille des chevaux Perfiens, l'on ne les scauroit desirer meilleurs pour la guerre. D'ancienneté l'on a estimé beaucoup ces chevaux, toute l'Afrique s'en est vanté, & quant les Romains ont voulu denoter ce pays, ils ont paint un cheval libre. De mesme que l'Egypte, par un Crocodile, l'on trouve encore ces figures sur les monnoyes d'or, d'argent & de cuivre, principalemēt de l'Empereur Hadrianus. Ce sont les chevaux plus hardis & courageux, & qui seuls entre autres, ne craignent le cry du lyon, comme font tous autres chevaux: Pour les qualitez mētionnées, les Turcs en font grand estat, qui fondent tout leur faict de guerre sur la vistesse. Ces chevaux sont pareillement estimez pour estre fort dociles, & ont esté du vieil temps menez & gouvernez sans bride, & avec la petite verge, l'on les a faict courre, parer, & cheminer le pas. Ces trois sortes de chevaux sont les principaux & meilleurs de la Turquie, ou pays Orientaux & Meridionaux, qui parviennent à nous. Pour la commune sorte de chevaux de Turquie, ils sont comme les nostres, bons & mauvais, estans les bons chez eux prisez, & chiers comme chez nous: Mais en ce pays nostre, ne sont propres les chevaux Turcs, servent tant seulement aux Seigneurs pour plaisir, & pour au besoin monstrier le dos:

le dos: car ils ne scauent comporter les vents ny le froid, ny les chemins fangeux: les jambes leur en enflent, de la ils trebuchent, & ne durent gueres chez nous, n'ayants mesme icy l'herbe bonne qu'ils ont en leur pays: & d'ordinaire sont durs de bouche, qui leur vient de trop longues carieres, & pour estre foibles de rains. Apres ceux cy, nous avons les chevaux d'Espagne, & comme je ne parle de chevaux communs & de peu, je dis qu'il y en a deux sortes: genets, qui sont beaux gentils & nobles, point hauts, mais assez larges, & bien formez par tout, fort relevez de teste & d'encollure, que l'on ne les scauroit paindre plus beaux; courent tres-bien, & sont à comparer aux Morisques, fors qu'ils sont plus grands, & plus forts de membres, comme ils viennent d'estallons Barbes: Mais le temps avant que l'Empereur Charle le Quint assiegea Alger, l'on trouvoit des beaux & grands chevaux d'Espagne, & est encore à plaindre qu'en icelle guerre demeura la fleur des vieux, grâds, & beaux chevaux d'Espagne, car depuis, l'on a commencé en Espagne à faire haras de chevaux Barbes, & de la est devenu la race moindre, bien que plus nobles & plus vifs que devant: les autres chevaux d'Espagne dit Villanos, sont forts & aucunement grands, mais point si nobles, ny tant gentils que les genets, parquoy ils sont dit Villanos;

non qu'ils soyent chevaux de villageois: à la guerre & au travail font ils meilleurs que les genets: Bref, pour conclure des chevaux d'Espagne, ils sont d'ordinaire bons à la guerre, forts & allaigres, fidels & vistes, avec la bouche bonne, & à mon jugement ils passent tous autres chevaux: Comme encore le tesmoignent tant d'histoires, mesme l'expérience (*rerum magistra*) vous en fera foy, ayant faict preuve & essay d'autres chevaux, & de ceux cy: Il ne sera requis que je die icy en quels lieux ces chevaux sont eslevez en Espagne, comme en lieux divers; mais en Andaluzia viennent les meilleurs, és terres montueuses, comme à Martos, laen, & lieux semblables, bien qu'ils soyent plus beaux en l'Extremadura, comme à Xeres: il est à plaindre que l'on laisse ces beaux chevaux decheoir en nombre, comme il en est advenu passé plusieurs ans; car ores il convient donner une bien grande somme d'argent pour avoir un d'iceux, qui soit sain & net; & si mesme la majesté Royale d'Espagne n'eust ordonné en Cordoba un bien grand haras de chevaux, le pays s'en fut depeuplé: & avec cela il avoit deffendu tres-sagement la chasse du taureau, qui causoit que *el juego de Cañas*, estoit mis à nonchalance des gentilhommes du pays, qui par la chasse mentionnée du taureau, n'estimoient plus les grands & beaux chevaux,

vaux, ains se montoyent de petits & meschans.

Les chevaux d'Italie suivent ceux d'Espagne, & sont differens: Depuis les guerres d'Italie, les Seigneurs ne se sont point seulement mis en devoir de dresser des haras, mais encore des particuliers, pour estre ceste nation bonne a la guerre, & se plaissant fort és choses de chevalerie, s'y entendant de tout temps mieux qu'autres: l'art mesme vient d'eux, principalement des Napolitains, qui tousjours ont esté curieux de bons chevaux, avec reputation telle, que le seel dudit Royaume, est un Roy à cheval: Ils sçavent pareillement bien vendre leur chevaux à grand pris, car tout le monde les desire dressez à la façon d'Italie, cōme les François qui mettent grands fraiz & grand argēt pour recouvrer chevaux, tellement qu'au Royaume de France, l'on voit tant de chevaux beaux & bien dressez, cōme ils sont aussi bons hommes de guerre & de cheval: Pour les raisons mentionnées & autres, ont ceux d'Italie dressé tout plein de haras, en Romanie, au Boulonois, en Lombardie, & en autres lieux là où il y a commodité, tellement que tous Princes, Seigneurs & gentilhommes y avoyent leur haras & juments: les nommer tous, seroit chose prolix, aussi y a il quelques uns depuis a neantis, & se peut dire que desdits haras, l'on à rencontré des tres bons chevaux à deux selles, que

l'on dit chevaux mediocres, à esgaler à ceux de Naples: nous les laisserons tous, & dirons de ceux dont la reputation vient à nous, par ainsi les plus cognus: Ceux de Naples ne l'ont pas seulement de nous, mais aussi des Italiens mesme, où ils sont plus en estime, que nuls autres d'icelles Provinces: je les tiens meilleurs, pour cause qu'ils sont nourris au Royaume & pays montueux, dont ne convient doubter, comme plus amplement j'en discoureray. Encore qu'il n'y eut eu ceste raison, ils en ont acquis la renommée par leur valeur, bien que l'on en trouve aussi beaucoup de peu de bonté, & si l'on ne patientoit tant de temps aux escoles avec eux, ils ne parviendroyent à telle reputation qu'ils ont de long temps. De ces chevaux Napolitains, sont pareillement deux sortes, les uns corsiers, sont du tout grands chevaux, seulement mis à la guerre bardez ou armez, viennent la plus part du haras du Roy, comme ils sont pour leur grandeur mal metables à chose autre, l'on les à peu estimez dés long temps, & s'en est on servy aux coches, comme encore à Rome & en autres lieux. Devant que l'escopetterie fut en vogue, ces chevaux ont faict des choses grandes, comme l'on voit és histoires de Naples & de France, car pour rompre une ordonnance d'infanterie ou de cavalerie, l'on n'en trouve des semblables, imaginons l'effect

de

de deux mille tels chevaux, quelle ouverture ils y feroient : Quant l'on dresse ces chevaux haut *à tutto aere*, ils font bien, & ont force incroyable. J'en ay veu aller un, *pas & salto*, une grosse demie heure, & comme de ce temps rarement se donne bataille, tant seulement des escarmouches, dont est cause l'escopetterie, ces grâs chevaux ne sont plus en estime, aucuns y montent leur pages pour plaisir : Ces chevaux qui viennent du haras du Roy, sont de Calabria, & ont la marque à costé gauche, & ceux qui l'ont sur le costé droit, sont de Apulia, d'aucuns tiennent les chevaux de Calabria pour les meilleurs. Des seconds chevaux de Naples, dits *à due selle*, ou chevaux mediocres, il en y a deux sortes, les uns *geneti del regno*, comme ils viennent des chevaux d'Espagne, & les ressemblent si forts, qu'ils sont mal discernables, & sont tres-bons, plus forts, & de plus grand travail que les genets d'Espagne, & y sont plus estimez qu'aucuns autres chevaux : Apres ces genets *del regno*, il y a des autres bons chevaux qui sont forts, & de taille mediocre, dont il en vient grand nombre de Abruzzo, non point tous des haras du Roy, mais de plusieurs autres, chascun ayant la marque sur la fesse, de ceux à qui les haras appartiennent : desquels marques, il y a un livre & discours, lesquels sont estimez les meilleurs. Ces chevaux de Na-

ples sont bons à la guerre, moyennant que l'on ne
 les haste point, ains soyent menez de longue main,
 & quelques ans de suite; puis sont fantasques &
 choleres quant ils sont navrez, & sont dangereux
 jusques à l'aage rasis: les Napolitains les disent
 poulains jusques à l'aage de sept ans, & s'ils se font
 tardivement, ils en vivent & durent de tant plus.
 Apres les chevaux de Naples, ceux de Mantoue
 ont la reputation, desquels il y a plusieurs sortes,
 Coursiers, Turcs, Genets & Barbes, cest haras a
 esté mis sus par le Duc François Gonsaga, il y a mis
 grands fraiz & travail, ayant faict amener les esta-
 lons & juments de la Turquie, Barbarie & d'Espa-
 gne, & en à eslevé de toutes sortes de bōs chevaux,
 comme l'on en trouve encore d'icelle race, & y sōt
 encore eslevez beaucoup de bons, chascun d'eux
 en sa race sont fort beaux, & sōt estimez pour estre
 fort subjects & dociles; mais pource qu'ils sont ve-
 nus & eslevez en un pays plain & rale, ils n'ont la
 force comme ceux de Naples, qui quasi tous vien-
 nent, & sont eslevez és montagnes. L'Empereur
 Charles le Quint ne s'est servy d'autre sorte de
 chevaux, que de Mantoue; & aussi en guerre, le
 cheval bien subject est le plus propre. Ayant icy
 devāt discouru de la taille & nature des coursiers,
 chevaux Turcs, d'Espagne & de Barbarie, seroit
 superflu dire d'avantage de ceux de Mantoue, tant
 seulement

seulement fait à noter, que chascun d'iceux en sa race, simbolise à ceux de Turquie, d'Espagne & de Barbarie. Quant aux chevaux des Allemagnes basses & hautes, il en y a de Flandre, d'Hollande, de Frise, de V Westphale, de Gueldre, & du pays de Berges: Ceux de la Flandre, d'ordinaire sont beaux, & point tenus pour forts, & puis en petit nombre: Ceux d'Hollande sont de mesme complexion, mais en plus grand nombre, de ce pays, l'on tire annuellement deux mille & plus de poulains, pour les eslever en autres Provinces. Les Frisons sont plain de poil, principalement aux jambes, autrement plus forts, & plus estimez entre les chevaux de la basse Allemagne, dit pays bas: de moy, je tiens pour les meilleurs d'iceux pays, les chevaux nourris au pays de Berges, & en bonté passer encore les chevaux de la haute Allemagne, ils parviennent le plus, aux mains de ceux de V Westphale, & sont de taille mediocre, plus deschargez de teste, d'encollure & de jambes que les Frisons. Les chevaux de Geldre sont pesans de corps. Tous ces mentionnez chevaux en commun, se rendent fort subjects, volontaires, & apprennent fort bien, & des aucuns ont bonne carriere: Quant l'on les traicte bien, & que l'on les mene patiemment & de longue main, sans les forcer, comme l'on fait d'ordinaire en ce pays, quant
ils

ils sont bien jeunes, ils sont à comparer en bonté à ceux qui viennent de pays bien loingtain. Es hautes Allemagnes viennent chevaux de Danemarque, qui sont petits, propres à voyager, & encore tout plein d'autres bōs chevaux, comme és Commarques, de Hesse, de Saxe, Braunswych, de Mechelbourg, de Lubeke, de Pomerane, de Stuffenderpt, de Revel, de Riga, de Liflande, & és autres lieux particulieremēt, chez aucuns Princes ayans leur haras. En Allemagne parviennent pareillement grand nombre de chevaux d'Hongrie, de Transilvanie, de Pologne, de Croatie, & de Zeckie: ces derniers sont fort bons chevaux à voyager, & les aucuns des mētionnez, sont fort grands & robustes, & bien vistes, propres à la guerre; mais ceux d'Hongrie sont d'ordinaire ombrageux, de la reste bien travaillans, de ce temps, l'on s'en sert fort aux coches. En Boheme viennent force chevaux assez grands & bons, la veue point assuree, estant leur pasturage par trop gras, ils s'en servent plus à tirer, qu'à la selle. Les chevaux de Sardegne pour estre si petits, ne meritent discours: De mesme ceux de Corsica, si ces insulaires estoient curieux de plus grande race, le pays y est bien commode & propre, il ne tient qu'à eux & à leur diligence de les avoir tels que sont au Royaume de Naple les genets & coursiers: Car si nous croyons Strabon,

il y

il y a eu en Sicile des beaux & grans chevaux, plus vistes que les Barbes: Et Servius dit que l'on a mené ces chevaux pour leur vistesse en Grece, pour y gagner les prisés yeux Olympiques: Plinius & Solinus afferment qu'en Sicile il y a eu des Pyramides & epitaphes de chevaux, qui és yeux mentionnez avoyent gagné pris: pour ores y viennent, & y sont eslevez fort peu de chevaux de bonté.

Des chevaux sauvages.

CHAP. XI.

AV chapitre precedent, ayant esté traicté des sortes de chevaux nobles & point nobles, tous propres au service humain; je n'ay voulu omettre dire en ce chapitre particulier des chevaux sauvages, rendans peu ou point de commodité aux hommes, partant ne les ay mis au rang des chevaux susdits, comme ceux cy ne sont propres à la selle, ny à la charue, pour estre fort foibles de reins, & puis sauvages, ils sont estimez & chafsez comme autre fere sauvage. Les auteurs disent que les Rois de Perse avoyent des chasses pareilles en un pays plain de forest, nommé *Servan*, guere long de la mer *Cassie*, en bas du mont *Cau-*

caso. Et pour chasser ces chevaux, s'est mis en campagne un nombre tres-grand de chasseurs, comme un camp volant, & ayans trouvé le giste & lieu de repaire, ou bien l'asssemblée de ces chevaux, les ont circuit & ferré avec icelle quantité d'hommes, lequel cercle d'hommes, les a peu à peu contrainct & avancez de se joindre en troupe sur quelque grande cāpagne, ou le Roy avec sa court les attendoit; alors a commencé la chasse & la prinse (car ils mangeoyent ces chevaux sauvages) qui s'efforçans de rompre & percer le cercle d'hommes pour se sauver, furent prins avec des lacs de cordes que l'on leur jettoit, & passoit la teste. Aux lieux où l'on trouve encore de ces chevaux, ils sont si tres-sauvages & impetueux, que l'on ne les peut gagner que par famine & travail assidu: il y va du temps avant que l'on leur puisse mettre la selle, & grand dangier pour ceux qui les pensent, comme ils mordent & ruent fort, & ont la veue fiere & despitueuse, le crin long & pointu, un front & nez de bouc, ou mouton relevé, la croupe d'asne peu large, mais excessivement forts & fermes de jambes, ne se lassans de courrir deux jours continuels: selon les auteurs, ils n'ont besoing de fers aux pieds, qui sont si tres-durs, qu'ils ne s'vsent sur pierres ny rochers; en fin tres-difficiles pour apprivoiser, de poil cendrin ou de souris, ayans par le dos, la raye noire

sur

sur la queue, par les genoux, des cercles noirs comme les asnes. La chair en est douce, & bien bonne à manger. Plinius dit qu'és pays contre le Nort, il y a grandes troupes de chevaux sauvages. Et Herodote, qu'en Scythie il y a une grande bruiere, d'où leau nommée Cyres est sortie: en ces lieux il y auroit quantité de chevaux sauvages, blancs de poil. Strabo raconte, qu'en Espagne il y a nombre de chevaux sauvages, ce que Varro de mesme nous confirme qu'ils sont blancs, bien que de ce temps point. De ces chevaux sauvages, il en y a en Prusse, & en quelques lieux d'Allemagne, dont l'ancienneté n'a rien escrit, mais ceux cy ne ressemblent les susmëtionnez; car ils sont plus grands: les paisans d'Allemagne les nomment Sturzel. Aristoteles faict mention, qu'en Scyrie il y a grandes troupes de chevaux sauvages; si entre iceux un poulain saillit une jument, qu'incôtinent les vieux estallons le poursuivent, & luy couppent avec les dents les genitoires: En Tartarie sont des chevaux sauvages qu'ils nomment *Pachmat*, & sont fort petits, avec encollure de chievre, bien que forts, mangeans l'escorche des arbres: De mesme en y a il aux pays de Samogetes, de Pologne, Moscovie, Scythie, Swede, Norwege, & en Liffand, & selon Munsterus au pays des Russiens. Des autres autheurs disent encore tant de choses des

chevaux sauvages, mais je tiens que ce sont autres animaux, que ces chevaux dont j'ay parlé. Volateranus dit qu'és Indes il y a des chevaux ayans une corne au front, propre contre le venin, ayant la teste comme un cerf, ce peut estre la licorne. Elianus a aussi escrit, que de ceste corne se font vases pour y boire, & bien que l'on y boive du venin, qu'il ne peut nuire. En Ethiopie, l'on veut dire qu'il ya des chevaux ayans deux longues dents hors de la bouche, les pieds fendus, un crin long sur le col & sur le dos; cela doit estre quelque autre animal, car l'on dit du mesme pays, qu'il y a chevaux qui ont des aisles; je tiens que ce sont des Griffons. Iohannes Bohemius assure qu'il y a en Pologne des chevaux qui ont des cornes comme les cerfs, auxquels ils ressemblent fort; les Allemans les nomment Ren-dier, que l'on faict tirer en iceluy pays, comme nous faisons les chevaux.

*Des grans fraiz supporté par les anciens, à dresser
haras, & nourrir chevaux.*

C H A P. X I I .

QVI vouldra fuilleter les Historiographes des antiquitez Grecques, Romaines & d'autres, il y voira quels despens excessifs ces nations ont

ont fait & supporté à eslever des chevaux, & cela avec raisons bien pregnantes: car l'effect & l'experience leur a fait paroistre quel avantage ils ont eu en guerre avec nombre grand de cavalerie, s'efforcans d'en faire le nombre plus grand à eux possible, & tel, que sans les histoires d'autorité, il ne nous seroit croyable. Xerxes Roy de Perse, venant en guerre, avoit en un camp, huietante mille chevaux bardez ou armez. Darius, donnant la bataille à Alexandre le Grand, avoit cent mille hommes de cheval. Lelius, Emilius & Attilius, ayans guerre en France, ont eu septante mille chevaux armez, encor qu'ils s'estimoient plus forts de par leurs legions ou infanterie. Lucullus a deffait au Roy d'Armenie Tygranes, cinquante mille hommes de cheval demourez à la place; dont est à conjecturer, que ce Roy en avoit d'avantage: car rarement qu'il en demeure tant, que le tiers ou quatriesme de gens à cheval, ne se sauve. Mitridates à eu en son camp, cinquante mille hommes à cheval. Marcus Anthonius faisant la guerre aux Parthes, ceux cy sont venus sur luy avec quatre cents mille chevaux. Le Tamburlan Roy des Scythes, a mené trois cents mille hommes à cheval, & les fait passer la riviere Euphrates, & fait grands exploiets d'armes avec iceux contre les Turcs, & autres en Orient. Le Roy de Narsinga avoit pour

garde ordinaire de sa personne, quatre cent mille
 hommes de cheval, & quatre mille Elephans, bien
 que le pris ordinaire d'un cheval en ce pays estoit
 de cinc à six cents escus. Basilius le grand Duc
 Moscovite, a mis en campagne contre le Turc, sep-
 tante mille chevaux. Par ces histoires, il est à veoir
 quel grád nombre de chevaux l'on a armé d'iceluy
 temps, lesquels n'estoyent à nourrir & à eslever,
 qu'avec un fraiz & coust indicible: par le mesme
 grand nombre est à juger, qu'ils entretenoyent des
 juments, estallons, & des poulains un nombre in-
 finy, qui ne se peut faire sans (comme susdit est)
 un fraiz & coust de mesme infiny: comme aussi
 tous chevaux ne sont propres à la guerre, ains y
 doivent estre nourris & dressez bien expresse-
 ment. Alexandre le Grand, lez la ville Pella,
 (qui estoit de luy, & de son pere la patrie, & ville
 capitale de Macedonie) avoit mis sus un haras
 de 30. mille juments, & n'a l'on faict en icelle au-
 tre chose, qu'eslever chevaux, & les dresser à la
 guerre: il avoit pour ce nombre de juments, trois
 cents estallons, qui estoit trop peu, revenant à
 cent juments pour chasque estallon: le coust &
 fraiz ne laissoit partant d'estre tres-grand: Ce
 grand guerroyeur sçavoit combien luy estoit ne-
 cessaire grand nombre de cavalerie pour ses
 grandes victoires. Il a esté tant amateur de bons
 chevaux,

chevaux, qu'il a subjugué les Theffaliens & leur pays, sans qu'il eut aucun droit sur eux, n'y qu'ils l'eussent irrité; ains seulement pour disposer de leurs bons chevaux, comme ils en avoyent des meilleurs & plus beaux de tout l'Orient: avec lesquels Theffaliens, & leur cavalerie, il a depuis dominé & gagné les Thraces & Scythes, qui n'avoient oncques esté subjuguez: desquels pays il emmena avec beaucoup de bestail, 20. mille juments, les envoyant à Macedonie, pour renforcer son haras mentionné: il y a des historiens qui attribuent le susdit à son pere le Roy Philip-pus, ce qui n'importe, moyennant le succes. Un Roy de Babilone a eu un haras de seize mille juments, & de huit cens estallons, 20. juments pour estallon, nombre assez esgal & competent de sexe.

Quelques Rois des Mores, entre Getulie, & Afrique & la mer, à l'opposite de l'Espagne & de France, ont eu des haras si grands, qu'ils ont tous les ans mis à l'estable, cent mille poulains; j'entens chevaux de quatre & de cinc ans, selon Strabo nostre auteur, qui vrayement ont esté des tres-grands haras.

Les Rois de Perse ont eu des haras de cinquante mille juments, bien que les Medi leur envoient grand nombre de chevaux pour tribut,
selon

selon Herodote, que Darius a fait payer aux Cili-
 ciens un tribut de trois cents soixante chevaux
 blancs par an, à raison d'un cheval par jour. Les
 Rois des Tartares ont pareillement eu des haras
 de 10. mille juments: Et Paul Venerus dit, qu'ils
 avoyent en grande estime les chevaux blancs, &
 que les subjects d'iceux Rois leur faisoient don
 au premier jour du nouvel an, de cent mille che-
 vaux blancs; dont ne faut s'esmerveiller, si ces na-
 tions mettent en campagne grand nombre de ca-
 valerie, qui est leur unique espoir de victoire: Mais
 depuis que l'on s'est servy de tant d'artillerie, les
 hommes de cheval n'ont eu aucun avantage: de
 mesme ces Barbares ne combattoient si bien de
 leur infanterie, que les Romains de leurs legions.
 Laisant l'antiquité, voyons que de nostre temps,
 que non obstant toute l'artillerie, celuy qui a plus
 de cavalerie, est maistre de la campagne, & bat son
 ennemy, car l'artillerie ne se peut poser ou mettre
 en tous lieux, dont je me raporte aux vieux Capi-
 taines. En fin, il n'y a animal plus propre à la guer-
 re, que le cheval: Car quand l'on estoit pour bastir
 la ville de Carthago, l'on a trouvé aux lieux où
 l'on projectoit les fondemens, la teste d'un cheval;
 de la ils ont predit que ceste ville ne seroit forçable
 par guerre, combien qu'il en soit advenu autre-
 ment. L'Empereur Nero a fait ferrer ses che-
 vaux

yaux d'argent. Cuspianus dit que Theophilactus, patriarche de Constantinople, fils de l'Empereur Lacedoni, tenoit plus de deux mille chevaux sur son estable, & qu'il les nourrissoit de noix muscades, amandes, figes & datres, abuvez de vin, y mettât encore du saffran, de la canelle, du baume & autres espiceries. Nous trouvons que Glaucus Pontineus a nourry les juments de chair humaine, & en a usé si mal, que luy mesme n'avoit que manger sur la fin de ses jours: chose blasmable, car il ne convient traicter chevaux d'espiceries, qui les rendroit par trop fougueux & de peu de vie.

Des chevaux chastrez.

CHAP. XIII.

COMME nous traictons des chevaux de guerre & principaux, il faut resoudre que le cheval entier est plus propre à la guerre, que le cheval hongre ou chastré, pour beaucoup de raisons, comme qu'il est plus allaigre, qu'il a plus de cœur, estant moins craintif, paoureux & ombrageux: car chevaux ayans aucuns de ces vices, ne sont nullement propres à la guerre. *Albertus. Bellicorum autem equorum, non est castrari, quod ex castratione fiunt timidi.* Le suis de mesme opinion: dont pour

Libro 22.
De animalibus.

N

ores

ores ne diray autre. Non pourtant faut il conclure que les chevaux chastez soyent du tout incapables de la guerre, car il en y a d'aussi francs, & point ombrageux, dont l'on pourroit autant faire que d'un cheval entier. Nous trouvons que les Scythes, Sarmates, & autres peuples barbares, ont la coustume de se servir en guerre de chevaux chastez; & sont neantmoins bons à la guerre, & craints de leurs voisins: les histoires sont pleines de leurs victoires: par où je veux inferer qu'ils ne se servent de chevaux hongres sans raisons bien fondées, car ils ont des bons chevaux entiers; mais ils mettent (passant pays) les hongres plus commodement aux herbes & pasturages que les entiers. De nostre temps, les Turcs, les Moscovites, les Tartares & les Hongrois, se servent de chevaux chastez en guerre, & font des grands exploits: ceux cy ont la mesme raison que les mentionnez; car ils viennent en campagne avec un tres-grand nombre de chevaux, à faute de fourage, d'estables, de huttes, & de maisonnages, ils logent eux & leur chevaux chastez sur les herbes & prairies, allans leurs chevaux libres non attachez, ce qu'ils ne scauroyent faire de ceux qui sont entiers: que je tiens l'unicque raison pourquoy ils chastrent leurs chevaux. Tellement que les chevaux hongres ne sont tant mal propres à la guerre, qu'aucuns

qu'aucuns ont opinion, & en font meilleurs quant on les chastre estans encore au laiçt de la mere, ils parviennent avec la mere sans se faire tant ombrageux; & ne fait jamais trop tempre dresser un cheval hongre, ny le haster, mais user de luy avec plus de patience, que d'un cheval entier ou ronfin, afin qu'ils deviennent moins ombrageux: & faut aviser que l'on ne hazarde du premier coup la personne, sur un cheval hongre en guerre, si l'on ne l'a esprouvé en autre affaire, comme à la chasse, afin que l'homme & le cheval s'entrecognoissent premierement. *Cicero de Amicitia: Atq; in ipso equo, cuius modò mentionem feci; si nulla res impediât, nemo est, qui non eo, quo consuevit, libentiùs utatur, quàm intacto & novo.* Comme susmentionné, l'on a cest avantage avec les chevaux chastrez, qu'en campagne, à faute de foin & d'avoine, que l'on les nourrit avec herbe, dont les chevaux entiers perdent les forces, avec cela, qu'ils se maintiennent en vigueur avec moins de fourage, que le cheval non chastré; la veue leur est plus asseurée; il leur vient moins d'accidents aux jambes; ils ne sont subjects ny au pleuris ny à podagre, comme sont les chevaux entiers, & sont plus durables à la carriere, qui est chose la plus requise à la guerre. Vray est que les Turcs depuis quelques ans, ne chastrent plus leurs chevaux principaux, comme ils font les

chevaux moindres pour voyager, dont ils usent fort bien. En Espagne, en lieu de chastrer & oster les genitoires, ils les separent tant seulement des veines spermaticques, avec un bois fendu, demeurans les genitoires dans la bourse, comme s'ils fussent entiers, car ils n'appetent que leurs chevaux hannissent ou facent bruiet, ains les veulent modestes, qu'ils nomment *Cavallos sabios*. Les chevaux hongres selon Varro, sont bien propres à voyager, allans d'ordinaire un grand pas ou train. *Cato Censorius* n'en voulut onc monter d'autres: Il se faut garder de tirer du sang aux chevaux chastrez, sans cause ou motif bien grand, comme pour mal des yeux, ayans perdu avec les genitoires la principale chaleur naturelle, il ne leur en faut oster d'avantage: Il apparoit qu'ils ont les veines beaucoup moindres que les chevaux entiers. Quant à la saison de l'année plus commode pour chastrer les chevaux, je diray icy tant seulement, que ou vieux ou jeunes, le mois de Mars (selon Palladius) est le plus propre: Et Absyrtus dit en l'arriere saison: je suis de leur opinion, qui est quand il ne fait ny froid ny chaud, comme chez nous aux mois d'April, de May, de Septembre & d'Octobre, tousjours en decours de la Lune; & qu'il ne vienne vent du Nord, Nord'oost, ny du Nordest, comme ils sont fort dangereux, l'on les

les met és estables bien couverts, survenant quel-
que froid.

Du poil & couleur des chevaux.

CHAP. XLV.

QVANT aux couleurs & poil des chevaux, le
Cavalier Frederico Grison en son premier
livre, en a escrit fort bien, & assez largement, par-
quoy je traicteray tant seulement des couleurs
principales, & d'où procedent, & ont origine les
autres couleurs meslées & innumerables. Au
chapitre second a esté dit, que les corps des che-
vaux sont comme ceux de tout animal, constituez
des quatre elements, & de l'element qui est predo-
minant, le cheval en tient son naturel, & comme ce
naturel se conforme avec l'element, ainsi faict la
couleur & poil du cheval, avec la propriété du
mesme element: que ces trois choses suivent, à sça-
voir l'element predominant au cheval, à la nature
& propriété du cheval, & puis à la couleur ou poil
d'iceluy, qui tous trois ont une mesme nature.

Or comme il y a quatre elements, l'air, l'eau, le
feu & la terre; les propriétés d'iceux sont san-
guin, phlegmatic, choleric & melancolic; & les
quatre principales couleurs és poils du cheval,

N 3.

(qui

(qui ont leur origine des elements, descouvrans l'inclination de tous chevaux) sont brun, rouge, gris & noir: aussi est le sang rouge, la cholere jaune, la melancolie noire, & la phlegme blanche: de ces quatre couleurs meslées, viennent les chevaux à estre pies; & ceux cy sont les quatre couleurs que je mettray, pour principales & vrayement originelles; car tous autres poils ou couleurs, quels qu'ils soyent, n'en sont que parties participantes. Voyons comment ces elements, proprieté & couleurs font union au corps du cheval: l'on sçait que les quatre elements, qui donnent vie au corps, que point un d'iceux n'est pur ny seul en soy, mais tous particulièrement commixtionnez: s'il en estoit autrement, nul corps auroit vie, ny pourroit subsister: l'element du feu seroit par trop sec & subtil, l'eau par trop humide & froide, & la terre trop froide & secque: partant à la tout sage nature, faict que les elements soyent meslez & participans l'un de l'autre, neantmoins l'un predominant en soy, afin que le corps en jouisse particulièrement: car si les elements estoient commixtionnez en proportion, sans que l'un predominast l'autre, aussi peu en jouirions nous, que s'ils estoient purs & à part eux; mais selon que nous jouissons d'iceux, le feu est avec l'air, & l'eau avec la terre tellement contemperez, qu'ils nous sont propres; demeurant

neant-

neantmoins le feu principal element; qui faiet son operation comme susdit; de mesme l'air avec l'eau & le feu, est tellement temperé, que tous animaux y vivent, demeurant l'air predominant. Et l'eau avec le feu & la terre, tellement contemperé (neantmoins predominant) que les creatures la peuvent boire, & vivre en icelle. La terre le feu & l'eau de mesme, sont tres-bien contemperez, que tant de fruiets en proviennent, demeurant neantmoins la terre predominatrice des autres deux, qui administrent chaleur & humidité. C'est le mesme des quatre proprietéz ou naturels; car au monde n'y a creature qui possede une seule proprieté ou naturel, aussi peu que qui les possede tous quatre, que l'une ne predomine point l'autre, combien que tous quatre soyent en un corps, il y aura une proprieté & naturel, qui surpassera les autres trois, lequel sera participant, plus ou moins, de la superabondante complexion, selon que leurs elements dont ils procedent, plus ou moins seront abondans en iceluy corps: de ces quantitez d'elements, & des proprietéz ou naturel qui sont es chevaux, vient en eux la diversité des couleurs & poil, l'un plus cler, l'autre plus brun, selon l'element & naturel qui est au cheval: pour exemple, trouvez cent chevaux tous de poil rous ou rouge, ils seront tous differens de couleur, l'un ne fera
comme

comme l'autre, neantmoins tous sont rous, qui est un poil & couleur principal des quatre mentionnez. Pour me faire mieux entendre, nous commencerons au poil brun-bay, estant estimé & tenu de tout le monde, pour le meilleur & plus beau, il aura la préeminence, combien qu'aucuns exaltent le poil gris pommelé. Ce brun-bay vient d'un naturel sanguin, lequel derive de l'air, element participant du feu, tellement que les chevaux bruns-bay, ont ces conditions & proprietéz, qu'ils sont allaires, hardis, aimans combat, ne respectans playes ny effusion de sang, dont ils ont abondance; avec ce, le sang n'apparoit facilement sur leur poil: & estans comme susdit participans de l'air, ils sont prompts, vistes, prest à la carriere, dociles & bien travaillans. Mais comme devant dit, puis que les elements & proprietéz sont tellement meslez, que tousjours la temperature cause que la couleur du poil varie, ou plus cler ou plus brun. Bien qu'un cheval soit sanguin, il ne laissera d'estre participant de cholere, de phlegme, & de melancolie, tellement que plus un cheval est cler en ce poil, plus il a de cholere & de fougue, estant plus participant de l'element du feu; s'il est plus brun, il sera plus terrien, melancolic & moins cholere; & si par le poil bay, il a quelque poil blanc messé, plus aura il de la phlegme, laquelle donne temperament à la cholere

cholere & melancolie, partant sont ces poils blâcs entremeslez à estimer, non seulement dans le poil bay ou brun, mais aussi dans le poil rous, obscur ou brullé, comme dans le poil noir; mais que ce poil blanc meslé, apparoisse sur le corps du cheval en arriere de la selle, & point sur les espauls, ny sur le col. Et comme le poil brun-bay est variant en couleurs innumerables, nous nous arresterons aux cinc principales. Comme cler-brun, brun-fongueux, brun-chastain, brun-obscur & brun-noir: Ledit cler-brun varie encore cent fois, l'un plus, l'autre moins cler, comme aussi varient les autres bruns mentionnez & principaux, à tant qu'ils viennent à leur perfection, comme chastain en soy. Le brun-fongueux est un beau poil, mais par trop cholere, revient sur le rous-obscur, dont parlerons icy apres. Brun-chastain est le meilleur poil de tous les bruns, revenant le plus sur la chastaine meure (dont il a le nom) plus est il beau. Brun-obscur, il en y a deux sortes, l'un pommelé, ou avec des petits cercles, quant les chevaux sont gras; l'autre a au deseur des narines, sous les yeux, aux flancs & par les jambes, un peu de poil bay, plus cler que la reste du corps du cheval; mais quant ces parties moins brunes ont un poil fauve-cler, qui est mal signe, les chevaux sont dits de deux poils.

O

Les

Les brun-noir sont quasi entierement noirs, mal à discerner des tous noirs, fors qu'ils ont aux lieux & extremittez mentionnez, pareillement du poil brun ou fauve. L'autre couleur de poil qui suit ceste brune la meilleure, est le poil gris, qui est d'un naturel phlegmatic & humide, prennant son origine de l'elemēt de l'eau, & plus sont ces chevaux blancs, plus ont ils de phlegme, plus ils tirent sur le noir, plus ont ils de cholere & de melancolie: C'est un poil tres-bon, duquel l'on voit des chevaux allaires, prompts & bons à la guerre, & sont naturellement plus temperez que les chevaux bais, point si fougueux de par la cōstitution phlegmaticque: Il y a grand nombre de poils gris, differens: nous ne traicterons que de six sortes, blanc-gris, pommelé gris, gris avec taches, liard-noir, liard-rouge: de chevaux blancs, il en y a deux sortes, les uns ayans entierement le poil & la peau blancs, mesmement la corne du pied, le muffle, narines & les yeux verd ou bleu, & aussi la bourse & le membre blancs: les autres blancs ont toutes ces parties & extremittez noires, aussi les yeux, ceux cy ont la peau noire, l'un plus, l'autre moins: de ces tous blancs, en y a il en Espagne des fort beaux, où ils sont nommez *Blanquillos*, & en Italie *Armelini*; ils sont beaux, & tort estimez des Seigneurs, & font plus belle monstre, ayans le crin & la queue taincts

taincts de rouge, la selle rouge ou bleu. L'antiquité en consacroit de tels à leurs dieux, en signe de pureté: il en faut faire estat quant ils ont les yeux noirs & grands, & la bourse noire, avec des petites taches dans la peau, & point au poil, & cela en derriere la selle, ce qui advient rarement; lequel poil est des plus beaux, non point des meilleurs, selon Virgilius. *Color deterrimus albis*, ils sont plus propres aux festes, qu'à la guerre, où ils font trop de monstre, & partant plus tost touché du traict, & poursuivis, que chevaux de poil plus sombre, & sont subjects à la cholicque, & autres maladies venans d'humidité.

Les poils gris sont de plusieurs sortes, esquels n'y a difference que de tant qu'ils different, l'un plus cler, & l'autre plus brun, & aux jambes, que l'un cheval y est plus noir, l'autre y est plus blanc: ce poil n'est beau ny bon pour les yeux, car plusieurs de ce poil perdent la veüe: en Hongrie, la plus part des chevaux sont de ce poil; neantmoins si fort varians, qu'on ne les scauroit exprimer. Le gris pommelé, est pareillement de plusieurs sortes, l'un plus clair que l'autre, selon le temperament d'iceux chevaux: & comme ce poil est le meilleur entre les gris, aussi est entre les pommelez le meilleur poil, le pommelé bleu, par le corps bien jointemét, lesquels sont tenu pour chevaux de valeur,

comme l'on en trouve peu : ceux cy & tous les autres chevaux gris, se font avec l'aage de plus en plus blancs ; l'aage faict pareillement grisonner le cheval comme il faict à l'homme, à quoy les autres animaux ne sont subjects, selon Aristote. Les gris avec tachettes, dont les unes sont noires, les autres rouffes, lesquelles tachettes se montrent raremēt qu'avec l'aage des chevaux, & de plus en plus : les tachettes noires sont les meilleures, lequel poil ne me plaiēt. Liard-noir est un poil particulier, neantmoins l'un cheval est plus cler, l'autre moins, & ayans les extremitez noires, peuvent avoir aussi des marques blanches au front & aux jambes, je le tiēs pour un poil laid, bien que d'iceluy, l'on trouve des bons chevaux. Liard-rouge sont aussi deux sortes de poil, ayant les uns des extremitez brunes ou noires, qui est un bon poil, fors que les yeux sont mal asseurez : les autres noirs-liards ont les extremitez rouffes, qui sont chevaux de peu de force, & de peu de valeur. La tierce couleur principale, est le poil rous ou rouge, qui est de propriété cholericque & fougueuse, ayant son origine du feu & de l'air : de ce poil en y a il pareillement plusieurs sortes ; nous ne traicterons que de quatre, cler-rouge, rouge, vray-rous, & rous obscur ou noiratre, que l'on dit bruslé : comme ce poil procede desdits deux elements, les chevaux en ont la mesme cōplexion,

estans

estans fougueux & cholericques, prompts & hardis, particulièrement bien sautans, & partant veulent estre dressez avec patience, car si l'on les entéd forcer, ils viennent au desespoir. Le cler-rouge est de deux sortes, l'un ayant le crin & la queüe blanc, & l'autre a ce poil pareillement rouge: Ces poils varient aussi en rouges differés, l'un plus cler, l'autre plus brun: tout ces poils rous mentionnez, d'ordinaire sont chevaux choleres & fougueux, combien qu'ils n'y perseverent longuement; car ils sont de peu de force, & de peu de travail, rien qu'un feu de paille. Poil rouge simplement, est celuy qui tire sur le jaune, dont l'on en trouve peu. Vray rous est un poil fort cogneu, un peu plus brun, que le cler-rous mentionné; ce poil est pareillemēt fort variant, car quasi tous chevaux de village sont de ce poil.

Le dernier poil-rous des quatre principaux mentionnez, est le rous-obscur ou brulé, sont aussi divers, l'un plus brulé que l'autre, le plus obscur est le meilleur de ce poil: Les Espagnols estiment tel cheval plustost mort, que lassé: tellement qu'il n'est pas seulement tenu pour bon, entre tous les poils rous, mais aussi pour des meilleurs entre tous autres.

Le quatriesme poil principal, est le noir, lequel est de propriété melancolicque, estant de l'element de terre, partant sont les chevaux de ce poil

cholericques & melancolicques; car la melancolie n'est autre que le fiel noir: estans ces chevaux pesans, tardifs & aneantis, continuent longuement en leur fougue, sont traistres & opiniastres, mal dociles, ayans la nature de la terre trop reposée, qui produit mal és herbes, oublians ces chevaux tost le bien, pour se mettre à mal: Ce poil neantmoins est comme les autres indifferent: l'on trouve de ce poil bien des bons chevaux, les Italiens les disent de ce poil, tout bon, ou tout mauvais; partant dirons de quatre sortes de poil noir. Noir de foury, noir-cendrin, cler-noir, & noir-franc. Ces deux premiers poils sont differens, l'un plus cler, l'autre plus noir; ce noir de foury & cendrin, est laid & mauvais, ayans les chevaux de ce poil, la nature mesme de la foury, melancolic & sauvage, & puis sont de peu de force & timides: Le cler-noir est un poil ordinaire, peu à priser, non plus que le poil susmentionné, & plus ce poil s'esloigne du vray noir, moins il vaut: Mais le vray & franc noir n'est pas à mespriser, principalement quant les chevaux de ce poil ont des bonnes marques blanches (desquelles marques blanches, traicterons au chapitre subseqent:) l'ay veu de ce poil beaucoup de bons chevaux, combien qu'il y a des hommes qui n'en font estat, comme si ce poil fut malheureux, que je tiens pour superstition: Si chevaux de ce poil sont

timides,

timides, cela arrive de ce qu'ils ont la veüe courte; qui veut chevaux de ce poil, il convient regarder qu'ils ayent les yeux grands, clers & bruns, ils ne seront pas timides, ny de courte veüe, comme ceux qui ont les yeux noirs, obscurs, & avec un cercle bleu, qui encore se font aveugles. L'Espagnol estime fort un cheval tout noir, n'ayant marque blanche, avec son proverbe, *Morcillo sin señal, muchos lo quieren, y pocos lo han*. Les Hongrois disent que mal n'advient à chevalier, sur cheval moreau.

La quinte couleur ou poil en chef, est la pie, lesquels chevaux ont les quatre couleurs mentionnez en un, ce neantmoins separez; car vous en rencontrerez non seulement blanc & noirs, mais avec plusieurs couleurs meslez en blanc. En Espagne du temps passé, il y avoit des fort belles pies, principalement en *Xeres de la frontera*; lesquels pies font belle monstre montées à la *geneta*, aornées de couleurs, parquoy l'on les pourtraict aux tapisseries. Les gens dudit pays ont forcé ceste couleur & poilés chevaux par industrie; car quant ils ont voulu faire saillir leurs juments, ils les ont environnées de certains draps, hauts, painctz & tachez de toute couleur, l'estallon montant ces juments, elles n'ont rien autre eu à la veüe, & devant elles, que ces draps mentionnez, & ont au temps deu, faict des poulains de couleur diverse: en quoy ces
gens

gens semblent avoir suivy l'histoire du Patriarche Iacob, qui faisoit boire ses moutons, ayans à la veüe des vergettes blanches & noires, qui estoient au fond de l'eau: les brebis apportoyent des annelets pies, ou de couleur diverse. Depuis que ceux d'Espagne ne vont plus, ou bien peu à cheval, à la *generata*, ains comme nous à la *stradiotta*, ils n'ont plus faict estime de ces belles pies, tellement que l'on en trouve moins: Au lieu mentionné de Xeres, il y a plusieurs ans, l'on y a veu deux beaux chevaux pies; l'un estoit blanc, ayant partout le corps petites taches de poil chatain, la grandeur d'un sold, à peu tous de mesme grandeur, en nombre de plusieurs cents: l'autre pie estoit rousse, le crin & la queue blanche, pareillement les quatre jambes, au visage la marque blanche languette, la reste du corps tout parsemé d'estoilles blanches, pareillement grandes d'un sold, chose admirable, naturelle, & non faicte par artifice, par lequel l'on peut colorer le poil blanc, mais point faire blanc le poil brun.

Nous avons faict mention que la couleur du poil signifie & denote la propriété & temperamēt du cheval, concluant que les chevaux pies ont meilleur temperament, que ceux d'autre poil; parquoy en faut faire plus d'estat, & d'avantage, quant ils ont d'une couleur de poil autant que de l'autre:

Mais

Mais comme l'on n'en trouve point qui n'abonde plus en l'un poil ou couleur qu'en l'autre, il faut entendre que le cheval a plus de propriété de la couleur, qui en luy plus se monstre; neantmoins ce poil ou couleur qui superabõde, est temperé par l'autre, qui est de moindre quantité: Palladius & autres estiment peu les chevaux pies, je les tiens pour fort bons, quant ils ont les marques suivantes, les couleurs fort meslées, s'ils õt les jambes blâches, qu'ils ayent les cornes du pied noires, pour le moins bigarées de noir & blâc, si point tous quatre, les deux ou trois pieds, la bourse toute noire, des grands yeux noirs, point verrouls; car comme la musique ne laisse d'estre bonne pour les voix contraire, l'un haut, l'autre bas, moyennât qu'ils chantent de compagnie: pareillement ces chevaux de poil different & contraire, ne laissent d'estre bons, estant les poils divers, jointts & bien meslez; mais ceux qui sont pies comme les vaches, le corps demy noir, demy blanc, sont plus propres au chariot, qu'à la selle.

Le poil que l'on dit fauve, couleur de cerf, doit estre mis au rang du cler-brun, ou rous-cler; car ce n'est un poil ny couleur principale: l'on trouve des chevaux de ce poil, bien forts & bons, moyennant qu'ils ayent les extremitez noires, & la raye noire au long du dos, ou des cercles bruns par les genoux: Les autres fauveaux jaunâtres,

P

avec

avec les extremitez de mesme, ne sont nullement à estimer, moins encor que le poil de soury; il faict beau les veoir pour la rareté.

Des marques blanches & autres des chevaux.

CHAP. XV.

L'ESPAGNOL a un proverbe, *Bondad vince señal*, il entend que si un cheval de mauvais poil, & de marque au front & aux jambes mauvaise, estoit bon, qu'il ne le faut rejeter; car il est plus à estimer, que non pas un mauvais cheval avec bon poil & bonnes marques: Et puis ce proverbe s'entend de chevaux ja cogneus & experimentez aux escoles, au travail ou à la guerre, que les Italiens nomment *Cavalli fatti*. Mais quant je mets quelque jeune cheval sur mon escuirie, qui est d'attente s'il reussira bien ou mal, je l'aimé mieux de bon poil & de bonnes marques, laissant à autruy le hazard de chevaux de mauvaise marque, & d'un poil non estimé.

Les marques dont nous parlons, ne sont tant seulement les blanches, mais beaucoup d'autres; & non seulement à la teste pieds & jambes, mais par tout le corps. La raison pourquoy ces marques blanches sont estimées, est d'autant qu'elles temperent

perent par leur phlegme, les qualitez de cholere & de melancolie. Car l'on voit par longue experience, que tous chevaux de quel poil & couleur qu'ils soyent, n'ayans en nulle partie du corps marque blanche, que les Italiens nomment *Zaini*, qu'ils sont retifs, traistres, choleres, timides, sauvages & malheureux chevaux, dont l'homme de guerre se doit garder: il n'y a pas d'autre raison que la mentionnée, que leur cholere & melancolie n'est en rien temperée par la phlegme, dont ils ne sont participans: Autrement ces marques blanches ne sont en soy bonnes, car elles font les membres, ou elles s'attachent, de tant plus foibles par leur froideur, & ne sont bonnes qu'entant qu'elles dōnent temperature: Et comme il n'est bon qu'un cheval n'aye du tout point de blanc, aussi est il mauvais quant il en a par trop, comme un blanc large & long entre les yeux, au visage, les jambes hautement blanches, & encore pis quant les cornes du pied sont blanches, & le corps entier du cheval couvert de quelque poil cler, n'estant pie: Par raisons naturelles, nous jugeons que tant de blanc à la teste, demonstre la cervelle froide, par où le cheval est plus subject aux maladies, qui proviennent de froid & d'humidité, estans ces chevaux d'ordinaire grossiers, lourds & pesans: le mesme est des jambes hautement blanches, sub-

jects à plus d'humeurs que les jâbes noires; l'õ sçait que la corne blanche du pied, est moins forte que la noire, parquoy l'on les estime avec tout ce blanc, chevaux delicats: l'aimerois neâtmoins mieux un cheval avec trop de blanc, que point du tout: *aurea mediocritas*. Pour venir à ces marques tât différentes & en grand nombre, premierement quant aux blâcs ou balzâs, sçavoir pourquoy ils s'õt plus heureux quant ils l'õt derriere du costé gauche, que du costé droict, comme l'on tient pour malheureux le cheval, ayant le pied droict derriere blanc ou balzan, & le cõtraire du pied gauche, qui estât balzan, est tenu pour heur, comme quant ils sont derriere tous deux blancs; mais ceux de devât blancs, mauvais; la raison n'est autre qu'une vieille observance & experience. Mais pous avoir marques à souhait, c'est un blanc de long du front, large d'un poulce, finissant avec la poincte au dessus des narines, aux jambes ny en aucun autre lieu, point de blanc du tout; afin que selon l'ordinaire, les cornes du pied ne soyent blanches: car bien rarement que les cornes du pied sont noires, quât les jambes sont blanches: estant le poil noir plus fort que le blanc, & se faisant d'ordinaire le combat à cheval, du costé droict, le cheval ayât de ce costé les jambes noires, en est plus fort, supportant du mesme costé le pois & les efforts de l'homme en actiõ du combat: pour
mesme

mesme raison, l'on ne desire les pieds de devant blancs; un pied derriere à gauche balzan, ne diminue ses forces. Qui sont les raisons & opinions de plusieurs; de moy, je tiens qu'un cheval doit avoir derriere comme devāt, à gauche comme à dextre, les forces esgales: car il est incertain de quel costé, en faict de guerre, l'on sera assailly, à gauche ou à dextre, derriere ou devant: car en bataille ou en escarmouche, il n'y a respect d'ennemy à ennemy, chascun d'eux cherche son avantage. A rompre lance, le cheval faict entierement son effort aux rains, hanches & jambes derriere: partant moins me plaiēt la raison, que les chevaux doivent avoir balzan derriere & point devant; mais ces longues observations sont en vogue prez de plusieurs; de ma part, j'estime plus quatre jambes noires, me cōtenant, que le cheval aye au front du blanc pour peu que ce soit; à commencer du plus haut, qui est la marque blanche au front du cheval, elle doit commencer plus haut qu'entre deux yeux, descendant & finissant avec une poincte au deseur des narines, que l'on dit comete; ou bien un blanc long, peu large, tant seulement d'un poulce ou d'un doigt; finissant entre les narines: l'Astre, une marque blanche en rond, pareillement un peu poinctue, & un peu plus haute qu'entre deux yeux, & aussi belle & bonne; d'ordinaire sont bons chevaux ayans une

des trois marques blanches mentionnées ; il suffit encore qu'ils n'ayēt plus en autre endroit du corps, ny aux jambes, point de blanc : Les chevaux qui ont en face deux ou trois marques blanches qui ne se joignent, ains sont divisées, sont tenus pour durs de bouche, retifs & traistres, s'ils n'ont de mesme du blanc derriere au pied gauche, pour corriger la marque au visage : Et qui ont le blanc entierement rond entre les yeux, sans aucun blanc aux jambes derriere, ce sont chevaux de mauvaise opinion : Quant à ces blancs larges, & de travers au front, & par le visage, ils sont mauvais & laids à veoir, & puis la teste (partie plus eminente & de monstre) en est blasmée, desguisans la beauté du cheval, & puis ces mufles, levres & bouches blanches, sont mal aisées à brider, bien qu'elles semblent tendres, se rompant de plus tost les parties où se pose le mors. Par le corps, les chevaux (n'estant pies) n'ont nulles marques blanches, mais bien quelque poil blanc aux flancs, en derriere de la selle, qui comme cy devant à esté dit, es robes brunes est fort bon signe ; au contraire quant ces poils blancs se montrent en devant de la selle, sur l'espaule ou à l'encollure : Des marques blanches aux jambes des chevaux, les plus basses sont les meilleures ; un cheval ayant la jambe droicte de devant blanche, & point d'autre, est docile & prompt, mais d'ordi-
naire

naire malheureux: & luy estant blanche la jambe de devant gauche, & point d'autre, l'on n'en faict nul estat.

Au contraire, ayant derriere la jambe gauche blanche, c'est un signe tres-bon, & la jambe droicte de derriere blanche au contraire, l'on dit qu'il ne se faut fier sur ce cheval: les Italiens le nomment *Arcello*: les Espagnols *Arzel*, & disent *Cavalla arzel, guardaze d'el*: & sont malheureux comme ceux qui ont un ou deux pieds blancs devant & derriere point; & combien qu'ils ayent un de derriere blanc, si ne laissent ils pourtant d'estre malheureux: Et si le cheval en a derriere deux blancs, il est tenu pour heureux, de mesme, encor qu'il en aye devant un blanc, avec les deux derriere: le cheval qui a deux pieds blancs du mesme costé, derriere & devant, n'est à estimer, principalement s'ils sont à costé droit: Qui ont les pieds ou jambes blanches de travers (*traversato* dit l'Italien) le gauche derriere, le droit devant, au contraire, de moy, je n'en fais estat comme aucuns autres qui les estiment, ains je les tiens dangereux à la carriere, la raison est, que ces chevaux estans poulains au ventre de la mere, avoyent les jambes ou pieds blancs joints, & iceux pres la teste ou front, pareillement marqué de blanc, lesquelles parties blanches, se veulent naturellement reunir & rejoindre; en

toute

toutè action vehemente du cheval, sautant ou courant, les pieds blancs se rataindent.

Il y a des chevaux qui ont les quatre pieds ou jambes blanches, desquelles marques, l'on ne scauroit dire ny bien ny mal : d'ordinaire sont ils poltrons; & pires sont ils, ayans les jambes bien hautement blanches, & les cornes des pieds de mesme; ces jambes blanches sont moins mauuaise marque és chevaux qui ont la robe plus brune, comme moreaux, bay-brun, & rouge brun ou brulé, la phlegme de ce blanc, contemperant leur melancolie & cholere; à robes cleres, comme un poil rous, fauve, cendrin & autres : ce beaucoup de blanc est tres-mauvais, les Espagnols les nomment *quadravos*, & les mesprisent fort.

Il advient que la jambe blanche d'un cheval, par bas sur la jointure du pied, a des tachettes noires, qui donnent par la corne du pied, des rayes ou bigarures pareillement noires; lequel noir à la corne du pied, faict meilleures les bonnes marques blanches aux jambes, & pires les mauuaises, comme quant ceste corne bigarée est jointe à une marque blanche mauuaise: Avec cela nous passerons aux autres marques du corps du cheval, par lesquelles l'on peut juger si les chevaux sont d'un bon ou mauuais naturel.

Il n'y a doubte que les choses exterieures, demonstrent

monstrent les inclinations internes : comme les Physiognomi jugent du visage & des mains, s'il y a conference de l'interieur avec l'exterieur du corps ; & jugent du courage de l'homme, s'il est prudent ou point, s'il est avare ou prodigue, s'il est sobre ou addonné au ventre, s'il est pudic ou lubric : Le mesme peut on juger de la phisiognominie, & choses exterieures du cheval, s'il est allaigre, hardy, timide, bonasse, & d'entendement bon.

Pour commencer du plus haut : les oreilles doi-
La perfection des oreilles.
 vent estre eslevées, droictes, peu larges, point longues, mais poinctues : qui signifie allegresse, courage, vifesse, & qu'ils ont le jugement bon : le renard ayant l'oreille petite, poinctue, est allaigre, fin, vifte & ingenieux. Ces oreilles de cheval doivent estre sur la teste bien proches, & les pointes d'icelles encor un peu plus jointes : le lieu sur la teste ou les oreilles sont assises, doit estre sans carnosité, rien que la peau sur l'os, qui signifie qu'un tel cheval est fort actif. Le cheval ayant les oreilles longues & larges, est pesant, paresseux, tardif, melancolic, & de nul jugement ny assurance. Aristoteles dit le mesme des hommes qui ont l'oreille grande ; ces chevaux sont encor timides, ressemblaus aux asnes & lievres. Plinius est d'opinion, que par le mouvemēt des oreilles du cheval, l'on peut reconoistre son intention & courage,
 Q comme

comme l'on fait au mouvement de la queue du lion & du chien, si leur intention est bonne ou mauvaise.

Du front.

Après les oreilles suit le front, lequel doit estre haut comme celuy du lion, qui denote courage, & doit estre large comme celuy du toreau, qui denote force; car tous chevaux ayans le front long, estroit ou relevé comme les moutons ou lievres, sont chevaux timides & craintifs, ressemblans de cœur à iceux animaux, cōme ils les ressemblent de visage: les chevaux camus, ayans narines & bouches relevées (l'Espagnol le disent *Cabeça morisca*, estans les Barbes & chevaux d'Arabie de la façon :) sont tenus pour allaigres & hardis, mais un peu choleres.

Des yeux.

Les yeux desquels l'on peut juger plus de choses, que de nul autre membre du corps, sont la partie plus noble & delicate, comme estant dans la matrice les derniers formez, & les premiers avant le corps mourant: que les yeux soyent la chose principale au corps, Plinius le tesmoigne: *Subjacent oculi, pars corporis preciosissima, & qui lucis usu vitam distinguant à morte.* Les yeux ne sont seulement tant estimez pour cause que nous en voyons pour le service du corps, mais aussi pour cause que d'iceux, l'on peut juger l'inclination de l'homme, & le plus secret de son courage, parquoy

l'on

l'on les dit *Indices mentis*. Dont l'auteur de l'histoire naturelle en dessus allegué a escrit, *Profectò in oculis animus habitat*. Partant nous conclurons que des yeux, l'on peut facilement juger la nature & propriété du cheval, soit bonne ou mauvaise, mesme les parties & cōstitutions de tout le corps, s'il se porte bien ou mal, à quelles maladies il est subject: Celuy qui a les yeux troubles & tristes, il faut juger qu'il est endormy, pesant & mal sain, qu'il a des humeurs & des fumées qui luy montent au cerveau, & tombent aux yeux: Au contraire, le cheval qui a les yeux beaux, joyeux & clers, est à estimer qu'il est sain, & de bonne complexion: parquoy les bons yeux sont ceux qui ont bon temperament, ny chauds ny froids, ny humides ny secs; & comme sont les yeux, ainsi est le cerveau & tout le corps. L'œil doit avoir encor deux perfections, la forme & la couleur; & plus sont estimez les grands que les moyens, & puis biē hors de la teste, nullement petits ny longs, ny de travers, ny profonds; car l'œil bien hors de la teste, est signe de bon temperament: & quant à la couleur, il doit estre brun, cler, luisant, agreable & plain d'amour. Les petits yeux denotent le contraire, combien qu'aucuns veulent dire que les grands yeux des hommes ne voyent si bien que les petits, le mesme affirme Aristote; mais il n'est pas ainsi des chevaux,

car ceux qui ont les yeux profonds dans la teste, ont la veüe courte, & sont de mauvais temperament, pesans & poltrons, estans d'ordinaire engendrez d'estallons vieux: & l'œil long & montant, est mauvais, & de mauvaise grace: ceux qui ont l'œil de porc, petit, ou l'œil de chievre, sont chevaux retifs, plain de cholere: voila quant à la forme & couleur de l'œil du cheval. Aristote, Plinius & autres Philosophes disent qu'au monde n'y a animal, qui aye les yeux tant differens, que les hommes & les chevaux. J'ay dit que la couleur d'un bel œil de cheval, doit estre cler-brun, chatain-cler, que l'on s'y puisse mirer; si les yeux petits sont de ceste couleur, l'imperfection en est moindre: & bien que les chevaux noirs ont la veüe courte, j'ay expérimenté que quant ils ont les yeux de ceste belle couleur brune, ils voyent bien & long, comme chevaux d'autre poil: Il y a des yeux noirs de plusieurs sortes, les uns plus obscurs que les autres: quelques vieux auteurs ont faict estime de ces yeux noirs, quant ils ont lez le pruneau, un cercle blanc ou gris comme une nuée, tels se font tost aveugles: en fin, tous yeux quels qu'ils soyent, plus sont-ils clers & luisans, meilleurs sont ils. Il y a des chevaux qui ont les yeux gris, avec du brun dans le pruneau comme les chats, que les Latins disent *Glaucos*, & sont tenus pour des bons yeux; tels chevaux sont hardis

hardis & propres à la chasse, & voyent de nuict, & sur la neige. Plinius dit que l'Empereur Tiberius avoit des tels yeux, & qu'à son premier resveil, il veoit pour quelque temps, aussi cler de nuict cōme de jour, chose bien estrange: pareillement y a il des chevaux qui ont les yeux blancs ou verroux, sont blanc & gris, ils sont mal asseurez, & ne demeurēt bons; tels chevaux sont prōpts & dociles: ces yeux sont differens des susmentionnez, pour estre plus blancs. Les chevaux qui ont beaucoup de blanc au cercle des yeux, sont traistres & meschās, de mauvaise constitution, & fort choleres, & deviennent insensez, si l'on n'y previēt leur tirant du sang. L'on trouve des chevaux avec deux sortes d'yeux, l'un brun, l'autre noir ou gris; comme ils ont escrit que Bucephalus avoit pareillemēt deux sortes d'yeux, c'est un mauvais indice; car ces chevaux ne voyent cler: avec ce, je concluray quant aux yeux.

La partie de la teste, au deffous des yeux du cheval, vers les narines, doit estre ronde, en proportion de la teste entiere; mais tant maigre, que l'on y puisse descouvrir tous les muscles, veines, & mesme les os, qui est signe de santé de la teste, au contraire, quant ce lieu est charneux, que les chevaux ont la teste pesante & humide, par consequent peu de jugement, ils sont grossiers & pesans, & se font facilement aveugles: ceste partie

*De la face
ou care.*

de la teste ne doit estre nullement bossue comme és lievres & moutons, ainsi que dit est, ains en profil de droicte ligne sur les narines.

*Des ganaf-
ses.*

Les ganasses contre l'encollure, doivent estre peu larges & peu grosses; car estans larges & grosses comme aux bœufs, tel cheval ne peut engourmer, estant dur à la main, n'estoit qu'elles fussent si fort entre-ouvertes, & le devant de l'encollure si peu gros, que ceste partie s'accommodast entre les ganasses, ce qui peu arrive; car estant la teste grosse & charneuse, aussi est d'ordinaire l'encollure.

*Des nari-
nes.*

Les narines doivent estre grandes, ouvertes & enflées, afin qu'elles ayent la respiration à commandement: quant elles sont rouges au dedans, cela signifie que le cheval est fougueux, allaigre, & de courage, & de longue halaine, principalement quant tels chevaux en forte action, font bruiet des narines, comme d'ordinaire le font les chevaux d'Espagne & de Barbarie: ceux qui ne sçavent ceste propriété de ces chevaux, jugeroyent que ces chevaux auroyent faute d'halaine, qui est bien le contraire; car ils le font de gaillardise, & de grand cœur: les narines petites & estroictes, denotent tout le contraire.

*De la bou-
che.*

Pour venir à la bouche, il faut dire que ceste partie est comme le gouvernail de la nave; car la bride commande & gouverne le cheval, estant cecy
le plus

le plus important, qu'elle soit tellement formée, que le cheval soit facile à brider; car la bouche n'ayant sa vraye proportion, ou estant mal conditionnée, le cheval sera mal bridable: & encore qu'un tel cheval de bouche mal formée prenne bien les leçons, & se puisse façonner par le travail & industrie du cavalier, il est à craindre que s'eschauffant, il decouvrira ceste imperfection: *naturam enim si expellat furca usque recurrit*: oubliant ses bonnes leçons comme le chat de Diogenes. La vraye bonne & bien proportionnée bouche, est la mediocre, ny grande ny petite, ny peu ny trop fendue: les bouches plaines & charneuses sont mauvaises comme les bouches seiches; mais celles qui sont rouges avec l'escume blanche, sont les meilleures; les peu fendues ne donnent place convenable au mors; les fort fendues causent que la gourmette remonte & desplace du vray lieu, neantmoins elles sont plus à priser que les autres peu fendues; les bouches charneuses & plaines, qui peu resistent le mors, sont tres-mauvaises & dangereuses: mais ayans les levres delicates, & la bouche à mesure bien fendue, est signe que tels chevaux sont fraiz, bons & delicats de bouche, & à brider avec un mors bien simple, & sont constans en leurs actions, & point dangereux d'emporter l'homme: La bouche fresche demonstre que le
mors

mors leur est agreable, consequemment que la bouche est bonne: à l'escume, est à juger s'ils se portent bien ou non; n'en faisans point, & estans entierement secs, il faut croire qu'ils sont defectueux au corps, principalement au foye; car la chaleur extreme deseiche l'humidité naturelle: ceste escume estant fluide, pale ou grise, ou bien jaunatre, signifie un mauvais temperament du cer veau & de la teste, estant en fin tel cheval mal sain: mais quāt elle est bien blanche & espesse, s'attachant aux levres, il faut croire que tel cheval est sain.

Des levres.

Les levres doivent estre delicates, nullement espesses, sans peaux ridées, & au dedans point charneuses.

De la langue.

La langue ne doit estre longue, qu'elle pende hors la bouche, ce qu'avenant, il la faut trencher & accourcir; elle ne doit aussi estre trop courte, car les chevaux en mangeroient avec difficulté; elle ne doit estre trop grosse, dont le cheval s'armeroit, & seroit plus difficile à brider; plustost la langue trop estroicte, que trop large: en fin la mediocre est la meilleure. Vegetius dit que la langue d'un cheval doit estre longue un demy pied: si tous chevaux estoient d'une mesme grandeur, il auroit raison.

Avenant que l'on l'aye racourcie par trop, par où il seroit en paine de bien manger, l'on la peut rallonger,

longer, taillant la veine au deffous d'icelle, (comme l'on faict aux enfans, qui ont la langue retirée,) la langue dudit cheval ralongera de la largeur d'un doigt, plus à propos seroit de la point faire trop courte, en la taillant.

Le menton où ferre la gourmette, doit estre de ^{Du men-} lie & delicat de peau, rien que la peau sur l'os, afin ^{ton.} que le cheval resente mieux la gourmette, laquelle le contraint autant que le mors.

Des dents, nous ne dirōs autre chose, sinon qu'ils ^{Des dents.} nous asseurent l'aage du cheval, en ayans les bons & mauvais, nombre esgal.

Les chevaux naiffans, ont des dents, que beaucoup d'autres animaux n'ont point, obmettant les dents, qui sont moulaire & en arriere; je diray que naiffans, ils en ont huit devant, à scavoir, les quatre en bas, & quatre en haut; six mois apres leur en vient encor deux en bas, & deux en haut, sont douze en tout, six par bas, six par haut, je dis sur le devant de la bouche, où il ne leur en vient point d'avantage, que sur les quatre ans, leur viennent les deux crochets en bas; à aucuns chevaux viennent encor deux crochets en haut. Les mentionnez six dents en haut, & six en bas, leur demeurent ainsi jusques à tant qu'ils font l'aage de trente mois, alors, & devant les trois ans d'aage, ils changent, & boutent

R

hors

hors les deux dents du milieu, tant haut que bas, qui font quatre dents en tout, & quant ils font les quatre ans, ils changent les deux plus proches & voisines; deux haut, & deux par bas; & quant ils approchent le cinquiesme an de leur aage, ils changent & bouttent hors les dents derniers, vers les dents crochets, pareillement deux par haut, deux par bas; alors ils sont ferrez, & ne changent plus les dents du devant: les chevaux de naturel fort, font les dents crochets mentionnez, à l'aage de quatre ans, & ceux de naturel moins fort, à l'aage de cinc ans. Apres cest aage de cinc ans, ils ne changent plus aucune dent, lesquels parcroissent en largeur & longueur, comme ils font à l'aage de sept ans, formez & parcreus, que les Italiens disent *Cavallo serrado*: car apres cest aage, l'on ne peut plus juger d'iceux dents, pour discerner aage encor plus grand, seulement plus un cheval devient vieil, plus ses dents se font grandes & plus blanches, contraire des autres animaux, dont les dents deviennent jaunes, & noires avec l'aage. La dent du cheval dit le crochet, devient pareillement avec l'aage, plus grande & plus longue, & puis avec encor plus grand aage, la pointe de ceste dent s'use par le mors: Ceux qui se vantent cognoistre l'aage d'un cheval d'an en an, jusques à 30. ans, aux poils gris deseur les yeux, & puis au nombre des
 plis

plis sur la levre du cheval, n'y ont fondement; & bien que l'aage d'un cheval soit à juger aux ossements & jointures de la queue, cela ne se fait que jusques à l'aage de dix ans.

J'ay par le susmentionné touché toutes les parties de la teste du cheval, laquelle doit estre petite, secque, & eslevée allaigrement, car Xenophon dit consister en icelle, toute la beauté cavalline.

*Conclusion
de la teste
entiere.*

Poursuivant, je diray que l'encollure ou elle joint à la teste, doit estre peu grosse, courbant en arc, laquelle archeure se doit perdre tost, & se faire le col loquet vers le garot, à peu comme l'encollure du cigne, & puis montât de la poitrine vers les ganasses, le col y doit estre droit & uny, de mesme cōme celuy du coc, par le devant, neantmoins avec peu de chair, se faisant peu à peu estroit & moins gros de vers la teste; & ne doit l'encollure estre ny long ny racourcie, ains mediocre, selon la proportion du corps, le plus haut d'icelle, ou le crin & poil long vient, doit estre bien fort deschargé de chair, legier & nullement gros, afin que le crin y vienne pareillement peu gros de poil, mais long, & que le cheval puisse de tant mieux eslever la teste haute, chose plaisante & fort agreable: tel cheval ne tirera ny pesera à la main, s'il a la ganasse large, neantmoins bien ouverte, il en est moins rejettable de par ceste encollure legiere, peu grosse, eslevée & courbée

De l'encollure.

courbée par haut: les encollures autres, grosses, chargées de chair, retiennent la teste du cheval basse, & puis ces encollures grasses, surchargent la teste & les yeux du cheval, d'abondance d'humours: bien doit ce col de costé & d'autre, depuis les ganasses sur les espauls, estre gros en rondeur, & puis ferme, afin qu'il ne fleschisse ny d'un costé ny d'autre, tellement que tournant la teste, l'encollure sans fleschir tourne avec le corps consecutivement, & non comme les chevaux Turcs, qui plient l'encollure de ça & de la, la vraye & bonne encollure, doit estre non tost flexible comme les chevaux de Naples & d'Espagne la souloyent avoir, que Xenophon dit *rigidas cervices*: & les Italiens *fermo di testa*. Bien que le cheval aye bonne bouche, ny la bride, ny le mouvement du pied & jambe du cavalier, ne causeront tant le prompt tourner du cheval, que bien la fermeté de l'encollure, qui promptement faict suivre le corps entier, comme la bride attire & commande à la bouche, elle à la teste, & au col, & celuy au corps entier, mais le col qui fleschit, faict que le corps suive plus tardivement.

Du toupet. Quant au toupet, ou poil d'entre les oreilles, comme du crin & queüe, il y a des opinions anciennes & modernes, qui desirent en iceux lieux, le poil dur, gros & en abondance: l'en suis de telle opinion,

opinion, car il est impossible que le haut de l'encollure porte un poil tel, sans qu'iceluy lieu ne soit consecutivement gros, gras & humide pour nourrir ce poil: que telles encollures sont mauvaises, a esté discouru: le poil court & peu, aux lieux mentionnez, honore aussi peu le cheval, bien que ce poil ne le face pire ny meilleur, neantmoins ce poil & crin, est partie de la beauté du cheval, comme la belle perucque l'est de la Dame. Le poil gros & abondant, est bon aux chevaux de charue & de louage, car il signifie travail & force: Les chevaux Septentrionaux & des pays froids, comme ils ont le poil plus grossier & en plus d'abondance que les chevaux d'Orient & de midy, aussi sont ils plus forts au travail journalier, dont avons dit les raisons au chapitre onzieme. Mais comme en ce livre nous ne traictons de chevaux tels, ains de chevaux en chief, nobles & de guerre, je ne puis admettre ce poil espez & gros; car tels chevaux sont aussi d'un temperament grossier, par consequent grossiers de jugement & de memoire tardive, donc le toupet de poil d'entre les aureilles, doit estre long, jusques sur le nez, mais rare; car il couvriroit par trop la beauté du visage cavalin, comme de la teste, qui est la plus belle partie: le crin de mesme rare, mais de poil long, ondoyé jusques sur les espaulés, si plus long,

il en sera plus beau. La queüe lōgue, à deux doigts lez terre, mais plaine & grosse de poil, les humeurs dont ceste quantité de poil derriere est nourrie, sont si esloignez des yeux, qu'ils ne les offusqueront, s'il y a par trop de poil, l'on peut faire abbatre une jointure ou deux d'icelle, le cheval en sera plus fort de rains, mais de la leur oster comme faisoient les Allemans, il y a quelques ans qui leur descouvroyent le fondement, c'est faire rougir la nature, qui l'a voulu couvrir de poil. Qu'Alexandre le Grand ait pour un temps en son camp fait raser ou tailler le poil des chevaux & mulets, du crin comme de la queüe, n'estoit pour controller, ny pour se mocquer de nature, ny pour s'y plaire, que pour monstrier le dueil qu'il avoit d'avoir perdu son grand amy Hephestion. En France, telle fois ils ostent le toupet & poil d'entre les oreilles, telle fois le crin, & puis couppent les oreilles, ouvrent les narines, comme dit Paulus Iovius, afin qu'ils semblassent plus terribles (à mō avis point plus beaux) neantmoins ceste nation n'a oncques fait la queue courte comme l'alemande. Ce poil long derriere comme devant, au cheval doit estre peu gros, fin & delie, qui signifie que tels chevaux sont de complexion noble, & de bon jugement: le crin doit tomber au costé droit, selon Virgilius.

Densa juba, & dextro jactata recumbit in armo.

Bien

Bien qu'en ces pays l'on mette le crin au costé gauche, qui est la main qui gouverne la bride.

La poitrine du cheval doit estre large & ouverte, nullement charneuse; mais les muscles & veines, descouvertes: la largeur signifie force grande, estant bien ouverte, les jambes sont haut & bas, long & separées, ce qui est beau & bon; car ils ne s'entretailent, ny croissent les jambes, courent seurement, bien que l'on leur lasche la bride: ayant au contraire la poitrine charneuse, il en est plus pesant, & de courte halaine, tirant à la main, dangereux de tomber à la carriere, en fin plus propre pour tirer coche, qu'à la selle, pour le pois du corps en devant: La poitrine estroiete signifie que le cheval n'a point de force, & puis les jambes s'entretouchent.

Quant au dos, il ne doit estre enfellé ny profond, car tels chevaux n'ont force; point relevé aussi comme aux asnes: & bien que tels dos sont forts, ils sont laids à veoir, tellement qu'ils doivent estre un bien peu cavez, plustost qu'entierement droicts en ligne, afin que la selle s'y tienne, sans deplacer en avant, mais ce dos doit estre court, qui luy donne beauté & force, estant le cheval court & joint, plus fort, que celuy; qui est long de dos & de corps.

Le garrot, en bas le col du cheval, doit estre un peu relevé, afin que comme susdit est, la selle ne
vienne

*De la
croupe.*

vienne sur les espauls, par ou les jambes de devant sont foulées & bien tost ruinées : la selle donc doit se fermer au juste milieu du dos, afin que le cheval soit esgalement chargé, derriere comme devant, finissant le dos, la croupe du cheval y doit estre pareillement bien large, ronde, point racourcie, ny aussi en cul de mulet, pour raisons avant dites, que les jambes & pieds de derriere en sont plus entre-ouverts & longs l'un de l'autre, dont le cheval est plus fort, & plus asseuré sur les jambes de derriere; car comme nous avons discouru des marques blanches, il ne suffit que le cheval soit fort sur le devant, mais il le doit estre autant & plus sur le derriere: & puis ce seroit hors de proportion, si un cheval estoit large devant, & derriere point: par le dos & par la croupe finissant sur la queue, le cheval y doit avoir un canal, & puis la fesse large, grosse & charneuse.

Du ventre.

Le ventre nullement retiré, ny les flancs, qui faict foy que le cheval n'est bien sain, ains defectueux au foye, au poulmon, ou à autre partie interieure: Bien que le grand Alexandre desiroit que son Bucephalus eut peu de ventre, afin qu'à son opinion, il fut plus propre à la guerre. Le ventre ne doit aussi estre bien gros, car tels chevaux ne travaillent, ny ont l'alaine longue, un ventre mediocrement gros, mais point panchant, ains rond

& en

& en proportion du dos, de la poitrine & de la croupe, qui est requis pour la beauté, force & travail du cheval.

Les costes longues & larges, comme aussi le fil Les costes.
du dos, d'ossements forts.

L'espaule large, forte & charneuse, qui demon- De l'espaule.
stre grande force: il y auroit peu de grace, qu'estant la poitrine bien large & fort ouverte, & les espaulles maigres & petites: de l'espaule sur les genoux, comme du haut des fesses sur les coudes ou genoux de derriere, ces parties doivent estre pareillement charneuses, qui non seulement est beau, ains signe de force grande.

Les genoux devant, doivent estre forts, à peu Des genoux.
ronds, de mesme les genoux derriere, se montrans le plus en dehors, neantmoins ne doivent estre charneux, ains secs & d'ossements: car les genoux gras, sont subjects à esparvennes, galles, bosses & autres inconveniens. Des genoux en bas, jusques sur les jointures, doivent estre les jambes en dehors comme en dedans, entierement secs & sans chair, que l'on n'y voye que les os, nerfs & veines, car quant ces parties des jambes sont grosses & rondes, ils sont subjects à tous les maux susmentionnez, & à plusieurs autres: je n'adhère à l'opinion de ceux qui desirent que ceste partie de la jambe soit grosse selon la mienne, il est requis que

le tout soit en proportion des autres parties du corps: Car si un cheval Turc estoit enjambé comme le cheval Frison, il luy seéroit mal, & seroit hors de proportion.

Des jointures.

Au bas de la jambe, il y a la jointure jusques sur la corne du pied, laquelle doit estre courte & amassée, non charneuse, ains secque, nullement haute ny longue, comme l'on voit les jointures aux chevaux Turcs, & autres semblables de taille legiere, lesquels avec telles jointures, tombent facilement à la carriere, & plus telles jointures sont droictes, & peu panchantes, pires sont elles: au contraire, les chevaux ayans ces jointures basses comme dessus, courent plus ferme, & plus longuement que ces autres; car les nerfs en ces jointures basses, ne sont tant travaillez ny tendus.

De la corne du pied.

La corne du pied du cheval doit estre ronde, large par bas, & assez haute, & point estroicte comme aux asnes & mulets, plus large par bas que par haut: à ces hauts pieds de mulets, la vie y manque plus tost, crevent, & les quartiers leur viennent, si l'on ne les entretient fort avec fiente, & des unguens: la bonne corne ne doit avoir nuls cercles, ny choses rabotteuses, ains bien des profillures de haut en bas, qui signifie le bon pied & corne ferme, le cercle le contraire: la bonté des pieds est importante comme le bon fondement à la maison belle:

la

la corne blanche est rarement bonne, & s'esclatte, la blanche avec rayes noires du haut à bas, ou bigarée à demy noire, est meilleure que la toute blanche, & moins bonne que la toute noire: laquelle pour estre entierement bonne, doit estre de couleur cendrine, comme est la corne de bouc. Le pied plain n'est nullement bon; car les chevaux clochent tost, cheminans sur le dur ou pierieux; parquoy sont estimez les pieds hauts, ayans le talon haut, qui contregarde le dedans du pied de n'estre offensé: le lieu de la corne plus haute encontre le poil, doit estre uny, point relevé, ains couvert de poil; car ce lieu est delicat: Il est à observer que la jambe du cheval, du haut sur terre, ne doit estre longue, ains assez courte, mais point hors de la proportion du corps; car les jambes longues sont dangereuses, le cheval marchant, galoppant ou courant, n'y a force: La longueur requise des jambes du cheval est à trouver, si l'on mesure avec un filé du haut du garot, jusques sur la coude de la jambe de devant, en dessous l'espaule, & puis mesurant de la sur terre, ou le talon se pose, l'un & l'autre mesure doit estre d'esgale hauteur ou longueur: s'il y a inegalité, les jambes en seront à mesure trop longues ou trop courtes. Le poulain estant nouvellement nay, ou d'un mois ou deux d'aage, pour sçavoir s'il se fera grand, il faut mesurer

rer à l'œil la longueur de la greve de la jointure d'enbas, jusques au genoüil devant; si cest os de la greve est bien long, le cheval sera grand; si court, le cheval sera de basse taille : mais ce jugement doit estre faict en proportion du corps du poulain : Car Xenophon dit, *Quod omnium animalium tibia processu temporis, minimè crescunt altitudine, idcirco in pullis altiores tibia magnitudinem equi judicant.* Les poulains & chevaux ont au dessus des genoux de devant, comme en dessous des genoux en derriere, un peu de peau sans poil, que les Latins & Grecs nomment Lichenes, dont avons traité au chapitre dixiesme, moindres que sont ces Lichenes, meilleur pour les chevaux, car de tant sont ils plus secs de jambes, plus durs & mieux travaillans; car les Lichenes ne proviennent que d'humidité: il y a des chevaux qui n'en ont point du tout, & en sont meilleurs. Il y a des hommes qui font estime de beaucoup de poil long aux jambes des chevaux; je permets qu'ils travaillent bien, mais ils ne sont grands coureurs : un lieu plain de poil est plain d'humeurs, l'on ne peut avoir seiches ces jambes velues venans de l'eau ou des champs, elles demeurent moites toute une nuict, qui leur est mal sain; car nul animal ne desire plus estre sec, & qui leur tire ce poil, il leur attire des humeurs aux jambes : Partant plus me plaiet la jambe

be du cheval sans ou avec fort peu de poil, comme l'ont les chevaux d'Espagne & de Turquie, lesquelles jambes l'on peut nettoyer & essuier sans les mettre en l'eau estans fangeux.

La bourse & genitoires doivent estre en de-
De la bourse.
 hors, tout noirs, petits & bien retirez : je dis noirs, de quelle couleur ou poil que le cheval puisse estre, qui denote que le cheval est sain, fort, prompt & plus capable à saillir des juments : la bourse grande & panchante, denote le contraire; neantmoins elle doit estre en proportion de la grandeur du cheval. De mesme le membre du cheval doit estre tout noir & court.

Quant à la queüe du cheval, nous en avons par-
De la queüe.
 lé, & dirons icy tant seulement, que le cheval la doit tenir ferme sans aucunement la mouvoir, principalement quant il est en action, & la doit alors retirer quelque peu, qui denote la force aux rains : En Espagne, ils taillent un nerf au dessous de la queüe, vis à vis du fondement, dont elle demeure ferme & immobile, mais ils sont en apres, en peine de bien nager.

Il y a encore des autres marques aux chevaux, comme des poils par le corps, croissans contremont, aussi vers bas pres les aureilles, par le col, qu'aucuns disent *Spada Romana*, aux flancs, au visage, à la poictrine & en autres endroits qu'aucu-

nes personnes observent fort, & les tiennent pour bonnes marques: De moy je n'en fais grand cas, car tout ces poils tournez ne denotent autre chose que abondance de froid ou de chaleur: provenans de chaleur, ils montent en haut; si de froid, ils tournent vers bas, puis que cest intemperance l'on n'en peut tirer nul bien: ils s'abusent pareillement, qui jugent les chevaux ayans ces poils tournez sur l'encollure (*dits Spada Romana*) estre venus en l'arriere saison de l'esté; car j'ay eu des poulains venus és mois de Apvril & de May, avec ces poils contournez sur l'encollure. Ce chapitre a esté prolix, pour monstrier le grand nombre de bonnes & mauvaises marques, & puis la parfaicte beauté du cheval, & la vraye proportion de tous les membres d'iceluy, qui est la mesme beauté que tout le monde adore. *Cicero. Pulchritudo corporis apta compositione membrorum, cum coloris quadam suavitate movet oculos, & delectat hoc ipso, quod inter se omnes partes quodam lepore consentiunt.* Ils ont tort qui estiment peu la beauté du cheval, & moyennant qu'il travaille, il leur suffit: car j'ay monstré en ce chapitre, que la beauté exterieure manifeste les qualitez interieures; car si l'on traicte de chevaux principaux & de reputation comme je fais, l'on ne scauroit separer la bonté de la beauté és chevaux, aussi peu qu'en nulle autre chose. *Celius.*

In offic.

Omne



Omne verò pulchrum, inquit Proclus, & etiam bonum est, Pulchrum amabile suapte naturæ est, quandoquidem externa pulchritudo divina pulchritudinis imaginem ferens, est amabilis.

*Libro 24.
cap. 8.*

*Quel doit estre le pays & lieu où l'on peut establir
un haras de juments.*

CHAP. XVI.

PREMIEREMENT est requis un paysage tellement herbu, que les chevaux y soyent largement nourris, car il leur faut beaucoup, & puis la temperance de l'air est un grand point; car la chaleur & la froideur grande, sont fort contraires aux chevaux: Si vostre paysage n'a la temperance requise, que pour le moins à la saison plus chaude, il y aye ombrage de taillis & de bois, lequel mesmes sur l'hiver, puisse garantir les chevaux du vent froid, pour alors les déplacer & mettre és estables: L'herbe doit estre bonne & agreable, dont parlerons encor: Aux Espagnes en Andalusia, il y a quantité de bergeries, où les moutons ont la laine tres-fine: si l'on met ces troupes au dela de la montagne *Sierra morena*, & de la en Castille, ceste laine se change aux moutons, & devient dure & grossiere, au mesme pays viennent pareillement
les

les bons & nobles chevaux: & si l'on prent les juments de ce pays, & que l'on les transporte en Castille ou autre part, l'on n'en peut plus tirer des poulains ne si bons ne si beaux, dont l'experience a faict foy. Le motif de ce changement en declination, est attribué aux herbes & à l'air du pays: il est notoir que quelques fruiçts proviennent en un pays, & en l'autre point: Le Roy des Espagnes a des beaux & grands haras, dont avons parlé. A Aranives, qui est un lieu fort plaisant, sept lieües de Madril; il y a faict venir des juments de Andalusia, mais il n'en a sçeu tirer nuls bons chevaux, & a esté contrainct renvoyer cest haras, & le mettre sus à Corduba, où il proufitoit bié de celuy temps, qu'il estoit le principal haras du Roy. Et puis il convient pourveoir que le fourage ne manque aux chevaux, principalement point aux juments plaines, ny aux poulains; car ils en ont besoin de jour & de nuict: partant est requis que le pays pour haras, soit non seulement herbu pour l'esté, mais fertile de tout autre fourage pour l'hiver, lequel chez nous est long; partant il convient double provision pour faire passer l'hiver bien aisement aux jeunes & vieux chevaux; car s'ils sont maigres & mal tenus, à l'esté ils ne prennent la deüe parcroissance; car estans en mauvais poinct, avenant qu'ils se soyent remis & refaicts aucunemēt, l'autre hiver survient derechief.


derechief. Ceux qui durant l'hiver les tiennent maigres, soy confians qu'avec l'esté aux herbes ils se referont bien, sont mal conseillez; car le contraire advient ordinairement: Il leur faict moins de mal de manger en esté l'herbe jusque à la racine, & de n'en avoir abondance, que de patir & d'avoir faite ou peu à manger l'hiver; car alors le froid de noz pays les consume & mange. Il convient donc que chascun face son compte bien, selon que son paysage sera bon & bien herbu (parlant de noz pays; car és pays chauds, l'on ne faict provision de fourages, comme les chevaux y vont l'hiver & l'esté aux herbes) combien & de quelle quantité de fourage il doit faire provision chasque hiver, afin qu'il y aye en proportion des herbes d'esté, du fourage pour l'hiver: & selon icelle quantité, il tiendra nōbre de chevaux, neantmoins tel, qu'il aye abondance d'herbe, & qu'il luy avance annuellement quelque fourage; car autrement ce seroit chose infructueuse de faire fraiz, & se pener pour recouvrir des beaux estallōs, & des jumēts de pris, pour les laisser aneātir & perdre à faute de herbes requises, & fourage abōdant. Et cōme nous avōs ja dict, toutes terres & paysages ne sont propres à nourrir & eslever un haras; car il y a des herbes sures, ameres & picquantes: l'herbe doit estre douce, assez courte & drue sur terres eminentes & nullement

marescageuses, chose contraire aux yeux & pieds des chevaux. L'on nourrit bien des chevaux sur les herbes mentionnées, mais si l'on faict parangon d'iceux aux chevaux nourris de bonnes herbes, l'on voira la difference, & combien peut l'herbe bonne, laquelle change la laine aux moutons, & aux chevaux, & tout autre bestail, donne force & vigueur. Sçavoir lesquelles herbes sont les meilleures pour les chevaux, qui viennent en pays plain ou montueux: en pays plain, sont eslevez grand nombre de beaux chevaux, comme en Espagne, en *Xerez de la frontera*, qui est un pays plain, uny & sabloneux, comme il est en Hongrie, Flandre, Hollande, Frise, & pays semblables: de telles terres & pays, convient aux naturels & inhabitans, se contenter, & en faire leur bien; mais les herbes pour les chevaux, sont les meilleures aux terres montueuses, pour raison que l'herbe montagneuse est plus substantiale, plus seiche, & plus douce qu'en pays plain; & puis elle n'y vient tant longue qu'en ces pays gras & rases, comme l'on void en Hongrie & en Pologne, l'herbe y estre de la longueur d'un homme, dure & non mangeable, tellement que ceux du pays sont contraincts d'y mettre le feu, pour l'avoir plus courte à nourrir le bestail. Et puis les jeunes chevaux és montagnes, cerchans les meilleures herbes, sont contraincts

traincts monter & devaler, & ce travail les rend forts & fermes sur les jambes, & puis leur cause un marcher plus libre. Ces chevaux de montagne ont plus de force aux rains, & la corne du pied ferme & dure, puis comme il leur convient tousjours alonger le col, allans à val pour prendre l'herbe, l'encollure se faiçt moins chargée de chair, plus belle, plus longue & relevée, par cest exercice travailleux & vehement, dont ces chevaux s'engourment mieux: Celuy qui peut avoir tel pasturage montagneux, ne mette nullement ses poulains venās d'estre sevez du laiçt, sur terres ou pays plain, il voira combien peut plus la nourriture aux montagnes.

Nous avons faiçt mention que les chevaux de Naples sont plus estimez en Italie mesme, que les autres chevaux, & cela pour estre meilleurs & plus forts, comme ils sont venus & nourris en pays montagneux: de mesme les chevaux qui viennent au pays de Transsilvanie, sont nourris en pays montagneux, partant meilleurs que ceux d'Hongrie. Bien que les chevaux qui viennent comme susdit est, en *Xerez de la frontera* en Espagne, pays entierement plain & uny, sont beaux & bons; neantmoins en vente, ils valent moins cinquante & soixante ducats, que les chevaux qui viennent en laen, Martos & en ces cōtours, & ce seulement

pour venir d'un pays montagneux: vray est que pour les juments plaines, le pays & pasturages basses & unies leur sont plus propres; parquoy les vieux auteurs ont faict estat d'un beau pays plain, bié herbu, ou passent quelques eaües pour l'education cavalline, d'autant que les juments s'y travaillent moins qu'és montagnes, & n'y perdent leurs poulains avant temps: Bien que cela soit, quant à moy j'aventurerois les juments plaines, en pays montagneux, pour un plus grand bié qui m'en proviédroit, & pour les autres raisons susdictes. Concluant que celuy qui a l'une & l'autre commodité, les plainures pour les juments, & le pays montagneux pour les poulains, non guere longs l'un de l'autre, rien ne luy manque à bien dresser son haras, soulageant les juments és plainures, & fortifiant les poulains és montagnes, qui jamais ne doivent venir paistre sur les plainures: mais je desire que l'herbe des montagnes soit bonne & drue, & qu'il y aye force bonne eau clere, bied que les chevaux la desirent trouble & grosse, il est meilleur que l'on les accoustume de jeune aage à boire des eaües cleres & froides: Car l'experience nous faict sage que les chevaux de ces Provinces, comme ceux de Boheme, estans accoustumez à boire noz eaües grosses, venans en autres pays, malement se peuvent ils accoustumer à ces eaües cleres & froides,



CV

F. B. A.

froides, sans prendre des maladies. Tellemēt que le lieu doit estre bien propre, pour y dresser haras de chevaux grands & nobles à la guerre, afin que les grands fraiz y soyent bien mis; car les petits meschans chevaux, sont eslevez en tout lieu: Et bien que le pays & lieu de quelque gentilhomme n'eust toutes les bonnes parties & conditions mentionnées, il ne luy convient perdre courage, ny l'espoir d'eslever chose bonne, sa diligēce pourra suppléer en provisions de fourages d'hiver, j'ētens s'il est en Province & pays ou il faict un temps d'hiver, que l'on est contrainct de retirer les chevaux à l'estable.

Quelles doivent estre les estables pour les juments, pour les poulains, & pour les chevaux d'âge.

CHAP. XVII.

COMME les pays ont divers climats, & l'un plus, l'autre moins de chaleur & de froid; il est necessaire de se deffendre contre l'un & l'autre de ces accidents: Estans noz pays bien froids, avec un hiver long, il convient bastir noz demeures comme celles du bestail de mesme, & les loges à mettre les fourages tellement, que le tout soit garanti du froid, de l'eau & du vent: Partant qui veut dresser

un haras de chevaux, il ne suffit qu'il ayē les commoditez mentionnées de bien entretenir aux herbes les jeunes & plus vieux chevaux; mais il est besoin de les bien loger, aussi bien les juments, que les poulains d'un an, & ceux qui sont de deux ans: Il faut que les estables soyent bien commodieusement jointes, pour prevenir à la poltronerie & faineantise des valets qui pensent les chevaux. Aucuns mettent confusement, & sans difference de sexe, ces jeunes chevaux en compagnie, tant aux herbes que sur les estables, dont ils deviennent si farouches, que l'on ne les peut approcher, en fin ils separent ceux de deux ans des autres plus jeunes, aussi tost qu'ils ont attainct cest aage, comme alors ils commencent à saillir juments, qui est aussi la vraye saison de les separer, les tenant jusques à cest aage de deux ans, tous en compagnie en une grange, grande à propos, mais gueres bien ferrée ny close encontre le froid, l'eau & la pluie, ou l'on leur jette du foin, & les laissent sortir pour aller boire deux ou trois fois le jour, selon qu'il fait beau temps: De ceste façon, vray est qu'il s'eleve des bons chevaux, mais les maux icy susmentionnez en proviennent: Premièrement que ces poulains, pour grande que la grange soit, ne se peuvent faire large comme aux champs, se mordent & se battent tellemēt, qu'ils s'offencent & navrent

és

és environs des jambes, dont l'on ne les peut curer pour estre farouches, n'ayans esté attachez à nul liecol; ainsi il en meurt des aucuns, & estans ainsi vieux & jeunes par ensemble en ceste grange non liez, non attachez comme dessus, quant quelques hommes approchent d'eux, ils pressent tellement le ventre des juments, qu'elles avortent & perdent leur poulain, & puis les plus forts chassent les moindres, & plus foibles de la mangealle ou foin: tellement que les plus foibles ou malades ne parviennent, se nourrissans & s'engraissans les plus grands & plus forts: par où je conclus que ceste façon d'eslever poulains, n'est bonne, & bien que d'un grand nombre il en parvienne quelques uns à perfection, il s'en perd tant d'autres pour les raisons mentionnées, lesquels l'on sauveroit si l'on faisoit leurs estables comme ensuivra: Partant qui entend faire haras, doit aviser combien de chevaux jeunes & vieux il veut ou peut hiverner avec son fourage, & selon ce nombre, il doit faire ses estables, ny trop grandes, ny trop petites: car si grandes, elles sont froides; si petites, mal commodes: partant seront ces estables ordonnées comme s'ensuit.

L'estable pour les juments plaines, doit estre hors de grand vent, ce neantmoins sur un lieu un peu eminent, plaisant & de bon air: celuy qui n'a les terres eminentes & relevées, doit hauffer de
sablon

sablon ou de pierres le lieu à mettre cest estable, afin que les humiditez aqueuses s'escoulent, comme cest animal demande estre à sec & chaudemēt, le froid luy est dommageable : & si faire se peut, cest estable ne doit estre long des pastures ; afin qu'ayans faiēt leur poulain , elles n'ayent à cheminer long avecques eux pour trouver les herbes , & se remettre tost en icelle , survenant la tempeste & mauvais temps : Cest estable sera mise diametralement contre les quatre vents principaux de l'Orient , midy , ponant & Nord, ou le mur doit estre sans aucun huis ou fenestre (je dis contre le vent du Nord) espaulé & couvert de quelques arbres, pour garantir ce costé de ce vent froid & tempestueux : Du costé du Levant, l'huis de l'entrée y soit mise, ou bien du Midy, si l'on veut perdre deux ou trois places des juments, ou que vous posez cest huis, qu'il soit bien large, afin que sortans & entrans les juments, elles ne se pressent le ventre, car naturellement, plus le passage est estroict, plus elles se pressent & se hastent, partant quant il sera question de les laisser sortir de l'estable, que ce soit peu à peu, leur ostant les liecols lentement, pour éviter le danger mentionné, qui les feroit avorter: cest huis sera ferré d'ais bien jointts, car les vents de l'Orient & du Nord, en hiver penetrent tout. Les mangeoires seront mises, l'une du costé de
l'Orient,

l'Orient, & l'autre du ponant, de long de l'estable, faict d'ais de chesne, gros trois poulces, j'entens de trois ais, l'un encontre la muraille, l'autre au dessous, & le tiers encontre la poitrine des juments, & ne sera mise ny dressée ceste mangeoire, que la hauteur de la poitrine d'un cheval mediocre, par haut ouverte de trois pieds, le fond large de deux pieds & demy: au dessus de ceste mängeoire se mettra le rastelier, venant d'un costé à l'autre des muraille de l'estable, & puis clos & serré cōtre le planchier d'en haut, afin que par ce lieu l'on n'y mette le foin, mais bien du grenier, pour ne perdre & gaster tant de foin. Le lieu ou chasque jument s'establera, sera large de six pieds, enclos non de barieres, ains d'ais, des deux costez avançans de la mangeoire en arriere vers la queue des chevaux, cinc pieds ou moins: le planchier & lieu où se posent les quatre pieds des chevaux, soit faict sās riote aucune, mais devant plus haut qu'en arriere, afin que l'eau s'escoule plus facilement, le pavé de ces estables jumentines, sera de bricques, mises en long, non de travers; & ce pour la mesme raison, de valant peu à peu vers le deriere des juments, afin qu'elles y foyent plus à leur aise, & mieux reposās qu'és estables des autres chevaux, qui montent fort & subitemēt: ceste place de chasque jument, sera longue de neuf pieds, au bout desquels sera un ruisseau ou conduit, la largeur d'une bricque, profonde de

deux ou trois poulces ou doigts, les bords de ce ruisseau, eslevez pareillement de brique, ayans cours vers levant ou vers le ponant, comme mieux viendra à propos, bien souvent esclavées d'eau; telles doivent estre les places des juments, de deux costez de l'estable. Le milieu & l'entredoux des ruisseaux mentionnez de cest estable, sera fait assez large, afin qu'elle en soit plus belle, plus saine & spatieuse, & que les poulains soyent plus au large, durant qu'ils sont au lait & avec les meres: ce milieu pour le mieux, sera pavé de pierres vives de campagne, des moindres & rondes, & que ce pavé soit au milieu un peu bossu, de valant vers les ruisseaux à deux costez, afin qu'il soit plus sec.

Entre chascun jument, & entre la mangeoire & le rastelier dans la muraille, se doit faire une fenestre large d'un pied, & haute de pied & demy, qui pour n'intimider les juments, s'ouvre & ferme en dehors l'estable, pour leur donner air competent. Paladius dit. *Stabula equorum vel boum meridiana quidam plagas respiciunt, non tamen egent septentrionis luminibus, qua per hyemem nihil nocent, per astatem patefacta refrigerent.* Il suffit que cest estable soit haute de terre au planchier, douze pieds, afin qu'elle soit chaude d'hiver, ce qui ne peut nuire d'esté; car alors les juments sont aux herbes.

Le

Le planchier au deſeur de ceſt eſtable, doit eſtre fort, & d'ais bien ferrez, afin que la pouſſiere & ſe-
mence du foin, ne tombe ſur les chevaux, & que la
fumée de la fiente & de l'urine, ne vienne à perſer
juſques au foin, le gaſtant.

La muraille environnant ceſt eſtable, ſera plus
haute que ce planchier ſix à ſept pieds, laquelle
doit à ſon haut eſtre derechief aſſeurée avec des
traives; ce qui donnera commodité que les valets
paſſeront librement ſur ledit planchier, pour don-
ner le foin és raſteliers, au deſſus deſquels ny aura
ais ny planchier: par laquelle commodité, un bien
petit garſon peut donner en une demie heure de
temps, la proviſion de foin pour vingt quatre heu-
res, à une bien grande eſtable de juments: Car
Vegetius dit. *Nam ſunt animalia ad edendum avi-
diſſima, quæ cum celeriter propria devoraverunt,
partem conſortis invadunt: alia verò naturali ſaſti-
dio tardius comedunt, & niſi ſeparatim acceperint
vicinis rapiantibus macreſcunt.*

Dens ceſte muraille au deſſus de ce planchier,
& au deſſous du toiçt, doit on faire des pertuis,
longs, peu larges, de long & en circuit d'un coſté &
d'autre de ceſte muraille pour donner jour, & pour
evaporer le foin, qu'il ne ſe gaſte y eſtant mis mal
ſec: Au deſeur dudit planchier, & le raſtelier à
mettre foin, l'on doit tenir libre un paſſage de cinq

pieds de large, par quelques perches & bois contre le toict attachez, & ce pour passer celuy qui journallemēt mettra le foin auxdits rasteliers: Au dessus de l'huis principal de cest estable, doit l'on faire la fenestre grande & large, pour y passer tout le foin & fourage de la provision pour l'hiver, & le mettre encontre les perches & bois susmētionnez du passage. Le toict de cest estable ne sera trop haut eslevé; il suffit que la pluie & l'eau en descoulent vistement. Quant à l'estable des poulains dernièrement sevrez & distraicts de la mere, dās laquelle ils seront tenus jusques aux premieres herbes, & qu'ils auront accompli un an d'aage: Les huis, fenestres, mangeoires & rasteliers à foin, seront accommodez comme lesdittes estables jumentines, fors que les mängeoires & rasteliers seront mis plus bas, de façon que ces petits poulains y puissent avenir facilement, de l'un comme de l'autre costé; mais il n'y faut nuls entredeux d'ais, ains que toute l'estable soit libre & ouverte en dedans; car leur jeunesse & petit aage ne mord, ny rue, ny se bat point; ils se jouent tant seulement, & ne les faut attacher de liecol, afin qu'ils se puissent proumener, dont ils parcroissent mieux: partant ceste estable sera assez grande & large, non pas si chaude comme celle des juments, car le froid leur faict plus de bien que le suer: il suffit que l'on les contregarde

d'un

d'un froid excessif & des grands vents, dont la rogne les prent, & en font gastez: l'on ne doit tenir cest estable chaude ny froide; car comme dessus à esté dit, il ne faut qu'ils suent à l'estable; laquelle encor sera pavée de petites pierres de campagne, nullement poinctues, & le milieu le plus bas avec la riole, pour mener hors l'aquosité de l'un costé, ou de l'autre, selon la commodité.

Ayant ces poulains sur l'esté, fait l'aage d'un an, l'on les remet avec les meres aux herbes, d'où quāt ils sortent, ils ont an & demy; alors l'on les met sur un estable particuliere, & nullement avec les poulains plus jeunes, qui sont de six à sept mois; car ceux cy sont mis en l'estable dernièrement mentionnée. Tellement que l'estable de ces poulains d'an & demy, sera plus grande que la susdicte, s'estans ja faiçts plus forts & plus grands, de la reste, ceste estable sera faiçte comme la mentionnée, fors que la mangeoire & le rastelier au foin, seront mis plus haut, comme ils sont plus grands que les poulains de six mois: La raison de les separer & mettre en estables particulieres, est que ceux de dix-huiçt mois se veulēt jouer à ceux de six mois, qu'ils montent & mettent bas sans repos, tellement que les plus jeunes ne peuvent parcroistre. Et ayans derechief passé l'hiver, ils font l'aage de deux ans; alors il convient les separer selon leur sexe,

mettant les femelles en l'estable des jumets, quant elles viendront des herbes; car apres les deux ans, elles admettent l'estallon: de mesme le poulain ronfin de deux ans & de dixhuiet mois, desire failir juments. Quant ces poulains ronfins d'aage de deux ans, sont mis aux herbes long des juments, finissant l'esté, ils sont aagez de deux ans & demy, alors leur estable sera comme celle des grands chevaux, tant seulement que l'on leur donne le foin aux rasteliers, pour la commodité de ceux qui les pensent; car alors l'on les commencera à estriller, comme nous dirons cy apres: nous avons dict que le pavement des estables doit estre faiet de briques & de pierres; mais qui en a la commodité, peut faire le pavement d'arbres bien droicts, jointement mis, mais en dessous cavé, & long de la terre d'un pied, afin que toute l'humidité passe entre deux les arbres, & entre en la terre, par où les pieds des chevaux seront plus à sec, & la fiente deviendra seiche, qui servira de litiere en lieu de paille, ce que en quelques lieux d'Espagne se practique: l'estable tellement secque, est fort propre & saine aux chevaux. *Columella. Curaq; fuerit, si stabulentur loco sicco, ne humore madescant ungula; quod facile evitabimus, si aut stabula roboreis axibus constrata, aut diligenter subinde emundata fuerit humus.* Le bois de chesne y est fort convenable,

ne se pourrissant si tost, & estant le plus propre aux cornes du pied cavalin, qu'il fortifie. *Vegetius. Nam hoc genus ligni equorum ungulas, ad saxorum instar obdurat.* Qui n'a la commodité de faire planchier tel, & le renouveler souvent, s'en peut passer faisant chaufsiées de briques & d'autre pierre de montagne, qui est la plus propre pour les poulains jeunes, la raison en dit *Volateranus ex Xenophonte. Pavimenta stabuli mollia seu lenia generosis officiant unguis: sint igitur lapidibus strata inter se unguularum magnitudine ex asperitate conjuncta: Ita namque à vitijs equorum pedes isti quid illis adhaeserit, prohibentur.* De faire le pavé de planches ou d'ais, n'est propre, comme ils se font moites par les pieds des chevaux qui glissent, & tombent, dont leur arrive beaucoup de maux: Voila quant aux estables des juments & des poulains.

L'estable des chevaux ja faicts & d'aage competēt, doit estre faicte propre pour la santé d'iceux, l'esté fraiz, & l'hiver chaud, & puis sec, nullement humide, ayant un air passagier: & s'elle n'est bien ayëreuse, elle sera par consequent estouffement humide, ce qui interesse fort la santé & la veüe des chevaux, & puis doit estre fort clere; car les chevaux n'estans accoustumez à la clarté, sortans de l'estable, semblēt ombrageux, & le deviennent effectivement estans logez en tenebres, qui est un

vice

vice bien grand en un cheval : Et puis elle sera haute pour le moins de douze pieds, & plus est elle haute, & plus elle sera belle & saine pour les chevaux, si l'air y peut donner & traverser de deux costez, elle sera assez haute de douze pieds : Il n'est nullement bon de la terrasser, cimenter ou vouter de pierre par le haut, causant cela humidité, principalement l'hiver : le meilleur est qu'elle soit par haut ferrée avec des ais ou planches tellement jointes, que nulle poussiere ny passe : si elle pouvoit estre entierement basty de bois, elle en seroit plus saine, car le bois n'attire les vapeurs ny les humiditez comme font les pierres. Elle sera pareillement posée contre les quatre vents principaux, comme à esté dict de l'estable des juments : & ne sera faicte au dedans de quelque maison, ains esloignée de la, & de toute volaille, mais pour ceux qui se tiennent és villes ou aux montagnes, ou bien qui ont des estables ja faictes, qui pour les abbatre & faire des nouvelles, seroyent de trop grád fraiz, ils s'accommoderont selon le port du lieu ou ils se trouveront.

Quant au lieu ou chasque cheval sera placé & mis en l'estable mentionnée, il sera pour le moins cinc pieds de large, & sept pieds de long, à compter de la mangeoire en arriere, le devant de ce lieu doit estre tant seulement huit doigts plus haut
que

que le derriere, sur une chauffie telle, sont les chevaux plus à leur aise, couchez & en pied, car si le lieu est plus haut sur le devant, ils en font bien plus belle mōstre, mais il leur foule & offense les nerfs trop tendus des jambes: chasque lieu ou place de cheval, sera des deux costez clos & separé avec des ais forts, afin qu'ils ne se puissent entretoucher, ny de la dent ny du pied, ceste separation d'ais ne viendra plus avant que la longueur du cheval, estant posé devant la mangeoire, laquelle sera ny haute ny basse, l'une & l'autre extremité est nuisible aux chevaux, par la hauteur, ils se font pe-fans de poictrine, & par la basseur, les genoux leur viennent en bouc, en fin pour l'ordinaire, le plus haut du bord de la mangeoire, sera quatre pieds de terre, ouverte & large un pied & demy, & profonde, un pied & un quart; elle sera ainsi propre pour tous chevaux, & comme elle est un peu profonde, elle cause & efforce les chevaux à mettre les encollures en arc pour manger, par où ils se mettent mieux à la bride, apprenans à s'engourmer.

Il ne convient point d'avoir en cest estable un rasselier, cōme és autres des jumets & des poulains; ains que le foin & la paille à manger, soit mis à ces chevaux d'esquirie dans la mangeoire, ou deffous icelle, les raisons en seront alleguez cy apres:

le bord de la mangeoire ne sera couvert ny armé d'aucun fer ny d'aucun metal, pour le conserver d'estre rongé des chevaux; car ils en apprennent à lescher l'enrouilleure, qui provient mesme de la langue & respiration des chevaux, & peu à peu apprennent à tirer & regorger l'avoine, ce que l'un apprend tost de l'autre, chose mal gratuite pour un cheval d'esquirie. Long de cest estable doit l'on reculer les porcs, le bruiet & cry, & puis la fiente d'iceux: de mesme toute sorte de volaille, afin que la plume ny la fiente d'iceux ne parviene au fourage. Avec ce je conclus quant aux estables, qui aura le moyen d'ensuivre mon advis & reigle, il s'en trouvera bien, & il suppléra ainsi de beaucoup à la nonchalance, negligence & poltronerie de ceux qui pensent les chevaux, & puis profitera à la santé d'iceux.

*Quel sera l'estallon, & comment l'on le doit
maintenir par tout l'an.*

C H A P. XVIII.

IL ne suffit avoir le paylage & les herbes requises & bien bonnes, les estables fort proprement basties pour l'education cavalline; mais il convient avoir aussi race bonne de chevaux, car fortes crea-

*tur fortibus, nec imbellem generant aquila colum-
bam.* Nous voyons que le naturel faiçt beaucoup
en toutes choses, és fruiçts, és arbres, & herbes
comme és animaux: Le veneur veut des chiens de
bonne race, forts de jambes, ayans bon air, & allai-
gres en campagne. L'on faiçt election de vaches
en laiçt plus abondantes, de moutons à la laine plus
fine. De combien plus curieusement ceux qui pre-
tendent dresser un haras de chevaux nobles, ils
doivent chercher la meilleure race qui soit recou-
vrable, pour en tirer des chevaux pareillement
nobles & beaux, trespropres à la guerre, afin qu'ils
se recompensent du travail, soin & grands fraiz
qu'ils mettront à ceste education.

Le cheval de guerre doit avoir beaucoup de
bonnes parties, tant au corps qu'au courage; car s'il
n'est accompli de corps comme de courage, son
maistre en urgente necessité s'en trouvera mal.

Cest estallon doncques, dont l'on desire tirer ce-
ste race, doit estre large & amassé, de corps de
moyenne taille, & s'il y a excez, tenant plustost de
la grande que de la petite: monstrant l'experience
que les trop grands sont tardifs, pesants & melan-
colicques, ne continuans au travail, rarement bien
courants, & ne sont gentils, & si le cavalier par ne-
cessité en est demonté, comme il arrive en guerre,
mal-aisement y peut il remonter seul. Le petit y

est encor moins propre, il ne peut porter le faix des armes, passer l'eau haute, ny les mauvais chemins; & puis demeure facilement atterré d'une foule, d'une bouttade, ou deslogement d'une troupe de chevaux. Le cheval d'Alexandre, & celuy de Iulius Cesar tant renommez, estoient de ceste taille moyennement grande.

Quant au courage, il doit estre hardy, allaigre, ne respectant ny feu ny eau, vallées ny montagnes, ny mesme l'artillerie aussi peu que l'esclat des armes, ny chose autre quelconque, dont l'on se doit asseurer devant que le mettre au haras; car il arrive qu'a un cheval entierement beau de corps & de poil, & de marques requises, bien dressé, viendra innopinement en une bataille, à descouvrir son vice fantasque, & causera la mort de son maistre: Sur tout, il faut qu'il ne soit aucunement retif, revesche ny traistre, ains bonasse & traictable en tout, au y de l'homme, qu'il ne rue ny morde, dont il pourroit user en guerre contre l'amy, & plus proche voisin à luy, il ne doit estre grand criart, chose mal propre aux embuscades & surprinses: il ne doit estre pareillement fort fougueux; cela donne empeschement au cavalier de se bien servir de ses armes, ains se conformer aux actions & intentions de son maistre.

Personne ne trouvera estrange, que je desire

tant

tant de perfections au cheval estallon, & bien qu'il en eut d'avantage, les poulains qui en viendront peuvent degenerer, & simboliser avec les juments leurs meres, qui n'ont faict espreuve de leur perfection quant l'on les achapte, comme le peut avoir faict un cheval de guerre, que l'on doit tousjours preferer à un plus beau, non cognu ny experimenté. Tel doit doncques estre l'estallon, pour en avoir & tirer chevaux de guerre, d'ot ne convient doubter que les poulains luy ressembleront, & qui le peut rencontrer tel, à faict le premier & plus grand coup pour establir son haras; mais qu'il advise encor qu'il n'aye le membre blanc, ou tasché de beaucoup de blanc, ains entierement noir si possible est, de mesme les genitoires du tout noires, de quel poil que le cheval soit: l'on trouve par experience, que le membre blanc des chevaux est mal propre à generation, & ceux qui ont tasche blanche & grande audit membre, engendrent des chevaux avec beaucoup de blanc à la teste.

Quant au poil, ores que les poulains ne ressembtent tousjours de robbe à leurs geniteurs, mon advis est de prendre l'estallon comme les juments, d'un poil chastain plaisant, avec ses extremitez bien noires, & peu de blanc à la teste, de ce poil esgal & pareil, ne viendront tant de poulains de poil meslé, laid &

fantasque, comme si l'estallon & les jumets estoient de poil divers: Et de vray le cheval pie, n'est tenu bon pour engendrer. L'on ne doit regarder à nul argent, pour avoir estallon tel que dict est; car le coust revient au double, & puis vostre haras en prend reputation sur les autres.

Il importe beaucoup que les juments soyent de race bonne & noble, mais plus encor que l'estallon soit excellent; car comme les naturalistes disent, le mâle en fait de generation, est le principal motif, outre ce, les vrayes & bonnes juments rapportent tousjours les poulains à la ressemblance des estallons, dont nous dirons cy apres: de ma part, j'ay trouvé par experience, que d'une jument de peu d'estime, est venu un fort bon & beau poulain à la ressemblance du pere, qui estoit tel; mais de l'estallon laid & difforme, pour belles que les juments soyent, ne vient rien de bon ny de beau. Il est notoire que ceux qui achaptent une vieille beste, avec un œil ou point du tout, ayant les jambes plaines de maux, ne servant plus à rien, pour la mettre à saillir les juments, s'abusent grandement: nous pouvons considerer la difference qu'il y a entre la race noble & ignoble, entant que nous voyons que toutes les juments en France, Italie & Espagne, que l'on fait saillir par les asnes, pour en avoir des mulets, apres qu'elles auront produit un seul mu-
let,

let, elles ne feront par après un seul beau ou bon cheval, pour genereux que l'estallon puisse estre, mais leurs poulains chevaux auront tousjours quelque ressemblance, soit au corps, soit au courage du mulet, qu'avant coup elle aura produit, ou bien de l'asne qui premier l'a faillie; arrivant que les poulains soyent aucunement beaux, ils auront le sens de l'asne, estans poltrons ou retifs; & puis ils sont à recognoistre entre tous autres, ayans ou les oreilles longues, ou l'encollure petite, estans peu larges deriere & devant, avec les pieds hauts comme les asnes, dont la semence avoit desja donné quelque modelle aux organes de ces juments, que la semence des chevaux apres ne peut corriger du tout. Nous trouvons par experiēce, que les jeunes poulains gras & bien nourris, à huit mois desirent faillir juments, bien qu'ils ne sont nullement suffisans pour engendrer: l'on a veu des chevaux qui à vingt & trente ans de leur aage, ont failly des juments, comme nous avons dict au chapitre sixiesme du cheval Opuntius: les vieux chevaux y sont aussi peu propres que les trop jeunes: ceux cy ont la semence imparfaicte; ceux la par trop froide. Or comme selon les Physiciens, la semence ne provient d'une ou de deux parties du corps tant seulement, ains de toutes par ensemble; il est necessaire que le corps qui doit engendrer chose parfaite,

faicte, doit avoir en soy la perfection & force accomplie, laquelle commence à se trouver es chevaux, quant ils sont parcreus & formez en taille & façon de corps plus accomplie, qui se faict à leur aage de quatre ans & demy, & à cinc ans, lors qu'ils ont changé toutes leurs dents.

Le cheval de quatre ans & demy, ne croist plus en hauteur, mais des alors il se vient à former, & se faire large & beau, jusques à l'aage de sept ans complets. Je desire que mon estallon aye an & demy plus d'aage, qui est six ans, aage de perfection; cecy suffit quant à mon opinion. L'estallon ne doit avoir des maladies, ny defectes interieurs ny exterieurs; car les mesmes maux viennent aux poulains d'eux engendrez, comme maux hereditaires aux hommes, à sçavoir la lepre, la gravelle, la podagre, mal des yeux & autre, le mesme arrive aux chevaux. L'on ne peut donner regle assuree, combien d'ans l'on doit continuer un cheval pour estallonner: aucuns tiennent jusques à l'aage de dix ans, autres jusques à quinze & vingt, & selon

Lib. 6.
cap. 22.

Aristo. de natura animali. Omnibus temporibus inquit, nec cessat quàm diu vivit. Comme ces bons chevaux sont mal recouvrables, qui a pour estallon un bon cheval Persien, Barbe ou d'Espagne, qu'il en face estime & grand estat, & qu'il s'en serve à cest effect, tant qu'il en puisse recouvrer de meilleur.

meilleur. Le saillir juments est moins interessable aux uns qu'aux autres, selon la diversité de leur complexion, & le pays de leur naissance: le bon estallon ne doit de legier estre changé, bien qu'il soit de grand aâge: Ils s'abusent bien qui sont d'opinion que l'on doit tous les ans changer d'estallon, & en prendre un jeune & nouveau du haras; car je me rapporte à ce qui est dict de la vie longue des chevaux: la vraye regle de cecy est que chascun observe, si son estallon saillit allaigrement & legierement, & puis s'il y monstre de la fougue, & aussi si les juments retiennēt de luy facilement, & se font plaines d'un saut ou de deux; en tel cas, l'on ne doit aucunement rejeter un tel estallon pour vieil qu'il soit: le ne puis nier que ces vieux estallons ne soyent moins agreables, pour estre pesants, tristes & melancolicques, ayans la teste longue, yeux enfonchez, & autres choses mal seantes: mais à faute de jeunes, j'ay eu d'un vieil estallon, plusieurs beaux & bons poulains. Aristo. dict au chapitre mentionné. *Seniores equi profectò foecundiores sunt tam foemina quam mares*. Si l'on pouvoit chaque fois recouvrer de ces chevaux nobles, & bien jeunes, je serois d'avis de les prendre à l'aâge de sept ou huit ans, & non plus vieux, lesquels on pourroit continuer encor autant d'ans, pour alors en choisir un autre du mesme haras, de pareil aâge:

Y

mais

mais en ces pays, nous n'avons ny chois ny moyen de recouvrer de tels chevaux nobles des pays Orientaux, & puis ceux de noz pays n'ont la force, & ne font ce grand aage, pour continuer l'estallonner autant d'années. J'ay trouvé par experience, que les juments admettent plus tost d'estre saillies d'un cheval & estallon cogneu, que non point d'un nouveau & incogneu, & en conçoivent plustost que de l'autre: vray est qu'il se faut aussi garder d'estallons fort viels, qui font les juments steriles, lesquelles allans trois ans sans concevoir, les veines à laiçt de leur pis, se serrent & seichent. Il importe beaucoup de tenir & traicter l'estallon par tout l'année, tellement & si bien, qu'il soit chasque an suffisant & capable de continuer le saillir juments.

L'estallon sera pensé de mesme façon que le cheval ja faiçt, dont nous traicterons plus amplement au chapitre vingtdeuxiesme, fors qu'il doit avoir plus abbondamment à manger, & du grain moulu avant que commencer à saillir, & toutefois point tant qu'il s'en face trop gras, dont la semence seroit fluide & moins bonne, dans l'eau qu'il boit, l'on y doit mettre de la farine blanche, la remuant tellement, qu'elle se face comme laiçt, gardant qu'elle ne soit froide, deux mois de long, l'un devant qu'il commence, l'autre apres qu'il aura achevé de

vé de saillir, & durant ses saillies, convient luy donner à manger tant qu'il voudra, & s'il ne mange bien, ce que d'ordinaire luy arrive, que la bouche & langue luy soit bien lavée de vinaigre & de sel, arroufant son avoine d'eau fallée, faisant tous devoirs afin qu'il mange bien: Il sera propre de luy mettre en son avoine, des febves mouluës, & pois ou ciseres; & puis pour le rafreschir devāt & apres qu'il aura sailly, que l'on luy donne à manger des trefles verdes. Il ne le faut laisser endormir sur l'estable, mais l'on le doit tous les jours, ou bien de jour à autre, proumener une heure ou deux, moyennant la saison belle & clere, en un lieu plaisant & verd, pres des eaües courantes, dequoy il s'alai-grit, & l'appetit luy en vient; d'hiver il ne sortira de l'estable que sur le midy, au plus chaud du jour, pas à pas & à son aise, car le grand exercice luy est contraire, tellement que l'on prenne soing qu'il ne se travaille aucunement, sans le mettre à journées, ains le respecter au possible.

La saison de saillir les juments estant passée, il le faut tenir long d'icelles, afin qu'il n'y son-ge, ce qui l'interesseroit fort, car il laisseroit le manger, & viendroit du tout à se perdre, & lors l'on luy doit oindre le membre de huile d'o-live, pour luy oster l'inclination de plus saillir; ou bien si l'on luy jette de l'eau froide contre les

genitoires, au plus chaud du jour, il fera le mesme effect.

Aucuns ont opinion que l'on ne doit tirer sang des estallons, comme en ayans bien affaire; mais d'autant que ces chevaux, avant que l'on les fit estallons, estoient accoustumez à estre saignez une ou plusieurs fois l'année, à certaine saison d'esté ou d'hiver, & qu'ils viennent par cest exercice à s'eschauffer, autant & plus que devant, il est requis que l'on leur tire du sang une fois ou deux l'an, pour les contregarder de tout inconvenient, & aussi pour les rafreschir, & principalement quant ils mangent l'herbe, pour estre desja faicts & accoustumez à la saignée, laquelle ne continuant, ils se font malades de divers accidents, causez par l'abondance & chaleur du sang, & sur tout, ceux qui viennent de pays chaud: Ceste saignée ne se doit faire avant la saison qu'il commence à saillir juments, mais apres icelle, comme au mois d'Octobre; lors le temps de ce devoir est esoulé, lequel il ne repetera qu'à l'an prochain: Ce tirer sang ne luy peut aucunement diminuer les forces, dont l'experience en faict foy, avec ceste advertence toutefois, qu'il ne luy en faut tirer tant qu'à un autre cheval, ne soit qu'il en fut trop abondant, ou bien plain de sang mauvais, ayant tousjours es-

gard

gard à sa constitution & complexion, le tirant seulement de la veine du col, & de nul autre. Et faiet à noter, qu'un estallon apres avoir failly quelques ans ces juments, si l'on l'en discontinue un an ou deux, il deviendra d'ordinaire aveugle: pour le preserver de ce mal, il est requis luy entier à la premiere nouvelle saison ensuivante, du sang de la veine du col, de celle du ventre, & puis du nez, l'un apres l'autre, tousjours en decours de la Lune. Je trouve pareillement chose propre, que durant l'esté, l'on mene bien souvent l'estallon à l'eau jusques aux genoux, & point plus profond, car il luy seroit mauvais comme à tous autres chevaux, pour les raisons fondées que j'obmets icy. Ce me semble chose superflue d'engraisser, baigner & unguenter, selon quelques vieux autheurs, les chevaux qui saillent les juments; il suffira de prendre garde à ce que j'ay dict, de ne leur bailler trop de besoigne, & avec quel ordre les convient nourrir.

Y 3 *Quelles*

*Quelles doivent estre les juments, & comment l'on
les doit entretenir toute l'année.*

CHAP. XIX.

IL ne suffit avoir de la semence bonne, si vous n'avez le terroir pareillement bon, estant l'un & l'autre necessaire pour en tirer un fruit parfait; car autrement, s'il y a du manquement en l'un des deux, vous en tirerez bien du fruit, mais point si bon, que si tous deux eussent leur degré & perfection. Le mesme est des juments, si vous en laissez saillir une petite & meschante d'un bon cheval, vous en aurez bien un cheval, & meilleur & plus beau que la mere, & que si elle avoit esté saillie d'un rossin esgal à elle, mais point si beau que s'il venoit d'une jument belle, bonne & grande, & telle que ledict estallon: Si l'on voit que de pere & de mere qui sont beaux, viennent des enfans bien laids; quels enfans peut l'on attendre de parens laids & difformes: Qui veut avoir un haras autant beau que bon, il est requis qu'il soit curieux à la recherche des juments, aussi bien que de l'estallon, pour ne manquer à son dessein, d'en tirer des chevaux beaux & nobles.

La belle & bonne jument doit avoir les mesmes
bonnes

bonnes qualitez en soy, que le cheval propre à estallonner, tant en poil, taille, marques que grandeur, pour en tirer chevaux de guerre d'une taille propre, s'ils viennent plus ou moins grands l'un que l'autre, d'un doigt ou deux, tousjours seront ils chevaux de taille, duifans aussi bien pour le plaisir des Princes, que pour la guerre. Quant à la beauté que l'on y desire, j'ay suffisamment traicté au chapitre seiziesme des marques blanches & autres des chevaux, car ce qui est bel & bon en un ronfin, l'est de mesme en la jument; comme la teste petite & seiche, les petites oreilles, grands yeux, narines grandes & ouvertes, la croupe bien large avec la raye, un dos en profil ou peu vulté, les fesses charneuses, rondes, le poil d'entre les oreilles long, le crin & la queue de poil plain & long, les jambes fortes, mais maigres & seiches, pleines de nerfs, bas de jointures, les pieds & cornes rondes, hautes & caves: toutes ces perfections & beaucoup d'autres, doit avoir la jument aussi bien que le cheval, & d'avantage, outre les susdictes perfections, le dos ample & large, les flancs longs & forts, le ventre & ce que nature couvre de la queue avec les tettasches, pareillement grandes: vrais indices que telle jument est capable de porter & faire des poulains grands & accomplis, & qu'elle aura laiët en abondance pour les nourrir.

Quant

Quant à la bonté des juments, elle consiste comme és estallons, au courage, que l'on ne peut d'ordinaire descouvrir en elles, comme l'on fait és ronsins; car l'on ne s'en sert à la selle: & quant l'on s'en voudroit servir, il ne les faudroit faire monter de l'estallon, car pour un poulain qu'elles auront fait, elles demeurent foibles des rains & du dos; les veines à lait, & le pis leur deviennent grosses, ce qui les retient de bien courre, tellement qu'après la portée du poulain, elles ne sont propres à la guerre: & si l'on les serre deriere (selon la pratique) d'anelets, afin qu'elles ne soyent saillies, & que l'on s'en serve en guerre & autrement quelques ans, telles juments deviennent steriles, & si elles font un poulain, elles le nourrissent difficilement à faute de lait, pour cause que par l'aage & le travail fait, les veines à lait sont retirées & de-seichées.

L'on ne se peut appercevoir du courage noble de la jument, que par la renommée qu'elle vient d'un haras noble & bon; partant l'on les doit chercher & prendre d'un haras tel, duquel les estallons ont esté nobles, comme chevaux d'Espagne, de Perse, d'Arabie, de Barbarie, & semblables chevaux de guerre, ou de quelque autre haras cogneu, ayant renommée que beaucoup de bons chevaux en sont sortis: Les juments qui en viendront, ne
 manqueront

manqueront d'estre participantes de ceste race noble: & qui ne peut rencontrer ny avoir des juments telles, il sera requis, qu'en trouvant des autres belles, qu'il recherche si elles ont faiët des beaux & bõs poulains, & en tel cas il ne les faut laisser, bien qu'elles ayent quelque aâge, & par ainsi l'on fera peu à peu son haras de chevaux beaux & bons, principalement si l'on a un estallon tel que nous avons deduiët à la longue; en fin tous ceux qui en viendront, seront chevaux nobles: Mais il faut du temps beaucoup, pour amasser un tel haras: car qui presumeroit en faire un, en achaptant de ça & de là des juments, comme il les rencontre avant un an ou deux, il recognoistra sa faute. Les pierres Orientales & pretieuses, ont un pris d'estime, non pas un haras de chevaux nobles, de qui estant l'estallon & les jumets nobles, l'haras est de valeur inestimable, mais il y faut mettre beaucoup de temps, de frais & de travail, & puis en vendre ou esloigner les chevaux moindres, & de moindre apparence, y retenant les meilleurs: tellement que pour argent, l'on ne trouve à acheter, que ce qu'un autre rejette; neantmoins celuy qui commence à dresser un haras, doit estimer ceux cy, encore que rejettez, puis qu'ils viennent d'un haras de reputation; & doit tant amasser, qu'à la fin, il aye quelque chose de bon, pour

pareillement à la longue revendre ce qui sera de moindre valeur. Preadvisant celuy qui ne peut rencontrer le refus mentionné d'un haras ja faict, & de bonne renommée, estant contrainct commencer un haras de chevaux, avec des juments non cognues, n'y nobles de reputation, qu'il les prenne de l'aage de deux ou trois ans, qui avant coup n'ayent porté aucun poulain, afin que leur premiere & derniere portée, de plus & mieux ressemble à l'estallon noble, & de beauté requise, & ce pour les raisons mentionnées; des juments portemulets, voicy quant au courage.

La jument sera par tout le corps saine, sans estre interessée aux poulmons, au foye, ny aux parties interieures: car estant bien saine, elle concevera plustost, & le poulain parviendra mieux, estant encor au ventre de sa mere; elle sera plus abondante en laict, le manger & le boire luy fera plus de bien, & estre tousjours en bon poinct; elle endurera bien le travail, & le manquement de nourriture ne luy nuira, arrivant qu'elle en aye faite, tout le contraire sera de la jument qui aura quelque mal interieur, car les poulains qui viendront d'elle, seront entachez & participans de son mal.

L'on escrit de l'Empereur Auguste, que luy estant faict present d'un fort beau poulain, estimé de tout le monde pour sa beauté, qu'il auroit remar-

qué

qué à quelque signe extérieur, que ce poulain estoit venu d'une jument defectueuse en dedás le corps, & predict que l'on ne devoit rien attendre de ce poulain, comme aussi il ne parvint à perfection aucune.

Il convient considerer si une jument est abondante en laiçt, qui est des poinçts principaux; car il advient bien que la jument est noble & bien belle, mais elle met toute la nourriture à son corps particulierement, & rien ne se convertit en laiçt: tellement qu'elle ne peut eslever poulains qui valent, & s'ils demeurent en vie, ils sont petits & debiles: Il ne faut esperer que telles juments fassent mieux avec l'aage, avec lequel elles font tousjours moins de laiçt; il les convient revendre, & les esloigner de vostre haras.

L'on doit faire estat & estime des juments qui apportent des poulains à la ressemblance de l'estallon: une jument en Pharsalia, fut nommée Iusta, pour cause qu'elle ne faisoit faute à porter des poulains, ressemblans l'estallon dont elle estoit faillie ordinairement; l'on jugeoit d'elle, qu'elle n'eust admis autre estallon: Ce que Aristote décrit *de nat. anima. cap. 6. & Caelius*. C'est un grand avantage avoir des juments qui ainsi apportent des poulains à la ressemblance de l'estallon; car l'on a plustost recouvert un estallon beau & noble, qu'une quan-

tité de juments nobles & belles. Qui peut recou-
vrer nombre de juments qui ont ceste propriété,
aura bien tost fait race de chevaux d'Espagne, ay-
ant l'herbe abondante, & nostre air rude & froid,
ils seront meilleurs que ceux d'Espagne.

Tous les chevaux bastards que nous voyons en
ce pays & és autres, viennent de telles juments,
ayans cela de propre, de donner poulains sembla-
bles au pere: les jeunes juments venans d'estallons
d'Espagne, derechief faillies de chevaux d'Espa-
gne, ce qui en viendra, sera de plus en plus noble,
bel & bon, dont en fin vous aurez un vray noble &
bel haras, qui portera des chevaux comme ceux
dont viennent ces estallons, lequel estant ainsi esta-
bly, de la en avant pourrez prendre des estallons
de vostre propre haras.

Quant vous aurez constitué le nombre des ju-
ments que vous voulez, & scavez entretenir; il
conviendra tous les ans faire reveüe de vostre ha-
ras, & en esloigner les moins estimables, comme
les trop vieilles, celles qui sont de mauvaïse mar-
que, de mauvais poil, mal saines, les trop grandes,
les trop petites, & mettre au lieu d'icelles, des plus
jeunes de trois ans, plus belles & meilleures, ce
que si vous cõtinuez tous les ans, il ne pourra man-
quer d'estre chose bonne. Ayant ainsi fait amas
d'un nombre de bonnes & belles juments, reste de

les

les maintenir saines, que l'on n'en perde nulles, le fraiz & travail en seroit vain.

Nous dirons au chapitre suivant, quand & comment l'on les doit faire faillir; mais devant & apres, il convient les entretenir ny maigres ny grasses, estant l'un & l'autre contraire à la fecondité d'icelles: Le maistre d'estable prendra soing que chascune d'elles, principalement l'hiver, ayent le corps bien nourry, car l'une devore & mange plus que l'autre; sans toutefois les rendre grasses, ce qui importe beaucoup.

Quant les juments auront faict leur poulain, il ne les faut incontinent mettre aux herbes avec iceluy, bien que l'herbe soit venue & en abondance, ains les retenir quelques six ou huit jours sur l'estable, les nourrissant fort, afin que le poulain soit un peu fortifié, pour scavoir suivre la mere aux herbes, & endurer le froid du vent & de l'air. Selon Plin, les poulains, les trois premiers jours de leur naissance, ne scavent toucher terre de la bouche: l'on doit laisser les meres avec leurs poulains, jour & nuict aux herbes, principalement à la chaleur de l'esté, comme lors ils mangent bien peu de jour, pour les mouches qui les travaillent, tellement qu'ils mangent la nuict, il ne seroit que bon de les retirer avec leurs poulains. *sur le*

midy à leurs estables, dont l'on doit serrer les fenestres, afin qu'il ny aye jour jusques au soir, & à la fraischeur, les laisser retourner aux pastures: ces juments ne feront travail que bien peu, n'estoit que par grande abbondance de bonnes herbes, elles devinsent trop grasses, ce qui rarement advient; car elles allaitent un poulain, en ayans un autre au ventre, elles en nourrissent deux. Aristote faiët mention que les Scythes, quant ils s'apperçoivent que leurs juments ont le poulain au ventre vivât, ils ne les laissent plus à repos, mais s'en servent au travail & à la selle, se persuadans qu'estant la portée de la jument si avant, le travail ne luy pourroit plus nuire: le tiens qu'une jument portant poulain, & pourchassant son herbe en lieu montagneux, travaille assez.

Ayant les juments esté aux pasturages par tout l'esté, venant le mois de Septembre, pour les mauvais vêts, il les faut de nuict remettre aux estables, principalement quant elles sont plaines, dõt alors on se peut appercevoir; & ne les doit on laisser sortir fort matin, & point avant que la pruiue ne soit fondue & passée, dont elles doivent pareillement estre gardées à l'avant saison, car elles en avortent, & il leur en prend un mal de gorge, & pourriture aux poulmons: les femmes ayants leurs mois, ne doivent mettre main à ces juments
plaines,

plaines, ce qui leur causeroit de mesmes l'avortement.

Si la fille vierge, ayant pour la premiere fois ses mois, regarde la jument plaine portant poulain, dans l'œil, elle luy faict mourir (selon l'opinion de Plin) le fruit au ventre: de mesme faict la fumée de la chandaille estaincte; aussi si elle marche sur le pas d'un loup, le mesme mal luy arrive. Nous lisōs en Elianus, que le cheval qui s'arreste ferme sur le pas d'un loup, s'arroidit des jambes: L'herbe Gentiana, est pareillement dangereuse à telles jumets. Partant l'on doit bien contregarder les juments plaines, des choses mentionnées & semblables qui les interressent: Il y a beaucoup d'autres herbes qui leur nuisent, mais par instinct de nature, elles s'en sçavent garder.

Or quant le temps & saison sera venu que l'on sevre & separe les poulains de leurs meres, & que l'on les remet du tout à l'estable pour le froid, il convient porter soing qu'elles ne soyent tenues ny trop maigres, ny trop grasses: car Varro dict pareillement, *Pregnantem neq̄, impleve cibo, neq̄, esurie oportet*: dont depend beaucoup: Celuy qui les pense doit observer, laquelle de ces juments mange peu, & laquelle beaucoup: à celle qui s'engraisse, il donnera moins, à celle qui est maigre, d'avantage; mais si d'esté elles s'engraissent aux herbes, il

n'y

n'y a nul mal, ce seroit mauvais indice, si aux herbes elles ne s'engraissoyent, & à craindre qu'intérieurement elles auroyent quelque mal: Il est requis qu'elles y soyent grasses pour la nourriture de deux poulains, l'un au lait, l'autre aux entrailles: & quant l'on luy aura comme dict est, osté le poulain qu'elle allaitoit, le corps tant gras, de la en avant, n'est requis en elle; car demeurant tant grasse, le poulain qu'elle a au vêtre, ne scauroit parcroistre, car c'est à icelle saison, qu'il commence à se faire grandelet: de mesme ce poulain au ventre ne peut parvenir, si l'hiver vous la tenez maigre, tant qu'en ce poinct, la mediocrité y est bien fort requise.

Il ne convient aller avec chandeilles, & lumiere semblable en l'estable, celuy qui les pense, doit remarquer le matin, laquelle d'entre elles aura entierement mangé le fourage donné le soir avât, & laquelle point; à ceste cy, il n'en donnera le matin point d'avantage, mais bien à celles qui n'auront rien de remanant, & puis les laissera sortir pour aller boire, les laissant apres une demy heure à l'air, si alors ou plustost elles n'y rentrent de leur motif, il les y faudra rechasser; car rien n'est de plus interessable aux juments portans poulain, que le froid, estant derechief attachées par le licol, l'on leur donnera quelque grain, d'avoine ou autre, y
 Y a
 meslant

meſlant paille de ſeigle, ou de foin trenché, un peu arrouſé d'eau, ce qui doit eſtre accompli avant les neuf heures du matin, que l'on les laiffera ainſi à repos; ſur les douze heures du midy, les convient autrefois laiffier ſortir de l'eſtable pour aller boire, & eſtre une heure au Soleil ſur le plus chaud de la journée, & durant ce temps, l'on remettra au raſtelier, leur portion ordinaire de foin, les remettant à l'eſtable juſques au ſoir, que l'on les en laiffera ſortir pour la troiſieſme fois pour aller boire; & revenans ſur l'eſtable, leur convient donner comme le matin, quelque grain, & remplir derechieſ le raſtelier par tout plain de foin, pour ſervir juſques au lendemain du matin, continuant ainſi journallement: quelques uns ne donnent à ces juments, nul grain à manger, mais tant ſeulement du foin, ce que je permets, ſi le foin eſt bien bon, dont chaſcun peut uſer ſelon la commodité & moyens qu'il aura de les bien nourrir: à mon advis, le grain avec de la paille de ſeigle trenchée, leur eſt neceſſaire. Et durant le temps que ces juments ſont allé boire, & à l'air trois fois le jour, il convient nettoyer les eſtables: l'on ſe pourroit paſſer de ne les laiffier ſortir de l'eſtable, que deux fois le jour, pour les courtes journées d'hiver, mais quant elles ne mangent que du foin, elles ſont inclinées à boire beaucoup; partant j'ay dict

Comment

A A qu'elles

qu'elles boivent trois fois le jour, afin aussi qu'elles ne boivent trop à la fois, chose bien dangereuse pour les poulains qu'elles ont au ventre: si elles boivent souvent, elles en mangent mieux, & il leur fait plus de bien, comme fait l'aller & venir par l'exercice: deux fois la semaine, l'on leur donnera à manger du sel, qui leur remet l'appetit, & les contregarde des vers aux entrailles & en l'estomac, le meilleur seroit de leur mettre hors de l'estable, une pierre de sel, allans & venans de l'eau, y leschant, elles purgent encor la langue: de nuict, le bon vallet d'estable y doit aller avec une lanterne, une fois ou deux, veoir si aucune jument s'est mal couchée, si elle ne se peut relever, ou bien est en d'agier d'autre inconveniēt, car la nuict est lōgue. Si aucune des juments devient malade, il la convient deplacer, & mettre en autre estable, afin de la mieux traicter, & que les autres ne prennent son mal; car il leur prend beaucoup de maladies contagieuses. Si aucunes de ces jumēts, pour avoir esté en liberté long des hommes, tout l'esté aux herbes, se sont faictes farouches & sauvages, il les convient ores sur l'estable faire domesticques, en les amadoüant, leur touchant bien souvent de la main, par la teste, corps & jambes, afin que leur arrivant quelque mal, l'on les puisse mieux penser & curer.

Comment & quand l'on doit faire saillir les juments, & de ce qui en depend.

CHAP. XX.

Tous ceux qui ont escrit du haras des chevaux, font mention que les juments admettent l'estallon, à leur aâge de deux ans, & qu'alors elles conçoivent. Ce que journallement l'on voit par experience, bien que Aristote dit que les poulains qui en viennent sont moindres, & moins forts que ceux qui viennent de juments plus vieilles, voire que ces poulains ne valent à rien: Ce que mesmes les deux premiers investigateurs de nature, Aristote & Pline nous ont laissé par escrit. Au contraire, Columelle & Paladius sont d'opinion, qu'une jument apres l'aâge de dix ans, n'y est plus propre, les autres permettent quelques ans d'avantage. De ces opinions, aucune ne me plaît; car si une jument ny valoit que dix ans, l'education cavalline seroit de travail, & fraiz insupportable, d'autant que la jument pour le moins, doit estre de l'aâge de quatre ans avant faire son poulain, pour en attendre chose bonne de la en avant, elle n'y seroit plus capable que six ans, durant lequel terme, l'on la doit laisser reposer d'un an ou deux sans la

saillir, ou bien si sa portée estoit allée à mal une fois ou deux, l'on n'en scauroit eslever nombre de chevaux, qui meritaist le travail & le fraiz.

Pour en resoudre, je diray en premier lieu, qu'une jument de deux ans ny est aucunement propre, pour estre à cest aâge peu forte, & nullement accomplie ny parcreüe, dont ne pouvez attendre chose parfaicte, comme j'ay dict des jeunes estallons, ores que quelques uns tiennent, que les faisant à si bas aâge saillir, elles en sont plus fecondes, & aussi d'attendre les cinc ans comme il se faiet au Royaume de Naples, il n'est convenable.

A mon advis, l'on doit faire monter & saillir la jeune jument à l'aâge de trois ans, pour apporter son premier poulain, quand elle faiet son aâge de quatre ans, pour les raisons suivantes.

Entre autres, pource qu'elles deviennent plus fecondes, si l'on les faiet saillir à trois ans, que non point à cinc, car plus elles sont jeunes faisant le premier poulain, & mieux s'ouvrent les ossements des rains en poulainant, dont suit que de la en avant, elles font les poulains, & plus grands, & avec plus de facilité, au contraire, la jument parcreüe de cinc ou plus d'ans, à les ossements des rains fort serrées, dont elle faiet le

premier

premier avec difficulté & force : Aristote & Pli-
nius disent , que la jument de cinc ans , est par-
creüe de forme & de façon , mais que de la jus-
ques a vingt ans , elle se faict plus grosse , com-
me de mesme le cheval à six ans , est de façon
parcreue & parfaicte : estant pareillement les vei-
nes de la jeune jument plus delicates , elle se faict
par sa portée à l'aâge de trois ou quatre ans , plus
abbondante en laict , & puis à cest aâge de trois
ans , elles estant plaines , sont à repos , & se font
plus grasses aux pastures , sans courrir & tempe-
ster apres les chevaux pour estre saillies , & les
laissant jusques a cinq ans , elles seroyent deux
estez aux herbes desirans l'estallon.

Après que les jeunes juments seront saillies,
& plaines du noble estallon mentionné, si ce qui
en viendra, soit poulain ronsin, ou bien jumen-
tine, pour le bas aâge des meres dont ils vien-
nent, est trop delicat de membres, de mauvais
poil, ou de mauvaise marque; il s'en faut deffai-
re, l'esloignant ou le vendant, principalement
les jumentines, estant minces ou delicates de
membres, & venans de meres bien jeunes de
trois ou quatre ans, afin que vostre haras n'en
vienne à degenerer.

Et ne convient rejeter une jument vieille, estant
saine, disposte & en bon poinct, ayant beaucoup de
laict,

laiet, apportant des grands & beaux poulains, tant que voirez en elle ces conditions, la faut estimer; mais aussi tost qu'elle diminue de son bon poinct, & de laiect, se faisant son poulain pareillement maigre, & puis estant trois ans subsequens sans retenir poulain des saillies de son estallon ordinaire, l'on la doit esloigner du haras, soit elle d'aage de dix ou vingt ans. Mais tant qu'elle faict des beaux & grands poulains, & les nourrit & allaictent bien, il la faut retenir, pour vieille qu'elle soit: Il y a de ceux qui estiment les poulains venus au mois d'Aoust & Septembre, vers l'hiver, lesquels toutefois ne peuvent croistre ny parvenir comme ceux qui viennent au mois d'Aprvil & de May, qui alors ont la chaleur quant ils sont plus tendres, & puis la mere mangeant l'herbe, donne plus de laiect que mangeant du foin. Les poulains d'Aoust sont pareillement fort inclins à se coucher en l'eau, ce qui leur vient à cause que leurs meres les ayant au ventre, se sont par la chaleur estivale, bien souvent couchées és eaües pour se rafraeschir, il semble pareillement que ces juments faisans leur poulain si tard sur l'esté, soyent de petite complexion, & de peu de forces, de les porter si longuement. Partant, quant l'on s'apperçoit qu'une jument porte plus longuement que les onze mois, & telle fois douze mois, il la faut faire saillir plus tēpre ou plus tard,

selon

selon le lieu & la Province, afin qu'elle face son poulain, lors que les herbes commencent à estre bonnes, & puis elle en aura plus grande abondance de laiçt, tellement que la vraye saison de faire saillir les juments en ce pays, est au mois d'Aprvil, & commencement de May; car selon Columella: *Admissura in vulgaribus equis certa tempora non servantur: generosis circa vernum æquinodtium mares junguntur, & eodem tempore quo conceperint jam letis & herbidis campis post anni messem parvo cum labore foetum educunt.* Il y a aussi plusieurs raisons, pour lesquelles il est meilleur de les laisser saillir en la nouvelle, qu'en l'arriere saison, entre autres, que le jeune poulain du mois de May, quelque temps apres sa naissance, commence joint sa mere à manger herbe, dont comme du laiçt d'elle, il se nourrit doublement, mais celuy qui vient sur la fin de l'année, ne desire le foin, comme cestuy cy faiçt l'herbe: & puis le poulain de l'avant saison, est en Aoust assez fort & parvenu, que l'on le peut sevrer & esloigner de la mere, laquelle à temps de six à sept mois par tout l'hiver, pour se nourrir, & prendre force à nourrir celuy qu'elle à au ventre, car elle ne seroit bastante d'en nourrir deux par l'hiver, sans dangier de gaster l'un & l'autre: Il est asseuré que la jument saillie sur la nouvelle saison, lors qu'il y a des herbes nouvelles, conçoit & retient

retient plustost, par ou l'on conserve l'estallon, car en ceste saison, plus fait une saillie d'iceluy, que deux en autre saison de l'an. Plusieurs sont d'opinion que les juments nobles, dont l'on doit esperer chose bonne, ne doivent apporter poulain que d'an à autre; & que leur poulain les suive, & se nourrisse de leur lait un an de long: Ce que j'advoüe, moyennant que l'on aye telle quantité de juments, que l'on n'en fasse compte si quelques unes se perdent, & que l'on puisse restablir le nombre diminué d'un deuxiesme haras, ainsi qu'en usoit Alexander le Grand: mais peu de Seigneurs ont des haras si grands, se contentans de vingt ou de trente jument. A mon advis, comme il n'est bon que les juments soyent beaucoup sans porter poulain, aussi est il mauvais qu'elles soyent plaines tous les ans: car comme elles se font steriles de faire peu souvent des poulains, principalement quant la jument ne seroit feconde que jusques a dix ans, selon l'opinion d'aucuns, de mesme, si elles donnent tous les ans un poulain, elles perdent la vigueur & la force, & leurs poulains en sont moins forts, tellement qu'en cela, l'on devroit tenir la methode, de laisser chaque jument reposer la troisieme ou quatrieme année, sans la faire saillir ou charger de poulain, n'estoit qu'en ces trois ou quatre ans, elle eust esté de par soy sans concevoir, ou sans apporter poulain,

poulain, ce qui arrive, bien qu'elles ayent esté sail-
lies, apres cest an de repos, il convient les faire sail-
lir de l'estallon, afin qu'elles ne se facent steriles,
j'en ay ainsi usé, & m'en suis bien trouvé, & que ces
juments de repos apportoyent des poulains plus
grands & plus forts, que celles qui estoient char-
gées tous les ans.

L'on met en doubte, quel saillir de l'estallon est
le plus propre, ou estant à la main d'hommes, ou en
liberté avec les juments: l'en diray brevement, ce
que l'experience m'a enseigné. Qui laisse l'estallon
libre entre les juments, il le verra tellement battu,
qu'apres il ne les osera approcher, & puis il en sail-
lira peu, principalement, s'il s'amourache à une
particulièrement, comme il arrive, avec cela, il
perd ses forces, continuant de poursuivre & chas-
ser les juments: il adviendra aussi, selon la facilité
des juments, qu'il en saillira en peu de temps,
trop de nombre, par ou il durera moins, & ne con-
tinuera en vigueur, comme en tous animaux, la
venus trop frequente esvanouït leurs forces, &
faict puis la semence fluide & aqueuse: Partant
comme les beaux & nobles estallons sont mal re-
couvrables, il les convient mieux conserver, les
faisant saillir les juments avec moindre dangier,
estans és mains d'hommes, un nōbre moderé, il se-
roit requis avoir deux estallōs, estant l'un moindre

que l'autre, avec le moindre, monter & faillir les plus grandes juments, avec le plus grand estallon, les moindres, lesquelles juments, toutes convient marquer avec chiffre, ou caractere en fer chaud, pour les entrecognoistre, quant & de quel estallon chascune d'elles ont esté faillies, pour pareillemēt scavoir de quel estallon les poulains viennent, & avenant qu'à l'un des estallons survint quelque inconvenient, l'autre peut suppléer, pour ceste raison, il est fort requis avoir deux estallons pour le nombre des juments, ores qu'un estallon fut suffisant pour les faillir toutes. L'estallon qui faillit de la main des hommes, peut estre tres-bien traicté à l'estable, ce qui luy est tres-necessaire, lors que l'on le met en ce devoir, qu'il n'est battu ny mal traicté des juments, ausquels l'on attache les deux pieds de deriere à un pied de devant, bien qu'elles demandent l'estallon, & par tel ordre, l'on previent que les juments de l'aage de deux ans ne sont faillies, comme elles le seroyent quant l'estallon est laissé en liberté ens la troupe des juments. Mais il convient observer, de ne point mettre la jument devant l'estallon, s'elle ne le desire; car le faillir infructueux, est chose desavantageuse pour estallons d'Espagne, car ils ne font tant de faults que les autres: Si une jument desire l'estallon, elle mangera peu, & court beaucoup par les prairies la teste
eslevée,

eslevée, haussant la queue, qu'elle remue fort, elle urine plus souvent que de coustume, ayant la voix plus grosse & enrouée, elle est enflée au dessous de la queue, & y est plus chaude que l'ordinaire, par ou elle escoule certaine humeur, quant elle voit l'estallon, ou l'oit crier, qui est le plus vray indice, par lequel l'on peut presenter la jument à l'estallon, attachant les trois pieds d'icelle comme nous avons dict, car bien qu'elles sont chaudes, elles ne laissent partât tousjours de tirer, & battre l'estallo: arrivant que aucunes juments ne devinsent chaudes, refusans l'estallon, l'on mettra lez une telle jument, non un estallon ordinaire, ains un autre cheval de moindre qualité, dont on la laissera monter, mais engendrer point, si l'on voit qu'elle admettroit ce cheval, il la faut alors faire saillir du vray & noble estallon: & si elle refusoit tout cheval, quel qu'il fut, il luy faut faire froter le lieu par ou elle engendre, avec des orties, ou bien avec un oignon miparty & ouvert, la froter aussi d'un unguent faict de fiente de poulets, & de terbentine.

Estant venu la saison du saillir, & que les juments le desirent par les demonstrations mentionnées, l'on fera promener avant Soleil lever, l'estallon, & de mesme les juments, esloignez l'un de l'autre, qu'ils se peuvent tousjours entreveoir cheminant, & ce avant qu'ils ayent beu ny mangé,

afin que la semence de l'estallon, par la digestion de nuit, & ce peu d'exercice, se face meilleure; alors l'on luy mettra en avant la jument, de laquelle l'on attachera viftement & le plus tost, les trois pieds, & alors l'on en approchera peu à peu l'estallon, attaché de deux cordes longues, tenues par deux hommes, qui voyans que l'estallon s'appreste (ce que le bon estallon fait tost) & que la jument monstre consentir, ils le laisseront saillir, & aussi tost que l'estallon desmôte, un varlet ou deux doit estre à la main avec de l'eau froide, pour en donner dessous la queue de la jument, afin qu'elle ne laisse escouler la semence, desliant quant & quant les trois pieds, la proumenant un peu, & luy donnant de la baguette sur la groupe & sur les rains, afin qu'elle les retire, qui fait arrester la semence.

Après l'on proumenera pareillement l'estallon, ny pres ny long de ladicte jument, afin qu'elle le voyant, s'imprime par la veüe & imagination, la façon d'iceluy, dont les poulains luy ressembleront mieux: apres qu'ils auront ainsi proumené moins de demy heure, l'on approchera l'estallõ encor une fois de la jumēt, pour veoir s'il la desire saillir pour la secõde, car il est tres-bon de faire saillir par deux fois la jument, promptemēt l'une apres l'autre: car de le faire saillir une mesme jument, une fois le matin, & une autre le soir, n'est pas si bon: apres ce
deuxiesme

deuxiesme fault, ou apres le premier, s'il ne desire faire le second, l'on le menera à l'estable, ou il sera bien estrillé, bien pensé, bien lavé mieux que l'ordinaire, luy lavant les genitoires avec bon vin clairret, & le couvrant d'une toille, & estant bien rafreschy, l'on luy donnera à boire de l'eau tiede avec de la farine, & puis son a voine ordinaire, le laissant là, conviēt faire nuict à l'estable, afin qu'il soit à repos: il faut au midy & non plus tost, regarder s'il a mangé son ordinaire; & en tel cas, retourner à le froter & nettoyer, & puis luy redōner à boire comme devant, & quelque peu à manger, selon qu'il est d'appetit, le laissant ainsi obscurément jusques à quatre heures apres midy, alors l'on le traictera quant au manger & boire, comme devant: Quāt il sera sept heures du soir, & qu'il aura mágé tout ce qu'on luy aura dōné les trois fois, le voyant allaigre, l'on peut essayer s'il veut saillir encor un coup, luy presentāt la mesme jumēt, à la mesme façon que le matin: & notez qu'il ne faut changer d'estallon (chose desavantageuse) car chasque jument doit estre saillie par un estallon, & non par divers, s'il la desire, il fera demonstration; en cas que non, il faut oster la jument, & remettre l'estallon en son estable, & le traicter comme le matin.

Il suffit qu'une jument soit trois fois saillie: le jour d'apres, on en fera le mesme d'une autre jument,

la laissant pareillement saillir trois fois le jour consecutivement, jusques à la dernière: celuy qui a deux, ou plusieurs estallons, a plus tost achevé, faisant tous les jours saillir autant de juments, qu'il a des estallons, qui est bien le meilleur, afin que toutes les juments puissent venir quasi sur un mesme temps à poulener, & non point l'une un mois apres l'autre. le serois d'avis, que l'on ne fit point saillir le soir, afin que l'estallon fut le matin & jour d'apres, plus prompt pour un autre, & chaque jument seroit deux fois saillie, qui suffit; car de la à dix jours, convient il essayer si les juments ja saillies, ont retenu comme s'ensuivra: le gouverneur de cest haras, doit bien prendre esgard à la puissance & suffisance de l'estallon, afin de ne le ruiner; car s'il n'estoit bastant pour saillir le jour deux ou trois fois, qu'il se serve du second & troisieme estallon, ou bien laisse reposer cestuy cy un jour ou deux, afin qu'il puisse continuer selon ses forces; car pour bon & suffisant que l'estallon soit, l'on ne luy doit faire saillir que dix ou douze juments par saison, principalement aux chevaux d'Espagne, ausquels, six ou sept juments suffisent, pour les conserver à l'autre année. Or quant toutes les juments sont par deux ou trois fois saillies, pour scavoir si elles ont conceües ou point, il convient dix jours apres, leur presenter autrefois l'estallon, celle qui a conceüe,

ne le admettra aucunement, ains refuſera fort & ferme, alors faut croire qu'elle eſt plaine, & faire ceſt eſſay derechief, à toutes celles qui ne le reſuſeront, faut laiſſer reſaillir, pour ne perdre ceſt an ſans avoir poulain: Il faut executer tout cela curieufement & diligemment, car trop importe, que le ſaillir juments ſe face avec ceſt ordre. Il y a de ceux qui apres la ſaillie, veulent que l'on laiſſe courre avec elles l'eſtallon, afin que celles qui n'ōt retenu, ſoyent reſaillies; ce que à mon advis l'on ne doit faire, pour raiſons ſuſmentionnées, bien qu'ils le practiquent ainſi en Eſpagne, ou ils eſlevent des bons chevaux, combien que comme j'ay dict, il n'y face en tous lieux bon pour haras: il y a des lieux en ce pays, ou les commandans & gouverneurs meſmes achaptent, & tiennent trois ou quatre eſtallōs, ſelon la quantité des juments, qu'ont les inhabitants du lieu, je dis les plus beaux & meilleurs qu'ils ſcavent recouvrer, voire chevaux d'exploicts, en guerre contre les Mores, ou cognus és tournois & faiçts chevalereux, qu'ils nomment *Cavallos de buenas obras*: leſquels ils achaptent bien chierement, & les tiennent à l'eſtable tout l'an, fors la ſaiſon qu'ils doivent ſaillir les juments, lors ils les laiſſent avec icelles aux herbes, alors ces commandeurs mentionné, quotifent les fraiz & couſt de ces eſtallons, ſur les perſonnes qui tiennent des

juments,

juments, selon le nombre qu'ils en ont, l'on leur demande plus ou moins: toutes les juments sont mises & ferrées sur des prairies communes par tout l'année, fors aux mois de Decembre & Janvier: ils changent les estallons, & y mettent des autres selon les occurrences, ou ils demeurent depuis Fevrier, jusques à la Pentecouste, alors ils les remettent à l'estable, & les font bien penser tout l'année, & personne des inhabitans, ne peut faire saillir ses juments d'autre estallon, que des susdicts, sans le consentement desdicts superieurs, autrement ils en seroyent à l'amende. Cest ordre me semble tres-bon en iceux pays, ne trouvant estrange qu'il y viennent tant de bons & beaux chevaux, si nous l'avions chez nous, où l'on esleve tant de chevaux, nous en aurions plus de bons & de beaux; mais le cheval d'un rustaut y engendre l'autre, tellement que nous n'avons rien de bon, comme l'on voit à l'œil les decheoir en nombre & en bonté. Le Roy de France Henry premier, qui estoit vraiment bien à cheval, à fait pareille ordonnance en la Duché d'Auvergne, laquelle est assez capable pour eslever chevaux, si ceux du pays en estoient curieux, comme ils le sont d'eslever mulets. Le mesme Roy y a envoyé tous ses chevaux d'Espagne & de Naples, dont il en avoit grand nombre, & des fort beaux & fort bons, plus qu'autre Prince: quant
ils

ils avoyent grand aage, & faiët trop long service sur quelques lieux particuliers d'icelle Province, & les y a recommandé aux superieurs des lieux, de luy en tenir compte, pour faire saillir les juments plus belles desdicts lieux: de ces chevaux nobles, le propriétaire des jumets estoit tenu d'eslever les poulains ronsins qui en venoyent, & en estoit payé par ordre du Roy, & les jumentines qui en venoyent, estoient en propriété à ceux qui les eslevoient, qui n'avoient de quoy se plaindre: tellement que pour un temps, l'on a eslevé en ce pays, force beaux chevaux, qu'alors l'on a veu en court, ce qui tournoit à grand hōneur dudict Roy, car le pays demeura peuplé de jeunes juments de race noble, de laquelle, s'ils l'eussent continué plus d'années, plus grand pays qu'iceluy en eust esté peuplé, mais ceux du pays sont retombez à l'haras des asnes & mulets, dont ils ne font un tel profit.

S'il advient qu'un cheval ne voulut saillir les juments, comme il arrive aucunesfois; principalement devant qu'il y soit faiët, ce qui est neantmoins chose mal agreable, car tels estallons sont rejectables du haras, entant que le vray & bon estallon, acheve le faiët promptement & sans bruiët: L'on luy donnera à manger du Basilicum, ou bien les genitoires pulverisées d'un autre cheval.

Il y a des opinions vieilles, qui entendent avoir d'une jument, un poulain ronfin, moyennant que la jument soit saillie trois jours avant la Lune pleine, & trois en decours, une jumentine. Ou que pour faire engendrer un ronfinet, ils disent qu'il convient ferrer d'un lien, le testicule gauche de l'estallon, avant qu'il saille, & luy ferrer le droict, afin qu'il engendre une jumentine : & puis quant le vent Aquilo donne, la jument saillie conceveroit un ronfinet, & quant Auster, une jumentine, à condition que la jument, durant qu'elle est saillie, soit de la queue vers lesdicts vents : dont je n'ay prins experience, & ne la voudrois prendre en dressant un haras ; car les jumentines y sont requises comme les ronfinets, pour bien peupler un haras, aussi le nombre plus grand des jeunes juments y est requis, les vieilles venans à decheoir, ou arrivant quelque mal sur icelles.

Des autres tiennent que l'estallon, apres avoir fait le coup de generation, se laissant bas de la jument à costé droict, que l'on doit attendre un poulain ronfin, si du costé gauche, une jumentine, chose incertaine ; car comme la jument est, & doit estre saillie plus d'une seule fois, l'on ne scait de quel coup elle retient.

Combien de temps apres que la jument aura poulené, il luy faut admettre l'estallon, aucuns sont
d'opinion

d'opinion de trois ou quatre jours, qui est trop tost, car à peine est elle bien purgée en si peu de temps. L'ay dict qu'une jument apres avoir faict son poulain, ne doit estre incōtinent mise aux herbes, mais bien quelques huiet ou dix jours apres, qu'elle se sera en premier (comme aussi son poulain) bien fortifiée sur l'estable, & apres ce temps, & qu'elle aura esté encor quelques jours aux belles herbes & pasturages verdes, pour se recréer & refaire, alors l'estallon la peut saillir si elle le desire; est à juger par celuy qui en fera son faict selon les regles devant mentionnez, & son jugement particulier, & si elle n'en faict demonstration, il luy faudra procurer ce desir. L'on trouve des juments de nature steriles, qui ne retiennent pour souvent qu'elles soyent saillies: j'ay parlé de remedes pour y appliquer, mais je conseille pour le plus expedient, de s'en deffaire, & en recouvrer des fecondes. Il importe beaucoup, que le maistre qui gouvernera ces juments, aye experience de les secourir selon l'occurrence, sans avoir recours aux livres: Il advient souvent, que la jument avec bien grande difficulté, faict son poulain, si alors l'on luy serre les narines, elle aura plus de force à pousser hors le poulain, ou bien si l'on luy verse dans les narines, du vin bouilly avec du fenoil & de l'huile: & advenant que le poulain luy soit mort au corps (dont

elle est en dangier) pour l'assister, faut prendre du laict d'une jument, d'un buffle, ou d'une asnesse, le pois de quatre livres, de la lissive forte, quatre livres, huile d'olive, trois livres, du jus d'oignon blanc, une livre, le tout luy verser par la bouche, qu'elle l'avale. Le meilleur & plus expedient est, qu'aussi tost qu'on s'appercevera le poulain luy estre mort au corps, quelque homme luy met la main & le bras engraissez d'huile d'olive au dedans, & en tire le poulain entier ou par pieces, cela ne succedant, l'on tachera de mettre une forte corde, mais point grosse, qui serre à la partie inferieure de la bouche, ou menton du poulain, le tirât discrettement ainsi avec assistance d'hommes, du corps de la mere, qu'elle ne soit offensée au dedās, si possible est: de la façon en ay veu assister une, qui apres a encor porté des poulains: Et quant le poulain à la sortie, ne se monstre venir naturellement, ains avec les pieds devant, l'on taschera de le faire rentrer, & le mettre en dedans, pour de la mesme main, avancer & remettre la teste & narines du poulain en avant, pour sortir, & si l'on trouve qu'il est mort, l'en tirer comme devant.

Comment

Comment l'on doit nourrir & penser les poulains
 âgés d'un an, de deux & de trois.

CHAP. XXI.

NVL animal n'aime tellement les jeunes de son espece, comme faiçt la jument; car l'on a veu des juments qui n'avoient laiçt au pis, attirer & divertir poulains de leurs meres, les lecher & amadouer par affection superabondante. *Plinius.*

Amiffa parente in grege armenti, reliqua foera educunt orbum: partant le bon maistre d'estable, doit de pres regarder, si aucun poulain vouloit suivre quelque jument pour abandonner sa mere, de incōtinent sequestrer la mere & son poulain en lieu particulier long de la troupe, & les y laisser quelques jours, jusques à tāt que ce poulain aye oublié l'affection de la jumēt estrangiere, qui d'un amour mal ordonné, l'entendoit aliener de sa mere, de quoy ce poulain alloit perdre, car cest estrangiere ne l'eust nourry de laiçt: Ce mesme maistre ou gouverneur, doit prendre pareillement esgard à beaucoup d'autres accidents & evenements, qui a l'improviste arrivent, pour n'y venir tard.

Tost que les poulains sont venus de la mere, il les cōvient mettre ensēble en une estable, chaudemēt & à sec pour quelques jours, cōme diçt est en autre

lieu, devant les laisser aller aux herbes, l'on les contregardera de bien grande chaleur, dont toutesfois n'avons garde en ce pays, de ceste saison, l'on ne doit passer la main par le dos & rains du poulain tout nouveau venu, car une main forte les desnouïeroit, tendres & delicats comme ils sont, de mesme, convient bien observer la santé de ces poulains nouveaux venus, car bien qu'ils se nourrissent de laiët, ils ne laissent telle fois à estre Astmaticques, tellement qu'ils ne croissent ny parviennent, ains se perdroyent sans assistance, qui est telle, que l'on prenne la pellicule dans laquelle le poulain est venu de la matrice, de laquelle deséchée & mise en poudre, l'on donne à ce poulain, la prinse de trois doigts, dans du laiët par la bouche, qu'ils l'avalent, laquelle poudre leur aneantit des petites pellicules, qui leur croissent dans l'estomac, dont ceste maladie leur vient: ceste recepte ne faict operation, qu'és poulains au laiët, en dessous de six mois d'aâge: Quant ces jeunes poulains languissent, & que l'on ne peut juger quel mal leur tient, ceste poudre leur est propre, de mesme les poulmons d'un renard pulverisez, & donné en laiët. Virgilius, Columella & autres disent, (ce que nostre experience à observé) qui veut scavoïr quel reussira un poulain, doit remarquer toutes les actions d'iceluy, quant il est nouveau venu, & tout

jeune,

jeune; s'il est allaire & hardy, ou bien timide, voyant & oyant chose nouvelle, & marchant, s'il avance la troupe des chevaux, si avec ses semblables il va courant & jouant par les pastures, s'il devance les autres, s'il faiet mieux que ses compagnons à saulter fossez, à passer ponts, à s'avancer & des premiers en l'eau, si en beuvant, il met la teste bien avant jusques aux yeux en l'eau, si l'on remarque & voit telles actions en un jeune poulain, il ne convient doubter qu'il ne sera un noble cheval de guerre, s'il parvient à aage competent sans fortune, mal ou maladie: par ces indices peut on cognoistre, ce que ce sera du courage: & quant à la beauté du corps, si un poulain sera beau ou non, fort ou debile, grand ou petit, l'on le peut remarquer, observant les particularitez que j'ay dict au chapitre seiziesme, estre requis en un cheval, & conferant les proportions & mesures d'iceluy, à celles d'un poulain, ce qui est beau en un cheval parcreu, le sera au poulain par tout le corps; car estant un poulain beau en jeunesse, fort & grand, il le sera tel & plus beau, & plus fort encor avec l'aage, moyennant qu'il soit bien & deüement nourry & eslevé; mais si jeune, il est mal proportionné, il se fera plus laid avec l'aage, l'accroissance couvre bien des petites fantes, mais point des grandes qui se descouvrent tousjours. Selon ma regle, il convient sevrer, oster,
& se-

& separer de la mere, les poulains qui sont venus en Mars & en Apvril, quant ils sont contraincts avec leurs meres, abandonner les pastures & les champs par le froid, pour venir aux estables, ils laissent facilement le laiçt; mais les poulains venus plus tard au mois de May, l'on les peut laisser un mois plus longuement avec la mere sur l'estable, afin que chascun poulain pour le moins, puisse avoir eu le laiçt de la mere, six mois continus: Quelques auteurs anciens ne les permettent avec la mere, que trois ou quatre mois: le terme de six mois me semble y estre requis, comme aussi il est plus convenable que l'on sevre les poulains lors que l'õ remet les meres à l'estable, & que leur laiçt par le foin qu'elles mangent, prend quelque amertume, le meilleur est qu'il se face trois jours avant la Lune pleine, & apres qu'ils auront esté vingt quatre heures separez & long de la mere (aucuns disent de trois jours, qui est trop longuement) afin que le laiçt des meres se retire, il convient remettre les poulains avec leurs meres, afin qu'ils tirent & ostent du pis, le laiçt y coulé & engrossi, & cela fait, oster derechief les poulains, & les remettre en leur estable pour tout l'hiver, comme nous avons dict: Alors l'on doit pendre au col de chascun de ces poulains nouvellement sevrez, une piece de corne de cerf de trente ans: l'on tient

que

que par cela, ils seroyent preservez de toute maladie, & quelques mois avant que l'on les tire de ceste façon du lait, ne seroit que bon de leur avoir appris à manger quelque paille trenchée, meslé de quelque grain, estans accoustumez de cela, ils s'amaigrissent moins quant l'on les sevre, j'entens parler de nostre climat, ou le froid est vehement, de façon que les chevaux comme tous animaux, veulent estre à couvert: En autres pays les chevaux, principalement les poulains, demeurent aux champs l'hiver comme l'esté: Parquoy, quant quelques autheurs disent que dés alors que les poulains sont venus de la mere, l'on ne les doit mettre plus à couvert ny és estables, jusques a l'aage que l'on les entend apprivoiser, dompter, & leur mettre la selle, cela s'entend des pays chauds. Partant, quand ces poulains tant ronsins que jumentines, seront mis en leur estable particuliere, il faut soigner qu'ils ayent tousjours le rastelier plain de bon foin, afin qu'ils mangent quant la volonté leur en viendra; le meilleur foin de la provision sera pour eux; car il importe fort, que l'on les tienne & nourrisse bien le premier hiver de leur aage, car la premiere année, ils croissent le plus.

De ceste façon, l'on laissera ces jeunes poulains en l'estable, sans estre liez ny attachez, se pourmener, afin qu'ils ayent leur exercice, en se jouant

l'un à l'autre, autrement les jambes leur arroidiroyent: quant ils auront beu le matin à sept heures, une heure ou plus apres, l'on leur dōnera du grain moulu, un tiers ou bien deux tiers de paille trenchée, bien mellé & arroufé d'eau tiede, qu'il ne soit trop moite, car ils ne le mangeroyent, suffit que par leur souffle, la farine ou ceste paille ne s'envoient, donnant à chascun poulain, sa portion particuliere, afin qu'ils ne surmangent ou gourmandent l'un l'autre, attachant chascun d'iceux particulièrement à un licol nullement dur: apres qu'ils l'auront mangé, il les convient destacher derechief, & les laisser pourmener par l'estable: Le midy, l'on les laissera sortir pour aller boire, & saulter par la court, le mesme fera l'on le soir à quatre heures, alors l'on leur donnera la secōde fois du grain moulu, comme devant à esté dict: Il suffira que l'on leur donne ainsi par deux fois le jour, du grain à manger; neantmoins convient il, qu'ils ayent jour & nuict leur rastelier plain de foin, avec cela, ils se comporteront bien: L'on leur donne l'avoine ou l'orge rompue & moulue; car si le grain fut entier, s'efforçans à le rompre ou moudre, les veines dessus les yeux & des ganassés, s'ouvriroyēt par trop, cela leur ameneroit des defluxions à la longue sur les yeux, & pour ceste raison, l'on ne doit à nuls poulains, donner du grain sans qu'il soit rompu, qu'ils

qu'ils n'ayent l'aage de quatre ans, dont je parleray plus amplement: Ce seroit moindre fraiz, de donner à ces poulains à manger en lieu de grain moulu, du son & segle, qui ne leur est mal sain, leur causant un grand ventre, lequel leur est comme la cuisine. Selon Varro, *quinquemesribus pullis factis, cum redacti sunt in stabulum, obijciendum farinam hordeaceam molitam cum surfuribus, & si quid aliud terranatum, edent.* De ceste façon, l'on entretiendra ces poulains par tout l'hiver, tant que l'on les laissera retourner avec tout le haras aux pastures; alors ils font l'aage d'un an: durant cest esté, l'on les peut encor laisser aller avec les juments aux herbes, car ils ne les desirent encore monter: L'hiver venu, & que tous poulains & juments reviennent aux estables, ces poulains font l'aage d'an & demy; partant il les faut mettre sur autre estable qu'ils n'estoyent l'hiver passé, en laquelle convient mettre ceux qui font dernièrement venus l'avant esté, auxquels sera bon d'alors tondre le crin, le touppet & la queüe, afin que le poil leur y vienne plus beau & plus long le demeurant de leur vie, chose curieuse & belle.

Ces poulains d'an & demy, doivent estre nourris ne plus ne moins que l'hiver precedent, & ceste regle se doit continuer tant qu'ils ayent l'aage de quatre ans, pendant soigneusement garde, qu'ils

ne soyent en faute de manger ; car mieux sont ils nourris, & mieux parcroissent ils: A l'aage de quatre ans & demy, il est fort sain aux chevaux, qu'ils mangent avec portions & reglement, la superfluité leur faict alors avoir trop de corps, & leur gaste les yeux. Quant la saison reviendra que les herbes serot revenues & en vigueur, que ces poulains auront attainct l'aage de deux ans, qu'ils desirēt monter & saillir jumets, comme à cest aage (de mesme les jumentines) admettent l'estallon; convient que le maistre ou gouverneur de cest haras, previenne que cela n'arrive, car ce seroit la ruine de ces jeunes poulains: il ne faut permettre que aucun estallonne, si l'on ne l'y veut continuer. Pour y prevenir, conviēdra dés le mois de Febvrier, tirer & separer ces jumētines proches de deux ans, du lieu ou estable, où elles estoient avec les ronsins de mesme aage, & mettre ces jumentines avec les vieilles juments en mesme estable, & les y traicter comme ces vieilles, avec lesquelles l'on les mettra à l'esté aux mesmes herbes & pastures: Les autres poulains alors, pareillement d'aage pres de deux ans, seront tellement serrez es pastures, qu'ils n'en puissent sortir; car plus se font ils d'aage, plus les doit on garder & esloigner des juments, j'entēs les poulains ronsins, qu'il convient mettre à part, car les chastrez peuvent tousjours estre avec les juments.

Celuy

Celuy qui en aura le moyen & commodité, ne manquera d'envoyer ces jeunes poulains de deux ans, aux herbes montagneuses, & les y asseurer & r'enclore, pour les raisons alleguées: Ces poulains estans encor une esté aux herbes, venant l'hiver, ont l'aâge de deux ans & demy; il les convient alors mettre en estables propres & ordonnées pour iceux, & de suite, changer & mettre les autres poulains plus jeunes, és estables ou ceux cy estoient l'an passé: & en cest estable (qui à peu doit estre comme l'estable des chevaux d'aâge) les poulains de deux ans & demy, doivent estre attachés avec les licols à la teste, & chascun d'iceux, à part placé, leur faisant litiere pour se coucher, les approchant bien souvent, & leur levant les pieds, y frappant, afin qu'ils se laissent ferrer venant le temps, les faisât frotter par le corps & par la teste, avec de la paille & un drap, afin qu'ils ne refusent l'estrille, laquelle l'on leur passera une fois le jour sur le corps legierement, pour remettre & ajuster le poil: mais les estriller beaucoup, ne convient encor: tout cecy se faiët, afin qu'ayans plus d'aâge, ils ne soyent farouches cōme les poulains, qui l'hiver comme l'esté, demeurēt quelques ans aux herbes, jusques a ce que l'on les veut mettre à la selle; alors ceux qui les veulent penser & mōter, sont en bien grand dangier, avant qu'ils soyent maniables.

& domptables; mais les chevaux qui comme mentionné, sont l'hiver sur l'estable (estans poulains) de longue main familiarisez, sont & demeurent tousjours plus amis de l'homme, plus agreables & plus obeissans: les chevaux de Naples & de Hongrie, n'ont ils pas du premier, & plusieurs assiduellement durant leur vie, un humeur farouche: pour avoir estez continuellement aux herbes, sans avoir esté l'hiver à couvert ny aux estables, jusques à tant que l'on s'en est voulu servir.

Qui n'a le moyen de donner à ces poulains du grain moulu, comme nous avons dict estre requis, moyennant qu'il aye provision suffisante de bon foin, court & doux, tel qu'il en vient és montagnes, il en pourra faire passer l'hiver à ses poulains, & ne laisseront de par venir & parcroistre; mais plus en hauteur qu'en largeur.

L'experience faict foy, que les poulains d'aage d'un an & demy, nourris de grain moulu, en deviennent plus traversez, larges & gros, que non pas ceux qui sont nourris tant seulement de foin. Ces poulains doivent estre abeuvrez au mesme temps du jour que les autres (sans les destacher ny laisser sortir l'estable) avec seaux & autres cuves, comme sont les chevaux d'aage; neantmoins les beaux jours sur le midy, au plus chaud du jour, l'on les peut laisser sortir, courre & jouer, jusques à
tant

tant que de leur motif ils y retournēt; & bien qu'ils demeurent à l'air longuement jusques au soir, le froid ne leur peut nuire, estans ja forts & grands: si la faim ne les faict retourner aux estables à quatre heüres, l'on les y rechassera, & pensera selon nostre ordre ja donné. Bien entendu, que chascune estable particuliere, doit avoir son courtil particulier, clos & separé des autres, tellemēt que les poulains de l'une estable, ne peuvent joindre les autres, car les plus grands pourroyent interesser les moindres. Pareillement est requis, que toutes les estables soyent tenues bien nettement, ce qui se doit faire durant le temps que les poulains sont à l'air, afin que la fumée cuifante, & mauvaise odeur, ne facent mal aux yeux des chevaux, lesquels desirēt la netteté plus qu'autre animal: & partant faut esloigner de ces estables, tout ce qui est contraire à leur naturel.

Quant cest hiver sera pareillement passé, & un autre esté sera proche, ces poulains seront d'aâge de trois ans. Aucunes personnes comme Varro, sont d'opinion, mesmes il se practique en Espagne, que à cest aâge, l'on ne doit plus mettre, ny laisser aux herbes ces poulains, mais que l'on leur donne à manger le verd (que les Latins nomment *farraginem*) sur l'estable; je ne suis de ceste opinion, car aux champs & pastures, ils s'y nourrissent trop mieux,

mieux, & y prendront plus de force par l'exercice de cour, que sur l'estable, comme ils sont par trop jeunes pour estre montez, & sont de moindre fraiz allans aux pastures : le meilleur est doncques, de les continuer encor un esté aux herbes, dont aussi bien il convient qu'ils retournent sur l'hiver à l'estable, à l'aage de trois ans & demy, qui est la vraye saison d'y mettre un cheval; j'entens d'esquirie, les laissant alors peu à peu monter de l'esquier, lequel procedera avec eux, le plus froidement & patiemment qu'il luy sera possible : & bien que j'ay protesté de ne rien dire concernant le cavalériffe; je ne puis neantmoins obmettre de rapporter les parolles de Volateranus: *Cum equo magnanimo (inquit ille) nihil per vim agito, nimiam ferocitatem placidis potius signis mitigato: nam longa magis itinera & quieta mitem reddunt, quàm subita ac brevis violentâque agitatio*: il ne veut que l'on violente un jeune, noble & couragieux cheval, la patience, le temps & l'industrie du cavalériffe, le doivent gagner. L'on dict que l'Empereur Fredericus Barbarossa, ne print oncques cheval de son haras, pour s'en servir en guerre, qu'il n'avoit passé l'aage de quatre ans. Ces chevaux de trois ans & demy, seront nourris à l'estable de deux tiers d'avoine, non moulue ny rompue, un tiers de paille coupée, remettant la quantité, à la discretion du maistre d'estable:

d'estable: mais si l'hiver precedent ils n'avoient esté nourris de grain moulu ou rôpu, mellé de paille, & que l'õ les avoit jusques à cest aâge, nourry les hivers tant seulement de foin, ce troisieme hiver, l'on les nourrira de ce grain rôpu & paille coupée. Commençant l'esté, qu'ils ont accompli l'aâge de quatre ans, l'on leur dõnera sur l'estable de la belle jeune herbe, un mois de long ou plus, selõ qu'ils en seront bien purgez, & quant & quât de l'avoine & paille coupée, ou un peu moins que de coustume: quant plus ils ne mangent de l'herbe, l'on leur donnera plus d'avoine mellée, à discretion, jusques à leur aâge de cinc ans, que l'on leur commencera à donner de la clere & pure avoine: il ne les cõvient engraisser par trop, ce qui leur nuit à la veüe; car devant estre entieremēt parcreus en façon, ils font trop de corps & de ventre, se faisants chargez d'encollure, de poictrine, apesantis & poltrons; mais de bien longue main, les convient laisser prendre la graisse: ce qu'ils ne font en un an, ils le feront en deux, ce qu'il faut observer pour avoir des bõs chevaux. Il ne sera obmis (le mesme qu'avons dict des juments d'aâge) de donner par deux fois la semaine, du sel à manger à ces chevaux dans l'avoine, les raisons en sõt alleguées dessus. Voila comme j'entens avoir dict à suffisance, comment l'on doit traicter & gouverner les poulains venãs de la

mere, à tant qu'ils foyent chevaux de cinq ans: jusques à cest aâge, il les convient fort respecter & espargner: mais apres les cinq ans, l'on s'en peut librement servir, & dureront plus, que si l'on s'en fut servy plus tost, & suffira qu'à cest aâge de cinq ans, le cheval tant seulement commence à recognoistre la bride, & de là en avant, le commencer peu à peu à dresser, & l'envoyer au mangege, peu ou plus souvent selon ses forces, qui plus tost les y met, s'il ne les gaste du tout, pour le moins il les foulera des pieds & jambes, qui en feront plain de galles, sur os, esparveanes, courbes, genoux gras, ou panchâs en avant: & bien qu'un cheval de cinq ans prende fort bien ses leçons, l'on ne le doit pourtant mettre incontinent aux exercices vehemens & grands, de redoppier, & moins encor luy donner carriere; ains le mettre de longue main à cest exercice: ils s'abusent qui ont opinion, que aussi tost qu'un cheval scait galopper, que l'on luy puisse donner la carriere; car elle luy desnoïe & affoiblit les rains.

L'on doit observer de ne point tost ferrer les chevaux jeunes, ains le dilayer tant que l'on pourra, principalement les pieds de deriere; car plus tard sont ils ferré, plus se font ils durs & fermes de corne, les premiers fers seront des plus legiers: c'est grande follie de leur mettre les fers grands & pesans.

La coustume du vieil temps estoit, de marquer de fer chaud, tous les chevaux estans poulains, qui venoyent d'un haras noble & de reputation, comme estoit Bucephalus : il se practique encor pour le present, & est une coustume autant louable & reputable, pour ceux qui ont des haras, que prouffitable pour les achapteurs. A l'aage de trois ans, sont les poulains mieux à marquer de fer chaud, mais qui ne les veut laisser aux herbes que jusques a l'aage de trois ans, les doit marquer quant ils sont aagez de deux ans, afin qu'ils s'en puissent guerir aux herbes avec la rousée : aussi tost que le fer chaud a fait son effect, le lieu brulé doit estre oinct d'huile d'olive, & sans oster la peau brulée, ains il la faut laisser cheoir de par soy, dessous icelle, reviendra une peau sans poil, sans y plus rien appliquer, laissant ces chevaux aux herbes.

L'on donne bien encor le feu ou fer chaud aux jeunes chevaux, bien que ce ne soit pour les marquer ou entrecognoistre, ains pour leur donner plus de santé, dont au chapitre subseqent, je parle plus amplement; il ne faut point estimer toutefois, que par ce feu, l'on puisse procurer santé aux chevaux ja vieux, & plains de mal par le corps. *Serò medicina paratur*; mais seulement quant ils sont bien jeunes. Les Turcs, principalement ceux d'Arabie, ont de coustume de donner le feu à leurs

EE 2 chevaux,

chevaux, quant ils sont jeunes, au mesme temps qu'ils les marquent de fer chaud, afin que le tout se guarisse en mesme saison aux herbes: Ils leur donnent des deux costez, entre les yeux & les oreilles, trois rayes de feu, la longueur d'un doigt au plus, jointement l'une de l'autre, la largeur de demy doigt, par ou sont coupeez les veines qui viennent sur les yeux, & par ainsi arrestez les humeurs qui y escoulēt: le donne aux poulains, le feu en dedans les quatre jambes une paulme, & plus au dessus des genoux par trois fois, un doigt long l'un de l'autre, mais point en cercle, afin qu'en dehors de la jambe, l'on ne le voye, par ou se serrent pareillement quelques veines, qui conduisent les humeurs aux jambes & pieds, dont procedent les galles & esparvennes, & maux semblables. Les Turcs & Arabes, donnent le feu aux chevaux, encor en plusieurs autres parties de leur corps, qui est de mauvaise grace, & en dangier de gaster les nerfs: en donnant le feu és deux parties mentionnées tant seulement, il n'y a dangier ny mauvaise grace; ains cela assure la santé de ces parties, & faut prendre garde de donner le feu, non sur les galles & esparvennes, ou sur les maux mesmes, comme en est la practique de tant de mareschaux, mais par haut & par bas du mal, afin qu'il ne s'aplye par le cours ordinaire des humeurs; & lez les jointures des

membres,

membres, il ne convient dōner feu en aucune maniere, & doit on porter soing, ne brusler des nerfs jointz les veines: le feu se donne le mieux avec un lingot d'or, en lieu de fer, la playe en est plustost guarie, & la cicatrice en est moindre, il convient aussi observer le cours de la Lune, pour ne donner le feu à quelque membre, le jour qu'elle le gouverne; car le cheval à la teste, bras & jambes, pieds & bouche, & parties interieures, fort semblables à celles de l'homme; ce que je dis pour les non experimentez, car les mareschaux le scavent bien observer. Avāt conclure ce chapitre, je feray part au lecteur d'un secret, afin que nuls maux, comme sur os, galles relevées, courbes, esparvennes, ne viēnent aux jâbes du jeune cheval de trois ou quatre ans, s'il n'en a aucuns auparavant: la saison plus propre pour appliquer ce remede, est quant les jeunes chevaux sont cōtre l'hiver tirez des herbes sur l'estable, soit à trois ans & demy, ou à quatre ans & demy: Il faut prendre une livre d'huile d'olive, un quart de livre que l'on dict *Axungia vitri. ij.* & demy once *sanguis draconis*, un quart de livre du *Castoreum* bien leisché: que ladicte *Axungia vitri* soit rompue bien menu, & meslé le tout par ensemble, y mettant une pinte de vin bruslé, ou eau de vie qui soit tres-fort, ce que laisserez reposer ainsi une nuit; apres y mettrez encor la quantité d'un pot de fort

vinaigre & forte urine, de l'un autant que de l'autre, faisant le tout bien bouillir & escumer. De cest unguent chaud, tant que la main le peut porter, convient oindre les quatre jambes du poulain, du corps vers bas, jusques sur la corne du pied, & frotter qu'il penetre: le jour trois fois, le matin, le midy, le soir, huit jours de suite; mais que durant ce temps, il ne sorte de l'estable, & qu'il n'aye la jambe moite d'eau: Ce qu'estant ainsi applicqué, assurement ne luy viendra aux jambes, aucun des maux mentionnez. Il arrive que les genoux des poulains deviennent courbez & panchans en avant, en jambes de bouc, ce qui va de mal en pis, partant faut il y remedier promptement, & y applicquer demy livre de beurre non sallé, oing de porc frais, demy livre, graisse de cheval, un autre demy livre, graisse de renard, quatre onces, Dealthea, quatre onces, Populion, deux onces, huile d'olive, quelque peu, le tout bien fondu & meslé, & luy en oindre le jour une fois les jambes, les frottant tres-fort; les genoux & jambes se redresseront.

Comment

*Comment l'on doit nourrir & penser les chevaux
ja faiets, pour les maintenir sains & en
bonne disposition.*

CHAP. XXII.

COMBIEN il importe, & avec quelle fatigue & longueur de temps, l'on peut eslever des poulains à perfection telle, que l'on les puisse commencer à dresser pour le faiet de guerre, se peut veoir & colliger par les chapitres precedens. De mesme importance est, qu'estans parvenus ces jeunes chevaux, à ce poinct qu'ils sont dressez parfaitement, l'un plus, l'autre moins au faiet de guerre, par un excellent escuier ou cavalerisse, ils soyent alors maintenus en santé continue: Car si l'on ne s'en pouvoit servir longuement en vigueur & en santé, ou qu'ils ne durassent que deux ans, il ne meriteroit que l'on y eust mis tant de fraiz & de peine: Partant, celuy qui s'entremettra à les eslever pour le service de soy ou d'autre, doit estre curieux des choses dont nous ferons mention cy apres, ou autrement son travail, despens & grand soing seroyent vains.

Il convient en premier, qu'il porte le fraiz de faire une estable bien située & saine, comme je l'ay ordonné

ordonné & prescript au chapitre dixhuitiesme, auquel je me refere; car les bonnes estables sont sur tout requises pour la santé des chevaux, principalement pour la conservation des yeux & des pieds: En apres, qu'il y aye un bon maistre d'estable, superior des autres qui pensent les chevaux jeunes & vieux, cestuy cy doit estre honeste & fidele à son maistre & Seigneur, en tout ce qui luy est confié & commandé, qu'il ne laisse rien perdre: avec cela, il doit avoir de son instinct naturel, une affection particuliere & biē grande aux chevaux, ne se recreant d'autre chose, & se glorifiant en ce faict: Comme cest office est labourieux, il est necessaire qu'il y aye grande inclination & affection, & scache autant bien faire, & effectuer que commander; & que ceux à qui il commandera, le respectent & aiment, estant les valets, l'un nonchalant, & l'autre mal volontiers repris: il portera aussi soing, que les chevaux soyent pensez à heure deüe, par tout le jour: Car la bonne reigle de les penser, leur faict le plus de bien: Ce maistre d'estable n'ira jamais dormir, qu'il n'aye en premier regardé (ne se confiant aux valets) si les chevaux sont bien liez & attachez, si la litiere est bien faicte, les pieds fientez, & oincts en dehors d'un unguent propre, s'ils ont mangé leur ordinaire de grain, si la chandelle & lumiere est bien conservée par tout; car ou

il y a

il y a nombre de bons chevaux & de pris, la chandelle y doit ardre toute la nuict: il ne doit admettre que les vallets y jouent; car il en vient des maux divers; quant l'on pense les chevaux, il y sera present, & voira comment les vallets s'y portent, & prendra soing que les vallets aillent dormir, sans sortir de la maison: Ce maistre d'estable doit estre dernier à dormir, & premier à lever. Il seroit requis que les vallets (selon que le nombre en est grand) chascun d'eux l'un apres l'autre, fissent la garde en l'estable une heure ou deux, avec de la lumiere bien conservée dans la lanterne, pour y estre prompt & allert, quant aucun des chevaux faultroit dans la mangeoire, se prendroit du pied au licol, ou se deslieroit, & pour prevenir à tous maux, de jour mesme, doibvent estre un ou deux vallets à l'estable pour mesme raison.

Je ne trouve conseillé, que l'on mette des lits dans l'estable, comme plusieurs en usent; car les chevaux touffent de la poussiere qui sorte des lits ou plumes, & puis les vallets qui y dorment, estans faicts & tout accoustumez du bruiet des chevaux, ne s'esveillent de nuict, pour nouveau ou grand bruiet qu'ils font estans en peine, partant le meilleur est d'y faire la garde.

Le maistre d'estable doit avoir à sa charge, les brides & selles, & ce qui en depend,

& journallement aviser si rien n'y manque, le faire raconter devant qu'il soit entierement ruiné : Il s'y doit cognoistre, & avoir jugement des mestiers qui concernent les esquippages des chevaux: pour discerner & juger des choses mal faictes, & principalement bien juger de l'art du mareschal, si les chevaux sont bien ferrez, chascun selon la façon de son pied, pour y changer & redresser selon la necessité : pareillement scavoir quelque chose de la chirurgie, & mareschallerie cavalline, pour juger que le maistre mareschal ne commette en ses cures, fautes lourdes ; il doit estre practic des mestiers de sellier & d'esperonnier, pour juger si les selles serrent à propos, sans offenser l'eschine du cheval ; & puis si les mors des chevaux, ne donnent trop haut ny trop bas en bouche, & de ce qu'il jugera mal propre, il en pourra dire librement son opinion au cavalerisse, neantmoins se raportant à iceluy : De bien dresser & monter chevaux, doit ce maistre d'estable pareillement scavoir juger, avantant que le cavalerisse s'oubliait (comme il arrive) de par trop contraindre un cheval volontaire, qu'il en die son opinion, au bien du Seigneur son maistre, qu'il doit procurer plus que l'affection du cavalerisse: il doit estre expert en matiere de comptes, scachant l'arithmeticque, & bien escrire, pour compter la recepte & desbours, tant de l'estable, que

que de tout autre chose: Il tiendra pareillement compte de la paille, & du foin & de l'avoine, que rien ne soit diminué par les vallets ou autres, & comptera combien il faut de l'un & de l'autre, le jour, la semaine, le mois & l'an, afin que selon le nombre des chevaux qu'il aura aux estables, il en face provision lors qu'il sera à meilleur marché, & mieux recouvrable. Quand il aura reprins les vallets par plusieurs fois de leurs fautes, & qu'ils ne se voudront rendre subjects à luy, il en avisera le Seigneur son maistre, qui en ordonnera à son avis. Si le Seigneur a la chambre d'armoiries bien furnie de belles selles, diversité de mors, des corselets, escopettes, espées & choses semblables, il prendra tout cela pareillement à sa charge, soignant qu'il soit bien entretenu, n'est que ces choses fussent en trop grand nombre, il y conviendrait alors commettre quelque autre personne particuliere, qui en auroit de l'occupation assez. Celuy qui n'aura le moyen d'entretenir un tel maistre d'estable, & tel nombre de vallets avec beaucoup de chevaux, il encommencera son haras avec petit nombre de juments, selon qu'il jugera en avoir les moyens, afin que surchargé, il ne courbe au faix. Et qui aura les moyens, le doit entretenir & salarier richement; car ayant les bonnes parties mentionnées, le proufit luy en reviendra au double.

Tiercement convient avoir un cavalieriffes tres-expert, chose tres-importante; car dequoy ser-viroit avoir juments capables, des beaux pou-lains, jeunes chevaux excellens, sans qu'iceux fussent bien dressez; car un cavalieriffes non ex-pert, forcera & ruinera ces nobles jeunes che-vaux, les rendra opiniastres, retifs & rebouches: tellement qu'il ne faut regarder à nuls fraiz, pour recouvrer un tel personnage, qui scache recog-noistre & distinguer le naturel & proprieté de tous chevaux estrangiers, de quel pays que ce soit, pour les mener & dresser selon leur naturel, & ce peu ou beaucoup de forces qu'ils auront, car il en y a qui aiment à saulter, & estre maniez haut, autres volent terre à terre, ceux d'Hongrie & d'Espagne font bien la carriere longue, & d'autres sont trot-tiers, tellement que l'on doit aucunement plaire, & suivre le naturel & l'inclination de chasque cheval, pour les point confondre. Apollinus, de son temps maistre d'escole, ne laissa perdre temps aux jeunes hommes qui ne luy sembloient pro-pres aux estudes, ains leur conseilla se mettre à quelque mestier à eux capable: Aussi le vieil pro-
verbe dict, Nihil facies invita Minerva. Et ne convient rien faire contre le naturel, l'on voit la diversité des inclinations, & la varieté des corps humains, le mesme est de ceux des chevaux, l'un
 est

est fort legier, l'autre pesant du tout; qui est pesant devant, qui deriere, diversifiez non seulement de corps, mais aussi de jugement; puis l'un plus robuste & fort que l'autre: avec les moins forts, l'on ne doit faire exercice comme avec les plus forts, l'on voit peu de cavalerisse, qui ne s'oublent par cholere, chose moins convenable; car ils doibvent tousjours patienter avec le jeune cheval, qui fera mieux l'un des jours que l'autre, pour apprehender & se mettre en subjection du cavalerisse, dont la devise debvroit estre *Patientia vincam*. Les bonnes parties requises au cavalerisse, sont declarées par Claudio de Corte, mais il s'en trouve peu qui les ont telles: Le nostre doit estre pourveu d'un jeune homme fort, ou de deux, selon le nombre des chevaux qu'il doit dresser, pour mener les jeunes chevaux avec le cavetzon, car le picqueur aura encor de la besoigne avec dix ou douze chevaux, bien qu'il soit secouru des jeune hommes mentionnez, és choses plus labourieuses.

Les Seigneurs ont des pages sous le cavalerisse, qui font bon effect, moyennant le sage commandement d'iceluy, qui ayant jugement & experience de bien discerner les forces, le naturel & proprieté diverse des jeunes chevaux, il scaura les brider (s'il en a experience & practique longue) & leur donner mors

& gardes propres, les premieres, bien faciles & agreable, & puis avec le temps, les scaura changer, car il n'est vray cavalerriffe, s'il n'est parfaict en cest art, qui est le premier point de la chevalerie, & quine s'apprend que par longue experience: l'estre bien & justement en selle, composer bien le corps & les gestes, manier bien un cheval, le mettre aux passades ou remises, au galop, au redoubler, aux corbettes & choses semblables, s'appred par l'instruction de seconde personne, comme es livres de Grison: Cent embouschures avec les gardes diverses, sont tost peinctes ou tirées sur le papier, mais comment & quant il les faut appliquer, doit estre jugé par homme de longue experience. Les livres sont plains de figures de mors, & gardes diverses, dont l'inexpert ne se scait aider: je tiens que ny vieil ny moderne cavalerriffe se soit contenté de ce qu'il en scavoit, ains qu'il y aprenoit tousjours durant le cours de sa vie. Le desire qu'il y aye intelligence fraternele, entre le maistre d'estable & le cavalerriffe, pour le bien de leur maistre, & servir comme d'exemple aux vallets. Il convient avoir un bon mareschal, tant pour le ferrer, que le medeciner, qui importe le plus: par des mareschaux bons & experts, l'on voit tant de bons chevaux sauvez, & au contraire s'en perdre beaucoup, par des presomptueux & inexperts:

l'art

l'art de ceux cy consiste pareillement en l'experience ; & ores que grand nombre d'auteurs Latins & Grecs ont bien escrit des cures cavalines, il en prend aux mareschaux, comme aux medecins & escuiers, auxquels la Theorie sert bien peu, sans la practicque & longue experience, outre ce, que ces auteurs ne sont gueres entendus, que par les scavans. Il faut aussi estre curieux d'avoir des bons vallets d'estable, qui pensent les chevaux par affection, & allaigrement, & point à regret, battant & maudissant les chevaux hors de propos, tellement que les chevaux en empirent, en lieu de parcroistre, & estans les vallets de ce reprins, s'enfuient, vont à la guerre, & ceux qui sont de mauvaise vie, yvrognes ou putaniers, ne faut retenir. Moyennant les choses & debvoirs mentionnez, l'on ne manquera d'eslever des bons & excellens chevaux, estant avec ce requis, que le Seigneur mesme s'y plaise, & qu'il s'entende bien à tout ce qui depend de ceste education cavalline, visitant personnellement bien souvent les estables, que mesme il monte à cheval, qu'il manie & recherche ce que ses chevaux auront dernièrement apprins, pour reconnoistre quel debvoir son cavalier aura fait, tous ceux qui pensent & ont cure des chevaux, seront plus diligens en leur debvoir, pour estre en grace du Seigneur, qu'ils verront se plaire en les chevaux.

chevaux. Vn Persien demandé, quelle chose plus engraiſſoit le cheval ? respondit, l'œil du maistre : & vraiment estant le maistre nonchalant, ou peu curieux de ses affaires, aussi le seront ses vallets : Si l'on ne donne audience à ceux qui chantent la Musicque, ils cesseront de chanter : Le cavalerisse perd courage de travailler & dresser les chevaux, voyant que le Seigneur ne s'y entend, ou ne s'y plaict : tellement qu'il doit par fois prendre esgard à toutes choses, & les visiter quant moins il y est attendu, pour tenir ses gens en debvoir & continuation.

Nous dirons maintenant, comment ces chevaux nobles doibvent estre penſez ; car les bons sont ruinez par estre mal gouvernez ; les mauvais par estre bien traictez, remis & refaiets. Tout y doit estre par regle & compas, touchant la quantité de l'avoine, de foin & de l'eau. Les hommes, mangeans, beuvans & dormans sans regle, s'en trouvent mal : Le mesme est des chevaux, disant Columella, que quant l'on leur donne à manger hors les heures ordinaires, que le mal de teste leur en prend, lequel l'on guarit à leur tirer du sang, l'on doit pareillement observer ce qui nuit aux chevaux, & les en garder. Cicero donnant reigle aux hommes pour vivre. *Valetudo, inquit, sustentatur motitia sui corporis, & observatione, qua res aut pro-*
desse

desse soleant, aut obesse. Il en y a qui font d'opinion, que ny les hommes ny les bestes, ne doibvent vivre tant reiglez, pource que ce reiglement ne peut estre observé en guerre, je ne suis de cest advis, ains d'observer reigle tant que l'on pourra, & en quel lieu que ce soit.

Quant aux chevaux, comment l'on les doit nourrir, il y a des opinions pareillement diverses, la mienne est, que d'esté, les vallets viennent à l'estable à quatre heures le matin, & d'hiver à cinc heures: la paille & fiente sera en premier lieu, ostée du lieu de chasque cheval, & puis d'un ramon bien nettoyé, le cheval tourné la queüe vers la mangeoire, la teste en dehors, alors l'estriller par ordre, qu'il soit net de poussiere sur le cuir, à quoy l'on mettra du temps assez; car l'estriller excite la chaleur & force naturelle du cheval, comme les medecins d'antiquité faisoient grand cas des frications, frottans avec draps chauds, la peau des hommes aâgez, pour y attirer le sang aux parties exterieures, & exciter les esprits vitaux. Les estrilles doibvent estre selon le poil des chevaux, pour ceux d'Espagne & de Turquie, ayans le poil court, l'estrille doit de mesme avoir les poinctes bien courtes, & plus longues pour chevaux de Frise & semblables: aux chevaux de poil court, l'on oste bien la poussiere avec des

espoucettes un pied de long, larges la main d'un homme, moyennant que les poils de porc y soyent mis bien espez, point plus longs que la largeur ou grosseur d'un doigt, les nettoyant chasque fois sur l'estrille, le cheval tost qu'il sera estrillé, luy convient frotter contre poil, la teste, le col, & tout le corps, avec un drap linge, lequel doit estre une fois le jour lavé en eau chaude, & seisché à l'air ou au Soleil, lesquels linges sont plus propres, que le drap de laine à cest effect, les bras luy doibvent estre fort frottez, mais les jambes deriere assez doucement, pour ne point forcer les nerfs, comme l'ordure se met le plus aux pasturons, aussi conviêt il, qu'ils soyent le plus frottez: Le toupet & le crin seront peignez tout sec, sans aucunement mouïller ces poils; ceux qui les font moites afin qu'ils se fassent plus longs, s'abusent grandement; car l'ordure s'y met de plus, & puis l'eau y cause demangeure, qui faict que les chevaux se frottent, & y font tomber le poil, & la rogne leur en prend: le crin doit estre remis & peigné plusieurs fois d'un costé, & puis de l'autre, qui faict le poil long & beau: Quant à la queüe, ne la faut peigner, ains ouvrir & declacher le poil avec les doigts, vers le bout du tronc d'icelle, viennent entre les poils longs, des plus courts, tant seulement longs d'un doigt, qui donnent de la fascherie aux chevaux, ceux d'Espagne

pagne en font le plus subjects , il les convient chercher , & les arrascher . Les chevaux nettoyez de ceste façon, se couvriront l'esté avec un linge, afin que la poussiere ne leur puisse tomber sur le dos, ny les mouches les tourmenter, & d'hiver de drap pour la chaleur ; car le froid interesse fort les chevaux, avec ce, que l'on ne doit jamais laisser sans couverture les bons & nobles chevaux, ny de jour ny de nuit: les autres pour voyager , & de moindre qualité, ne doibvent estre couverts, car ils en deviennent delicats . Estans ces chevaux nostres, retournez la teste à la mangeoire, l'on leur y donnera un peu de foin, afin qu'ils boivent mieux ; & ayans beu, l'on leur redonnera encor un peu de foin, mais aux chevaux de l'aâge de six ans & plus jeunes, l'on peut donner plus abbondamment du foin ; tout cecy peut estre achevé à deux chevaux par un vallet, en deux heures de temps, & ne convient qu'un vallet en pense plus de deux, apres l'on leur donnera l'avoine bien nette de poussiere, sortant chascun de l'estable, afin qu'ils mangent à repos, & les laissant là jusques aux onze heures, l'on leur redonnera un peu de foin & de l'eau, & puis du foin & de l'avoine comme le matin: pour la troisieme fois, l'on leur fera le mesme sur le soir à quatre heures, les peignant & frottant, & leur redonnant la paille à leur faire litiere pour y coucher, &

puis les laisser jusques aux six heures du soir, alors l'on leur donnera double portion d'avoine, selon que l'on leur en aura donné une des trois precedentes fois, les frottant & nettoyant, mais il ne convient à ceste heure les estriller, ny donner de l'eau, mais devant donner avoine, leur nettoyer & evacuer les pieds, que l'on emplira de fiente de vache meslée de vinaigre, engraisant la corne du pied en dehors, d'un unguent propre, un heure ou deux apres, le maistre d'estable doit venir veoir si chaque cheval à mangé sa portion d'avoine ou non, pour les nourrir de là en auât, de moins ou de plus, selon qu'ils sont avides & grands mangeurs, combien qu'à mon advis, quant les chevaux sont de repos, l'on les doit accoustumer à manger une quantité precise & proportionnée; mais quant ils sont travail ou aucun exercice, l'on les peut nourrir plus fort, & à leur appetit, pendant soing sur tout, qu'ils ne soyent aussi trop peu nourris, ou qu'ils ayent faute d'avoine, car ils s'aneantissent, & leur en viët une rogne mal guariffable. Chevaux gras qui ne travaillent, se nourrissent & se maintiennent de peu d'avoine, les trop gras ne sôt propres pour aucun travail, & les maigres n'ont force aucune: un corps mediocremët gras, est le meilleur pour chevaux: Aucuns chevaux comme ceux d'Espagne, ont le naturel si bon, qu'ils s'engraissent mangeans
peu,

peu, à ceux cy convient amoindrir la portion ordinaire; des autres quoy qu'ils m'agent, ne deviēnent gras, aufquels pour cela ne cōvient dōner par trop à m'ager à la fois, ains leur agrandir la portion peu à peu, comme l'on doit aussi amoindrir peu à peu la portion des chevaux trop gras, cest ordre doit estre bien observé pour les chevaux de guerre. Il se dict qu'Alexandre le grand à faict sortir & pourmener trois fois le jour son cheval Bucephalus, afin que demeurant en exercice, il ne se fist trop gras. Le mesme Alexandre a de son temps escrit à un sien escuier, qu'il fist ouvrir les narines à un de ses meilleurs chevaux, & qu'il le fist avec ses autres bons chevaux, pourmener deux fois le jour, & puis qu'il gardast bien de les faire trop gras, pour les pouvoir continuer à la guerre: les chevaux que l'on entend laisser aller le matin à l'escole, ou bien pourmener un demy jour, ne doibvent le matin manger grain avant cest exercice, tant seulement on leur donnera un peu de foin & de l'eau, pas trop aussi, avant que les seller & brider; car la repletion leur faict du mal, & nuit à leur exercice.

Le cavalerisse doit manier les chevaux le matin, car ils sont alors plus prompts & plus allaigres que apres le midy, il seroit requis qu'à dix heures & devant, ils fussent de l'escole remis à l'estable,

afin qu'à loisir ils se rafraischissent, & puissent boire & manger avec les autres à onze heures, beaucoup de chevaux sont gastez, pour leur avoir donné à boire & à manger, devant qu'ils eussent repris l'haleine, & fussent estez rafreschis du travail fait : Partant, apres qu'ils auront esté sur la bride une heure, il les convient tourner à la mangeoire, & les estriller à la haste, leur bien frotter les jambes, & les couvrir du drap ordinaire, & les laisser jusques à l'heure que l'on leur donne l'eau & l'avoine à l'accoustumée, qui est à onze ou douze heures, l'apres disner, quant ces chevaux qui ont esté aux champs, seront bien seischez, il les faudra bien estriller & penser. Voila comment il convient faire des chevaux de selle, n'est qu'ils fussent fort eschauffez; alors il ne les convient si tost remettre à l'estable, ains les faire mener à la main pour quelque temps à l'ombre, tant qu'ils ayent prins haleine, & soyent rafraischis, si estans menez ils fientent ou pissent, ils sont hors de dangier de se faire malades du travail, apres que l'on les remette à l'estable, & que l'on les pense selon l'ordre susdit. A la saison que les chevaux doibvent changer de poil, apres qu'ils sont estrillez, leur faut passer les mains moittes par le corps, pour en faire tomber le poil, qui est chose tres-bonne, & leur fait le poil court, les Italiens l'appellent *Spalmare*. Les chevaux

qui

qui point ou bien tard jettent le poil, se portent mal, qui le jettent tempore & en bref, ou en peu de temps, au contraire se portent bien: Qui en a la commodité, doit faire estriller les chevaux hors l'estable, en un lieu ouvert & spacieux, hors du Soleil de grand matin; car cela leur donne courage & allegresse. Quant à l'eau que l'esté l'on donne à boire aux chevaux d'esquie, si elle vient de puis froid, il la convient puiser & retenir à l'estable, ou hors du Soleil un jour de long, devant que les en abeuver, les eaües froides interessent la santé des chevaux, tant jeunes que vieux, & ne sont bonnes aux juments qui portent poulain, dont elles avorteroient: L'eau courante leur est plus propre, non pas la clere, mais estant un peu trouble & grossiere: Le cheval à sur tous animaux, le poulmon grand, & avale plus d'eau, & à plus grands traicts, qui luy apportent grand froid, lequel luy faict enfler le poulmon, ce qui luy faict du mal tel, qu'il en devient prins & perclus par le corps & par les jambes. Cest eau que l'on reserve en vases de bois un jour entier, pour abeuver les chevaux, y doit estre tenu nettement, que rien n'y entre. Marchant en campagne, ou passant chemin, ne convient user de la coustume de quelques nations, qui bien souvent font boire leurs chevaux à toutes eaües; car selon le dire d'Aristoteles, un cheval se comporte

quatre

quatre jours sans boire, je tiens qu'en travaillant, il fera bien quatre à six heures sans estre abeuvré: le boire souvent, tant aux hommes qu'aux chevaux, n'est qu'une mauvaife accoustumance: nous voyōs chevaux venir chez nous, de pays plus Meridionaux & Orientaux que les nostres, de constitution plus fougueuse que les nostres, qui ne boivent en chemin ny en campagne, qu'aux heures ordinaires & aux estables. Autant de mal faict aux chevaux, le foin & fourage mal sec, puant & rheumaticque ou plain de poussiere, qui les faict touffer & estre poussifs, le grain qu'on leur donnera de mesme, sera bien net & sans poussiere.

Il est requis purger les chevaux une fois l'an, non avec des drogues dont l'on ne se sert qu'aux maladies grandes qui leur surviennent innopinement; je parle de purger chevaux se portans bien: car il n'y a corps tant bien disposé soit il exterieurement, qui par le laps d'un an, ne soit alteré interieurement, ou par le trop, ou par le peu d'exercice, par le trop manger & trop boire, par s'estre eschauffé ou refroidy: Les hommes fort curieux de leur santé, se purgent deux fois l'an, au printemps & en l'automne. En quelle saison l'on doit purger les chevaux, nature nous en preadvertisit, qui faict naistre les herbes nouvelles au printemps, lesquelles herbes y sont propres estans tendres, avant jet-
ter

ter ou faire la fleur:és pays divers, il y a coustumes diverses à purger chevaux, dont j'en diray pour les personnes curieuses.

En Espagne comme en Barbarie, ils prennent l'orge en herbe, estant parvenue à la hauteur d'un pied, ils la donnent à manger à leurs chevaux, mais peu à peu, & de plus en plus; ils la cueillent le matin, estant mouillée de la rousée, & ostent dans le terme de cinc jours, peu à peu le grain aux chevaux, en fin desquels ils le leur quittent du tout, ne leur donnant autre chose, que ladicte orge en herbe; neantmoins fort peu, comme la prinse d'une main à la fois: & quant les chevaux n'en veulent plus, l'on les laisse là une heure ou deux, apres l'on leur en redonne consecutivement, tant & si longuement qu'ils en veulent, & les abeuvent à l'ordinaire, mais ils boivent fort peu, & des aucuns point du tout: Ce que ces nations mentionnées disent mettre les chevaux au verd, & leur frottent la langue bien souvent le jour, de vinaigre & de sel, pour leur esmouvoir l'appetit, car cest orge verd, du commencement, cause repletion qu'on ne scauroit prevenir: ils leur ostēt les quatre fers, & les laisēt les quatre pieds sur la fiente, & ne les estrillent, peignent ny frottēt, durant le temps qu'il māgent verd, ces chevaux commēcent à s'engraisser apres les premiers

dix ou douze jours, durant lesquels, ils se purgent bien fort par le ventre & par l'urine, tout ce temps, ils ne les bougent du lieu, ains les y laissent quatre ou cinc sepmaines: la Lune estant en signe propre, leur tirent le sang du col & du ventre, & puis les laissent encor dix ou douze jours au mesme ordre, les traictant comme devant; mais apres ce terme, ils leur donnent de moins en moins l'herbe d'orge, & peu à peu, & de plus en plus, leur commencent à redonner le grain sec d'orge ou d'avoine, lequel grain à esté trempé une nuict en eau, afin que ces chevaux qui ont les dents aigres de l'herbe, puissent moudre ou briser ce dict grain sec; ce qu'ils continuent quatre à cinc jours, apres lesquels ils retournent à nourrir leurs chevaux comme devât de grain sec, & les lavent de haut en bas de savon, les nettoyant tres-bien, puis leur remettent les quatre fers, les exerçans moderément, par ou ces chevaux peu à peu perdent la graisse superflue, & deviennent beaux: voila la coustume de ceste nation, estimans par là, leur faire du grand bien, que je ne tiens estre vray, pour raisons suivantes. En premier, que ce n'est un maniere de purger, ains d'engraisser des chevaux, comme l'on faict aux bœufs & porcs; car les chevaux ne se rendent si promptement gras, sans se charger d'un humeur aquaticque & froid, pour estre ceste herbe d'orge,
pareil-

pareillement froide & humide, ces humeurs pour se descharger, se mettent és extremitéz du corps du cheval, qui sont les jábes. S'ils ne dōnoyent cest orge verde que quatorze jours de long à leurs chevaux, l'on le jugeroit estre plustost pour les purger & rafraischir, que pour les engraisser, leur continuant donner le grain ordinaire; neantmoins un peu trempé en eau, couvrant, estrillant & pensant ces chevaux à l'ordinaire, ils en useroyent mieux; car l'on trouve fort peu de leurs chevaux, qui quelques estez ont esté traictez de ceste leur façon, qui n'ayent les jambes plaines de maux, galles, sur os & autre, ce qui leur vient de les avoir ainsi engraisfé: car autrement tous ces chevaux ont la jambe belle & seische: il apert à ceux d'Espagne, qui jeunes viennent chez nous sans avoir esté engraissez, ny tenus tant de temps dans leur fiente & ordure.

Il y a outre ce, encor un autre mal, qui est que ceste nation ne discerne l'aâge des chevaux, traictant & faisant aux vieux comme aux jeunes, s'il est question de purger: Car tous chevaux apres l'aâge de sept ans, ne requierent tant de purge, & à mon advis, ne les doit on apres cest aâge plus purger d'herbe, s'ils ne monstrent d'en avoir du be-
soing par les signes suivantes: comme quant le cheval à les levres seisches avec des plis, quant il

est triste, & que les yeux luy commencent à enfoncer, & sont peu clers, ayant les flancs retirez, que le poil luy commence à heriffer, mangeant peu, estant mal plaisant & tardif en action, tel cheval desire estre purgé d'herbe; car il se porte mal par chaleur superabondante; il sera par l'herbe verde, tout refaict & renouvelé. En Italie principalement à Naples, ont ils un autre maniere de purger, dont ils usent pareillement au Royaume de Valence, qui est avec une herbe qu'ils nomment *Trifolio Cavalino*, les Latins *Medica*, il ressemble au trefle, fors qu'il est plus grand & longuet, lequel une fois semé, revient trois ans de suite sans le resemer, & dure de long de l'esté, apres estre taillé il revient, mais il le convient tailler par rancs, afin qu'il revienne proufitablement.

Aux chevaux que l'on entend purger, n'en faut pareillement pas donner trop à la fois; car joint icelle, l'on donne le grain ordinaire à ceux qui en purgent lentement, sans perdre leurs forces, & s'en font gras: ceste maniere de purger me plaiet bien, signamment és pays chauds; car il les rafreschit tellement, qu'ils demeurent encor vigoureux pour faire travail: Ceste herbe est retrouvée & connue chez nous, où l'on la donne aux vaches, qui en sont abondantes en lait.

De ceste herbe dicit Plinius. *Medica externa* Lib. 18.
cap. 16.
*etiam Gracia, ut à Medis advecta per bella Persarum, quæ Darius intulit, sed vel in primis dicenda: Tanta dos eius est, cum uno satu amplius quàm tricenis annis duret. Similis est trifolio, caule folijsque geniculata: quidquid in caule assurgit, folia contrahuntur. Unum de ea & cytiso volumen Amphilo-
 chus fecit confusim. Solum in quo seratur elapidatum purgatumque subigitur autumno: mox aratum & occatum integitur crate iterum & tertium, quinque diebus interpositis & fimo addito. Possit autem siccum succosumque vel rignum. Ita preparato seritur mense Maio aliàs pruinis obnoxia. Opus est densitate seminis omnia occupari internascensque herbas excludi. Id præstant in jugera modica vicena, cavendum ne adurant, terraq; protinus integri debet. Si sit humidum solum herbosumve, vincitur & desciscit in pratium. Ideo protinus altitudine unciali herbis omnibus liberanda est manus potius quàm sarculo. Secatur incipiens florere, & quoties refloruit. Id sexies evenit per annos cum minimum quater: In semen maturescere prohibenda est, quia pabulum utilius est usque ad trimatum. Verno seri debet, liberariq; ceteris herbis: ad trimatum in arvis ad solum radi. Itaque reliqua herba, intereunt sine ipsius damno, propter altitudinem radicum. Si evicerint herba, remedium unicum est*

eratio, sapius vertendo, donec omnes alia radices intereant. Davi non ad satietatem debet ne deplere sanguinem necesse sit: & viridis utilior est.

Les Turcs, Hongrois, Polacques & autres, residans Nord-est de nous, ont de coustume, aussi tost que l'herbe est parvenue, mettre leurs chevaux aux herbes un mois & demy, lians chasque cheval, d'une longe à un baston, lequel ils changent souvent de lieu, l'herbe estant mangée aux environs; ceste façon de purger est aussi bonne, l'on s'en sert pareillement en ces Provinces, mais il est penible d'en user avec les ronsins, avec chevaux hongres est il & facile & bien practicable. Mais l'herbe de ces pays me semble trop froide, dont les chevaux venans d'estables chaudes, morfondent par trop, & du froid qu'il faict la nuit, ce que les jeunes chevaux peuvent mieux endurer, pour n'avoir gueres estez sur les estables; mais à ceux de cinc & de six ans, est il chose nuisable: partant le meilleur & plus assure est, que l'on leur donne l'esté l'herbe aux estables, pour les purger & rafraischir le terme de quatorze jours ou trois semaines, selon qu'ils se purgent promptement: En Italie, ils en usent pareillement ainsi, donnant l'herbe aux chevaux de l'esté, & jointement le grain ordinaire, plus pour les rafraischir, que pour les purger. Qui veut purger & rafraischir les chevaux sans leur donner l'herbe,

l'herbe, qu'il leur donne à manger carotes ou racines jaunes, taillées par petites pieces, ou bien des melons pareillement taillez par pieces, ou des jeunes chardons, de tout cecy se purgent les chevaux bien fort par l'urine, le mesme effect leur font les figues verdes en quantité, & le raisin meur, leur donné quatorze jours de long, dont les chevaux poussifs se guarissent.

Après le purger, doit suivre le tirer sang, qui pareillement est une evacuation qui importe autant que le purger: Il y a des opinions qui veulent tirer sang au cheval quatre fois, des autres, trois fois par an & plus, & selon les opinions vieilles, l'on ne leur en doit tirer point du tout, si une grande necessité ne le requiert: de moy je ne suis de cest advis, car en ce pays froid, l'on ne doit tirer sang du cheval tant des fois, comme bien on le pourroit faire és pays Meridionaux, les chevaux y ayans le sang plus alteré; car la force, mesme la vie de tous animaux, consiste au sang, si l'on le leur tire trop souvent, ils n'ont force ny vie longue. Le naturel des chevaux est tel, qu'en esté à la plus grande chaleur, & en hiver avec le plus grand froid, ils ont le moins de vigueur & de force de tout l'an, partant l'on ne leur doit tirer sang en ces deux saisons, ains quât il ne faict ny chaud ny froid, qui est en Avril & en Septembre: Et ne tirer sang des chevaux, que

que quant ils sont malades, il est assez tard, le meilleur seroit prevenir à la maladie: Tellement qu'en ces pays, l'on doit par deux fois l'an, tirer sang des chevaux, au commencement de l'esté, apres qu'ils ont mangé l'herbe, estans un peu purgez, & aux chevaux qui ne mangeront l'herbe, l'on donnera dans leur avoine, quatorze jours devant leur tirer sang, & quatorze jours apres, Fene grec, noix de Bay, Saviniere & Gentiane, de l'un autant que de l'autre, le tout pulverisé & meslé, plain une cueilliere chascque fois; en Septembre ou en Octobre, quant pour la seconde fois l'on voudra tirer du sang aux chevaux, il leur conviendra donner ainsi ceste poudre en l'avoine, observant le cours de la Lune en le tirant, qu'il convient faire le matin, devant qu'ils ayent beu ny mangé, & ne doibvent manger ny boire, que trois heures apres. Les chevaux ausquels l'on ne tire nul sang, sont en dangier d'avoir la rogne, la veüe mauvaïse, & autres inconveniens.

Aux ronsins de quatre ans, ny aux hongres, ny aux chevaux vieux, ne faut tirer sang, qu'au grand besoing, & qui le leur voudra tirer contre mon advis, qu'il ne le face qu'une fois l'an, à la prime-vere: Il arrive que l'on est necessité, tirer plus que les deux fois mentionnez, du sang à un cheval, comme quant luy viennent par le corps des pustules, tout
ainsi

ainsi que si les mouches l'avoient picqué, si les veines luy sont eslevées ou enflées, si les yeux luy sont plus enflammez & rouges que l'ordinaire, s'il est apesanty, s'il se frotte continuellement, s'il ne mange ny digere biē, si son urine est rougeatre & puante, il convient luy tirer encor du sang, soit en esté ou en hiver, chaud ou froid, le meilleur est la Lune estant en decours, & le matin; car la necessité n'a regle. Pour scavoir de quelles veines l'on leur doit tirer sang, il convient prendre esgard à la maladie du cheval, & en faire bien juger par un maistre mareschal expert: Car ce que j'ay dict de tirer sãg, s'entend tant seulement de chevaux non malades, desquels convient tirer sang de la veine du col, & de celles du ventre, changeant chasque fois la veine du col, ores du costé dextre, ores du gauche, je ne trouve convenir, que l'on le tire de deux costez ensemble du col, ains d'un costé seul, bien des deux costez du ventre, principalement quant il n'y a grande maladie. Et quant à la quantité du sang, l'on n'en doit tirer tant de chevaux d'aage de huit ou de neuf ans, que des plus jeunes, observant toujours la complexion des chevaux, comme l'un est plus abondant en sang que l'autre, & se conformât à icelle. Dans la bouche, du palais faut tirer sang tous les deux ou trois mois, selon qu'il y sera enflé, avec la Lune décroissant, & le cheval à jeun, ceux

qui par curiosité le font tous les mois, & tirent pareillement du sang par le nez du cheval, à intention de conserver la veüe bonne, au contraire, attirent beaucoup d'humeurs du cerveau sur les yeux. La coustume en Allemagne, & en ces pays bas, est vieille, mais fondée sur nulle raison, de tirer du sang aux chevaux, le jour de saint Estienne apres le Noel, le plus froid de l'an, ce qu'alors, ny és jours caniculaires ne convient, pour raisons alleguées. J'ay dict qu'il ne convient purger ny tirer sang aux chevaux, sans observation du cours de la Lune, ce que le bon maistre mareschal n'obmettra : Car mesme le Philosophe Aristoteles, a donné reigle à son maistre & disciple le grand Alexandre, qu'il n'allist à la guerre, qu'il ne print medecine, qu'il ne se fist tirer sang, & qu'il n'encommençast chose d'importance, sans qu'il eut premierement observé le cours de la Lune.

Les chevaux qui viennent du travail, soit de l'escole ou des champs, convient laisser une heure à l'estable, devant les mettre en l'eau; l'esté en eau courante, & l'hiver, le meilleur est les nettoyer & laver à l'estable, tres-bien essuyant les jambes, le moins que l'on peut mouïller le corps du cheval, & point du tout les genitoires si possible est: l'on ne les doit mettre en l'eau, point plus profond que aux genoux, point mouïller le ventre, l'arrestant en
l'eau

l'eau contre le courant quelque peu, ou le pourmener en l'eau contre le courant, luy faict du bien aux jambes, j'entens l'esté; aux chevaux maigres, ne convient aucunement baigner le ventre, qui leur faict du mal, & puis s'égraiſſent moins par le froid, au contraire, les chevaux bien gras faut faire nager l'esté à la grande chaleur, pour les rafraſchir: à la plus chaude ſaiſon, & à la plus froide de l'an, ne convient travailler bien fort le cheval, pour raiſon, qu'alors ſes forces ſont moindres; j'entens que par tout l'an, l'on le travaille mediocrement, car le peu d'exercice leur nuit comme le trop.

Avenant qu'un cheval aye faict plus de travail que de couſtume, le ſoir apres eſtre penſé, il luy convient laver & froter les jambes de vin ou de biere chaude avec du beurre, qui fortifie les nerfs: Allant par voyage, il eſt bon apres avoir oſté la ſelle aux chevaux, leur apprendre à ſe veautrer comme font les mules, s'ils y ſont inclins & prompts, faut juger qu'ils ſe portent bien, avec ce, que cela les ſoulage & recrée fort. En Turquie, comme en Eſpagne, l'on attache ſur l'eſtable, les chevaux par une ou par deux jambes deriere, afin qu'ils ſoyent plus arreſtez & quois; je ne le trouve bon, car ils en marchent mal gratieusement, & moins ſeurement, comme ſi le pied leur eſtoit tousjours attaché, j'ay veu des chevaux d'Eſpagne qui avoyent ceſte

mauvaise grace. Il convient accoustumer les chevaux de venir, approcher, & s'arester volontiers au montoir, chose tres-requise à celuy qui y veut monter armé de toutes pieces.

Maintenir & entretenir bien les pieds du cheval, est chose autant importante, que le bastiment de la maison, aye le fondement bon.

Le pied plain, doit estre entretenu avec onguent propre, sans le fienter par dedans, ce qui toutefois est requis & necessaire aux pieds fort creusez, afin que la vie ne s'en retire trop, & que la corne ne devienne trop seische ny esclatante, dont en Espagne, assez de chevaux sont ruinez, comme ils ne sont curieux d'entretenir les pieds.

Tous les mois, convient façonner les pieds, oster & remettre les fers, regarder à la bouche, s'il n'y a dêts de loup qui interessent les maschoires, si le palais n'est enflé. Allât ou faisant journées, convient par fois, donner tēps au cheval en deux ou en trois heures, d'uriner, autrement venant à l'estable, il arrive qu'il ne le scait faire, qui est un mal dangereux, & le faut laisser sur la bride, qu'il ne mange ne boive qu'il n'aye uriné, à quoy faire, il le convient assister & induire. Il est requis de par fois, regarder à la fiente du cheval, pour en juger s'il a quelque mal, si la digestion est bonne, s'il
n'est

n'est sec ou brulé au corps , & choses semblables, pour prevenir que maladie ne les surprenne. *Galenus. Veneti & Prasini studiosi sectatores equorum stercora, quo intelligant quemadmodum alimenta concoxerint, odorantur, tanquam ex eo omnem eorum bonam habitudinem cognituri*: Il faut pareillement engarder les chevaux de manger terre , de la toille ou du cuir , qu'ils ne peuvent digerer , ains s'en font maigres , adustes, & eticques à la langue , & puis qu'ils ne mangent la litiere, qui d'ordinaire est humide, ayant seruy une nuict seulement, ce qui leur est mal sain, aussi tost que l'on s'apperçoit qu'ils sont inclins à ce faire, convient oster la paille, ou bien les attacher haut, avec une des longes du licol, ils en deviennent poussifs, en sueur continue, & puis l'haleine leur en devient puante. En fin, l'on ne scauroit tenir trop nettement les chevaux, pour en avoir du bien.

Des defectuositez des chevaux, & ce que l'on doit observer les achaptant.

CHAP. XXIII.

IL n'y a chose au monde qui n'aye son contraire, ce qui m'a meu à discourir en ce dernier chapitre, des manquemens, vices & defectuositez de quelques chevaux, pour par iceux mieux descouvrir leur valeur & perfection, tant du corps que de l'esprit, duquel nous commencerons: A la sobriété s'oppose la gourmandise, à l'animosité la couardise, à la prudence la temerité, en fin à chasque vertu quelque vice, & estant cognu l'un des deux contraires, l'on parvient plus facilement à la cognoissance de l'autre, selon la reigle commune: & commençant aux defects de l'esprit.

En premier lieu, que je tiens pour bien grande imperfection en un cheval, l'estre ombrageux, peureux & timide, ces trois vices d'ordinaire s'accompagnent, comme ayans mesme origine, sont insupportables, principalement en un cheval de guerre, estant son chevalier perdu, devant qu'aprocher l'ennemy, comme est celuy qui avec tel cheval passe chemin, se mettant en dâgier de tomber, & estre jetté en quelque precipice.

Le

Le second vice d'esprit, est quant le cheval force la bride, emportant son homme aussi tost entre les ennemis, qu'entre les amis, dans l'eau, comme dans le feu, sans qu'il le puisse retenir ou remettre en arrest. Lucianus parle du jeune homme emporté de ceste façon de son cheval, à qui il fut demandé où il alloit de plaine carriere, lequel respondit, la part qu'il plaict à mon cheval, donnant à entendre, qu'il n'estoit maistre de son cheval.

Le troiesme, le cabrer des chevaux, chose pareillement bien dangereuse, principalement quāt ils avançent ou marchēt quelque pas sur les pieds de deriere, l'on ne se peut tenir en selle, & ceux qui s'y tiennent, sont en dangier de renverser le cheval sur eux, & de se rompre le col.

Le quatriesme est quant le cheval se met en cholere, en quoy il approche fort à ceux qui sont insensez, & n'y a difference qu'en ce que la fureur est cōtinuelle, & la cholere de peu de durée, qui prent aux chevaux à l'impourveüe, estant passée, ils retournent à leur naturel, & sont apres paisibles & traictables comme les autres. Plinius dict qu'aux contrées d'Abdere, qu'on appelle les limites de Diomedes, viennent quelques herbes, qu'il dict ne cognoistre, qu'estant mangées des chevaux, les font ainsi choleres & insensez, & bien que ceste cholere leur passe, il est chose par trop dangereuse,
princi-

principalement en guerre : ces chevaux bondissent & sautent de travers , en arriere & en avant , mordent apres les pieds de ceux qui y sont montez , ou se mordent eux mesmes à la poictrine , ou la part qu'ils peuvent attacher leurs dents , laquelle frenesie leur arrive quant moins l'on s'en doute . L'on peut aucunement remedier à ce mal , leur tirant force sang , bien que pour cela , ce mal ne les laisse entierement , partant le meilleur est s'en de faire , car l'on n'en pent attendre que malheur .

Le cinquiesme vice de l'esprit , est qu'un cheval tire ou rue tant aux hommes qu'aux chevaux , car tel cheval ne duit à la guerre , comme avec luy , l'on ne peut marcher en ordonnance , n'y s'arester pres & jointement des autres chevaux , dont ils mettent en desordre un grand nombre .

Le sixiesme est que le cheval mord , lequel vice , d'ordinaire est accompagné du susdit , l'un & l'autre est tres-dangereux pour ceux qui les pensent , il s'en est veu qui ont tué personnes diverses , qu'ils avoyent prins avec les dents , les pressoyent contre terre , puis les fouloyent des pieds de devant : les chevaux ayans ce vice , avec plus grand aage y sont plus inclins : ces mordeurs & frappeurs , d'ordinaire sont grands criarts , se tempestans apres autres chevaux , ce neantmoins , timides & sans cœur , & de peu de force .

Le septiesme est quant un cheval est retif, & bien que ce vice ne soit autant dangereux que les precedents, si convient il à celuy qui y est monté, avoir patience de s'arester en un lieu à la volonté de ce cheval, quant les autres marchent & gaignent pays, & puis reculer en un fossé ou borbier: avec chevaux tels, personne ne se doit mettre à la guerre.

Le huitiesme est quant un cheval se couche en l'eau ou à la fange, non sans grand dangier de celuy qui y est monté, demeurant attaché en une des estrivieres, ou bien prins de la jambe deffous le cheval, estant armé pesamment, par l'un ou l'autre accident, il se peut noyer, pour le moins gaster tout ce qu'il a à dos.

Le neufiesme & dernier, est quant le cheval par trop redoubte l'esperon, & qu'il pretend eschapper à foy & à son maistre, quant l'on le touche de l'esperon, ce qui arrive bien aux chevaux bons & nobles, que l'on a par trop & sans discretion, chastié d'esperons, comme tant de personnes en ont une mauvaise coustume, qui cause un desespoir à ceux qui sont nobles de courage, & par trop sensibles. Pour affermer la teste du cheval, ne le faut souvent toucher de l'esperon, que au besoin & avec jugement.

Il s'en trouve de tant chatoüilleux, qui onc ne

voulurent prendre l'esperon, & de ceux qui ne se resentent aucunement du coup, lesquels ne sont propres qu'à la charette.

Voicy quant aux vices de l'esprit: Celuy qui au contraire à un cheval, n'en ayant aucun des neuf mentionnez, estant avec ce allaigre, hardy, de bonne bouche, bonasse, fidel & subject: qu'il monte une fois un autre cheval, ayant tant seulement un de ces vices mentionnez, il le jugera tres-meschante beste, au pris de son autre bon cheval, tellement que la vertu & le vice, presens l'un à l'autre, sont discernables aux personnes de peu d'experience, comme est le blanc & le noir.

Quant aux defectuositez exterieures du corps, l'on les descouvre plus facilement és chevaux maigres, qu'és bien gras: desquels vices & defectz, il y a deux sortes. Le premier peut avoir un cheval estant neantmoins bon, cōsistans au modelle & proportion du corps, comme quant un cheval n'est beau, ains sans proportion en aucune partie de son corps: & pour scavoir ce qui est laid en un cheval, convient lire les chapitres precedents, qui parlent des marques blanches & bonnes, & puis de la mesure & proportion de toutes les parties du corps cavalin, il y trouvera la perfection & beauté du cheval, laquelle consiste en ce (pour en parler icy subcinctement) qu'il aye la teste petite & secque,

les

les oreilles petites & poinctues, fort jointes, le col relevé, courbé par le haut, illec deschargé, mais fort & ferme des deux costez, depuis les ganasses sur les espauls. Au contraire, un cheval mal formé & laid, a la teste longue, grande & chargée de chair: les oreilles longues, grandes, panchantes & separées, une encollure courte, grosse, chargée de chair par le haut, & passant ainsi par le corps du cheval de partie en partie, l'on distinguera la beauté & deformité d'iceluy.

La seconde defectuosité du corps, sont maladies de deux sortes, les unes leur estant venues de leurs progeniteurs, dont malement l'on les peut guarir, comme la veüe debile & mauvaïse, les encollures grosses, chargées de chair ou de graisse, l'haleine courte ou difficile, les pieds plains, les jambes grasses, plaines d'humeur & choses semblables, qui viennent de defluxions, car estant l'estallon subject à ces maux, les poulains qui en viendront, le feront de mesme, & en auront leur part, comme j'ay dict en autre lieu.

Les autres defectuositez & maux exterieurs, sont ceux à qui tous chevaux sont subjects, & qui journallement leur prennent pour bien complexionnez qu'ils soyent, lesquels sont innumerables, bien que aucuns en comptent soixante. Desquels maux, je ne diray autre chose, fors que je regrette,

que l'on trouve peu de bons maistres mareschaux, qui cognoissent & jugent bien des maladies cava-
lines, tant s'en faut qu'ils les puissent guarir : ceux
qui en font profession, n'ont qu'une practique in-
certaine, combiẽ qu'il debvroit avoir cognoissance
des simples & de toute sorte de medecines, comme
l'ont les medecins des hommes, dont ils sont bien
esloignez, car la plus part d'eux practiquẽt choses
superstitieuses. De nostre temps, un docte medecin
rougiroit de curer un cheval, animal neantmoins
tres-noble, qui a tant de parties esgales à l'homme,
comme a esté dict, ayant aussi tãt de maladies sem-
blables aux siennes: Bien qu'il y aye des Seigneurs
qui remuneront le medecin, pour luy avoir guarý
un de ses principaux chevaux, autant richement,
comme il feroit, s'il luy avoit remis & rendu santẽ
à un sien amy. Le medecin a plus de difficultez à
guarir un cheval muet, que non pas un homme qui
scait exprimer & descouvrir son mal par parolles
& signes, qui rẽd la cure plus facile. *Vegetius. Nam*
si laus prima medicorum est genus agritudinis in ho-
mine reperire, qui passionẽ suam & manu potest, &
voce signare, quanto magis in nullo medecina neces-
sarium creditur genus agritudinis nosse, cũ mutum
sit animal, & nõ possit proprium indicare læguorem.
Que les cures aux chevaux, ont esté largement re-
munerées, en faiẽt foy le grand Alexandre, comme

son

son cheval fut blessé à la mort, ayant donné bataille au Roy Porrus, il promet au maistre qui luy guairoit son cheval, la valeur d'un Royaume. Et que ce n'est disreputation à un medecin de grâde renommée, curer vn cheval, dict pareillement *Vegetius*.

Quis autem nosse curas jumentorum erubescendum putet, cū optima jumenta habere gloriosum sit? Quis vituperationi det id posse curare quod laudi dicitur possidere? Forsan ipsa opera Mulomedicorum videtur abjectior; notitia autem curationis nō solum honestimis, sed etiam disertissimis convenit. Les Grecs n'en ont rougis, cōme *Absyrtus, Anatolius, Eumelius, Agatotychus, Pelangonius, Theomnestus, Pistorius, Siculus, Litorius Beneventanus, Tiberius, Cassius Fœlix, Hemerius*, & le Dieu des medecins *Hippocrates*, d'escrire de la cure, & de guerir chevaux, comme pareillemēt tant d'autres persōnes doctes, *Aristoteles, Xenophon, Plinius, Columella, Varro, Palladius, Crescētius, Albertus & Vegetius*, qui en particulier a traicté bien doctement de cest art, aucuns Italiens, de mesme *Pasqual Caracciolo*, en son livre de la gloria del Cavallo, aussi *Cesare Fiaschi, Augustino Colombre, Gordano Rusto, Lorenzo Rusio, Giovã Battista ferraro*. C'est chose treslouable, que la personne voyageant avec des chevaux, ou suivant la guerre, scache quelque chose quant aux cures cavallines, & de les faire biē ferrer selon

la proportion de leurs pieds. En Espagne, le mareschal ne s'entremet à autre, qu'à ferrer les chevaux; la cure des maladies se faiçt par autre personne: apres il y a *Alvieteros*, maquignons jurez, qui achaptans quelque cheval, declarent & manifestent realement à l'achaptant, les maux & vices du cheval, pour leur salaire de deux ducats, qui leur est permis d'en recevoir, & point d'avantage. Il est cōsiderable & reprochable, que les amis aussi bien qu'estrangers, s'entretrompent se vendant chevaux; car ceste tromperie ne se faiçt seulement de la valeur d'un cheval, mais il y va de l'honneur & de la vie de l'achaptant, si le cheval est ombra-gieux, retif ou de mauvaise bouche. Et comme l'achapter chevaux est chose dangereuse, plaine de fraude & deception, de la part des vendeurs, marchans, maquignons & courtiers. Je preadviseray & descouvriray à l'achaptant, quelques tromperies & choses couvertes dont ils usent, non que je presume de les pouvoir descouvrir toutes; car journellement, les inventions d'abus sont nouvelles, comme la malice est vray hydre, & que chez nous, naissent des monstres comme en Affricque, & si l'on avoit autant d'yeux que Argus, l'on ne decouvriroit tous les abus & fautes.

En premier lieu, quant l'on pourmene un cheval devant vous, faiçtes le arrester & poser ferme,

&

& puis mesurez des yeux, tous les membres d'iceluy, si n'y trouvez innégalité & chose hors de proportion ou monstrueuse, s'il est bien proportionné, avec vray mesure & esgalité par tous les mēbres, il en faut esperer chose bonne.

Secondement, convient bien regarder aux pieds, tant le dehors que le dedans d'iceux: Car le beau palais doit avoir le fondement bon: estant le cheval bon de tout point, de taille & de marque, s'il n'a les pieds bons, il n'est propre ny à la guerre ny à voyager. Prenez pareillement esgard, s'il pose ses quatre jambes & pieds bien justement sur terre, principalement ceux de devant, qu'il n'avance plus l'un que l'autre, ains soit posé juste & ferme un long temps, sans changer ou avancer un pied & puis l'autre, apres vous ferez donner & presser ferme du pied d'un homme, contre le genoüil du cheval, pour descouvrir s'il y est fort; si l'on voit au genoüil le poil emporté, il faut croire que ce n'a esté par devotion qu'il s'est mis trop à genoüil: & convient observer que les genoux ne soyent courbez en avant, qui sont chevaux usez & passez, ny en arriere, qui sont chevaux sans force.

Pour scavoir la vraye force du genoüil & des jambes du cheval, luy faut mettre la bride sur le col, le laissant aller à val d'un pendant de coline, s'il pretend prendre fort appuy sur la bride, c'est
par

par faute de force aux jambes : Et le faisant aller à mont, si de son motif il se haste fort, il le faut juger foible de rains, & peu fort de l'eschine. Et bien que le cheval se ferme esgalement sur ses quatre pieds & jambes, il convient que ceux de devant comme ceux de deriere, soyent assez long, & bien ouverts l'un de l'autre, & qu'en marchant, il leve hautemēt les pieds, s'il marche au pas, ou qu'il trotte, que ce soit sans s'entretailer de ses fers, ny deriere ny devant, car autrement c'est un grand defect. Il ne suffit que les jambes soyent bonnes, si les pieds & les cornes d'iceux ne le sont de mesme : aux jambes faut prendre esgard, s'il y a des esparvennes, courbes, sur os, malandres, roignes, crevasses : aux talons & aux pieds, si point de quartiers, corne ouverte & esclattée, choses qui de cler jour sont aisées à veoir : Celuy qui ne s'y entend, qu'il prenne autre personne à son assistance ; car l'on trouve peu de chevaux, qui ne participēt des maux & defects mentionnez, partant faut choisir ceux qui en ont le moins. Si un cheval en marchant, remet en terre plustost le talon que la pointe du pied, il est fourbeu, ce qu'il convient observer & s'en garder : Luy levant les quatre pieds, s'il y consent facilement, il se laisse par consequent bien ferrer, & faut opiner le contraire s'il le refuse, de mesme instant, vous voyez s'il n'a point le pied plain : Comment les nerfs

nērs & veines se doibvent descouvrir & monstrier, j'en ay parlé en autre lieu, mais s'ils sont par trop relevez, gros & en dehors, un tel cheval ne peut travailler, & le moins d'hiver.

Tiercement, chevaux qui jouent de la queue, principalement qui la remuent vers haut & bas, ne la reserrant vers les fesses quant l'homme la veut relever de la main, sont chevaux poltrons & sans force.

Celuy qui retire son haleine dru & court, de mesme les flancs, est defectueux au poulmon, ou bien poussif, n'estant de longue vie, ny propre à la guerre, partant sera requis que l'on laisse aller une longue carriere, le cheval que l'on entend acheter, le fermant subitement, l'on verra si ce cheval halette à longs traicts, battant les flancs de mesme, qui est chose requise & bonne: par l'arrest subit ou prompt, vous jugez s'il a bonne bouche, si achevant la carriere, il est en fougue & cholere, si cela passe tost, & se remet en bref tranquille, il est cheval noble; mais de celuy qui retient sa fougue & cholere longuement, l'homme d'armes s'en doit garder.

Quartement, doit l'on bien observer les parties de la teste; car celuy qui recule, ou bien souvent met les oreilles en arriere, est de mauvaise intention, ou bien sourd, & puis

regarder de pres, s'il n'a aux yeux mal de Lune, ce qui à la saison chaude, & estant la Lune és premiers quartiers, est le mieux à recognoistre; comme les defluxions sont alors plus vehemêtes: mais si les yeux sont clers & bruns, & tels que les avons dechiffrez, ne faut craindre ce mal, se gardant d'yeux obscurs, aqueux & sombres: Chevaux qui mal volontier se laissent brider & seller, sont mal propres à la guerre, tellement que l'achapteur les doit faire seller & brider en sa presence: celuy qui volontairement prend le mors en bouche, & incontinent le mache escumant, il a la bouche bonne, estant sain d'entrailles; s'il faiçt le contraire, c'est mauvais signe, tant de la bouche que de la santé; comme aussi il est mauvais, qu'il avance & couvre de la levre d'en haut, celle d'en bas, car il en a moindre liberté d'air ou d'haleine, par le nez comme par la bouche: au contraire est il bon, & faiçt beau veoir les deux levres esgales à peu ferrées, ouvrant les narines, & les retirant haut, faisant bruiçt des dents, comme les chevaux Barbes & d'Espagne.

Quintement, comme c'est chose tres-importante que le cheval soit fort d'eschine, je serois d'avis que l'achapteur, ou bien un homme de jugement en ce faiçt, le montast avant coup, luy commençant à donner le galop, il s'apercevra si le cheval retire,

re, amasse ou agroupe l'eschine, ou bien si se des-
noüant, il la desbende incontinent, il sera de nulle
force, & puis l'on s'apercevera s'il a la bouche bon-
ne, s'il n'est pas ombragieux, s'il est affeuré du pied,
si facile à se laisser monter & desmonter, si volon-
tiers il laisse la compagnie des autres chevaux, s'il
se met en fougue, à quoy il le faut provocquer, s'il
est prompt à l'esperon, & de choses semblables, d'õt
s'apercevera celui qui y est monté, plusieurs de ces
choses sont desguisées par ces maquignons ou
marchans de chevaux, qui y estant montez, vous
en font monstre; car les chevaux retifs feront pour
une fois, ce que l'on desire d'eux, soit par terre ou
haut: partant est requis que celui qui entend acha-
pter quelque cheval, le face monter par deux fois,
par personnes diverses, s'il faict avec l'un comme
avec l'autre, il faut croire qu'il n'est vitieux, & ne
convient faire monstre de ces chevaux à vendre,
pres le lieu de leur escole, mais en lieu non marqué
de leçons, de rons, ou de pistes de cheval; & le ven-
deur qui ne veut laisser monter ses chevaux par
autre, faict croire & penser sinistrement d'iceux:
pareillement est chose d'importance, qu'un cheval
mange bien; le manger avidement, n'est pas bien
manger, ains qu'il mange en brisant ou escachant
l'avoine, autrement elle passe par le ventre toute
entiere, le cheval n'en prennant nourriture, le

manger avec pauses, ou en laisser une reste, n'est bon; mais s'ils la mangent de suite & d'un train, bien que un peu lentement, l'avoine leur fait plus de bien, car ils la maschent mieux que ces chevaux devorans, qui ne s'en font gras. Il doit pareillement uriner facilement, s'il en fait autrement, il a mal au ventre, auquel les chevaux sont fort subjects.

L'acheteur doit s'enquerir de quel haras il vient, & le doit choisir selon l'affaire à quoy il s'en veut servir; pour voyager de plus legiere taille que pour la guerre, pour laquelle il doit estre plus fort & nerveux.

Les practiques dont usent les marchans & maquignons de chevaux, pour en couvrir & desguiser les vices & fautes, sont innumerables, dont je ne presume avoir cognoissance, que de la moindre partie, je ne laisseray partant, d'en dire ce que j'en scay.

Si un cheval à l'oreille grande & large, ils la rongent & coupent par les bords des deux costez, les uns à la mesure de fers propres, les autres sans ferremens: si les oreilles sont trop ouvertes & panchantes, ils les redressent avec des petits nerfs, attachez au cuir de la testiere de la bride, du deseur des yeux, au deriere des oreilles, ou bien les taillent, & en font des courtaux: aux che-

vaux

vaux ayans la veüe trouble, mauuaife, en estat de la perdre, ils y ostent les peaux à force d'eau forte, dont l'on en faiçt de la bien propre à telle cure: ces caües fortes ne sont bien souvent appliquez aux yeux des chevaux, que le poil en bas des yeux, n'en soit mangé & osté de la peau de ce lieu, dont vous appercevant, tenez & croyez que ceste eau forte luy a esté appliquée, & vous gardez de tel cheval, car il est en dangier de se faire aveugle.

xi Ils scauent accourfir, limer & ajuster les dents longues d'un vieil cheval, j'entens les douze dents de devant, comme aussi les dents crocs, ou canines plus proches à ces douze, qu'apres ils bruslent au milieu, d'un fer chaud pointu, y faisant la marque noire, comme si la dent ne fut usée par la vieillesse du cheval, tellement que celuy qui ne juge de ces tromperies, achaptera un tel cheval de seize ans, pour vn cheval aagé de sept ou huit ans, n'est qu'il soit preadvisé, que plus le cheval est vieil, plus il a la dent blanche, il jugera la dicte dent raccourfie trop blanche, pour estre cheval de moyen aage.

Aux chevaux qui par distilation d'humeurs, ou par le grand travail, ont les jambes plaines de maux, comme galles, rognés, crevasses, & tout ce qui provient d'humeurs froides: Ces abuseurs, à force de unguents propres, les en

guarissent pour un temps, qu'ils seront de repos, si vous les remettez au travail, les maux se descouvrent de nouveau pirement, dont le plus sage seroit trompé.

Et le cheval ayant le tronc & gros de la queüe trop mobile & flacque, par ou il est jugé sans forces, ils y couppent le nerf en icelle, pres le fondement, dont elle s'arroidit, & se faiët à peu immobile, tellemët que tel cheval semblera fort des rains: mais comme ce tailler nerf est un peu dangereux, les autres attachent la queüe par entre les jambes, au fangle, par une trouffe queüe, ornée de belles plumes, afin que personne n'y vienne mettre la main pour la lever, & descouvrir le peu de force aux rains de ce cheval.

Si la le dos enfoncé, ou s'il est long de corps & de flancs, ils luy mettront une selle longue, partant l'achapteur le doit veoir nud & sans selle.

Si le pied à naturellement des cercles, ils les ostent & unissent avec la lime; si le pied est rompu, ils emplissent les ruptures de cire ou de poix, ils s'entremettent pareillement de faire des marques blanches aux pieds des chevaux, qui ne durent que à tant qu'ils changent de poil, alors elles esvanoüissent peu à peu.

Si la l'haleine retenue, pesante & difficile, ils l'entretiennent avec semence d'anis, ou bien luy
ouvrent

ouvrent & trencent les narines, ce que disconti-
nuant, le mal se descouvre.

Et s'il n'est prompt à l'esperon, ains insensible,
ils luy ouvrent la peau des flancs avec un rasoir,
puis emplissent ces playes de verre pillé, & lais-
sent consolider les playes, qui ne passent point la
peau, chose qui plus est practiquée en ces Provin-
ces, que non en autre lieu, en fin, ces chevaux sont
& se descouvrent apres tres-poltrons.

S'ils ont des chevaux qui se couchent en l'eau,
ils leur donnent des coups de baguette & de l'espe-
ron, pour ne leur donner temps de monstrier leur
mauvaise inclination.

Si un cheval refuse de se presenter sur un lieu
ou plaine, ou il a esté battu & garzonné, ils luy don-
nent des grands coups de fouët, crians fort, & en-
cor qu'il aye intention de se dresser, ou de s'opinia-
strier à autre mal, il s'y rend aucunement subject &
obeissant.

Puis quant ils ne veulent courre, ils font courrir
un autre, avec lequel il s'aresté aussi de compa-
gnie; car autrement il n'est arrestable: ou bien luy
mettent au bout de la carriere un homme, ayant un
grand baston à la main, & ouvrant son manteau
pour faire arrester le cheval, qui autrement em-
porteroit son mors & son homme, s'il refuse tour-
ner d'une main, ils luy mettent pareillement un
homme

homme à costé qui le menasse, pour le faire tourner icelle main.

Si leurs chevaux ont la bouche dure & seische, ils les forcent avec des embouschures bien dures, oinctes de miel & de sel, afin qu'ils en fassent la bouche plus fresche; quant elle est si tres-dure & insensible, qu'avec ces mors tres-durs ils ne les savent gouverner, ils prennent une chainette, ou corde delie & forte, l'un ou l'autre attaché à l'œil du porte-mors, passé deffous le mors par la bouche, entre la levre & la gencive des dents d'en bas, sortant icelle cordelette la bouche, l'attachent à l'autre œil du porte-mors, & si ce mors à des boucles assez grandes, l'on ne s'apperçoit de ceste cordelette ou chainette, si l'on n'en est preadvisé, ce qui astraint & force de beaucoup plus la bouche, que non aucun mors ny gourmette, quant l'on retire les reves de la bride: un secret bien grand de ces vendeurs, maquignons des chevaux, & abuseurs des hommes.

Pour la fin & conclusion de ce mien traicté, diray encor mon advis quant à la rate des chevaux: un mien amy m'a voulu faire accroire que l'on peut oster la rate aux chevaux estant jeunes, dont ils seroyent meilleurs à la carriere: disant que quāt la jument veut faire son poulain, lequel sortant d'elle la teste premiere, l'on doit promptemēt met-

tre la main dans la bouche du poulain, trouvant sur la langue la rate, l'on la doit oster du doigt, mais que cela se doit faire bien promptement, avant que ce poulain prenant ou sentant l'air l'engloutisse, ce qu'il feroit par la premiere respiration, avant qu'il soit hors de la mere: Dont il n'y a apparence aucune: la toute sage nature a destiné à la rate, un lieu & place particuliere au corps de l'animal, estant encor aux entrailles de la mere; voire devant qu'il y aye prins vie: avec cela, nul animal ne peut survivre, luy manquant une des parties nobles (dont la rate en est une) & si telle partie estoit tant seulement interessée, l'animal en meurt: Si un poulain englouttoit de la façon la rate, elle passeroit de la langue en l'estomac, & de là aux entrailles, puis par le fondement; car de la bouche, elle ne peut prendre autre part son passage, tellement que la chose que le poulain naissant peut avoir sur la langue, n'est la rate, mais bien chose autre qui la ressemble. Il y a des auteurs qui escrivent, qu'au front des poulains, croit & vient avant leur naissance, une excrescence de chair, de la grandeur d'une figue, & tost qu'il est sorty de la mere, elle le tire du front avec ses dents, & l'engloutit, & si l'on la previent à ce faire, elle n'auroit plus d'affection à son poulain, & ne luy admetteroit le lait de son pis, le chassant de soy. Laquelle piece de chair est appelée *Hip-*

pomanes. Ces auteurs sont d'opinion diverse, quāt à l'estre & à la vertu de cest *Hippomanes*, dont ils ignorent la vraye essence. *Aristoteles* dict, *Quod Hippomanes vocant, haret quidem fronti nascentis pulli, ut narratur, sed equa pralambentes abstergentesq; id obrodunt: qua autem de hoc fabulantur, fragmenta muliercularum, & magorum meras imposturas esse credendum potius est.*

Libro 8.
cap. 42.

Plinius. Et sane equis amoris innasce Venescium, *Hippomanes* appellatum, in fronte carica magnitudine, colore nigro, quod statim edito partu devorat mater, aut partū ad ubera non admittit, si quis præceptum habeat. Voila l'opinion susmentionnée, le

Libro 4.
Arcidos.

mesme confirme *Virgilius*; mais *Servius* est d'autre opinion, disant, *Hippomanes* esse virus ex equarum inguinibus defluens, quo tempore feruntur in amoris fervorem, quod in humana viscera descendens furorem facit. Le mesme dict *Virgilius*. Et *Solinus* dict que si tost que la jument a poulené, qu'elle engloutit l'arriere faix. *Tibullus* en quelqu'unes de les elegies, *Hippomanes cupida stillat ab inguine equa*. Avant que mon haras fut defaict, quāt quel-

Libro 3.
*Georgico-
tum.*

que jumēt poulenoit, je y ay faict regarder de pres, & veoir curieusement; mais oncques n'y fut rien retrouvé, ny au front, ny sur la langue des poulains naissans: Des autres referent que cest *Hippomanes* est aux rains des chevaux. Toutes ces opinions

sont

font bien diverses & incertaines, dont aussi Ælianus parle en ceste sorte. *Carunculam unà cum pullo enatam alij in fronte nasci, alij ad lumbos, alij ad genitalia adherescere aiunt, eam sanè nuncupatam Hippomanes, ut primum equa peperit continuo devorat. Quod quidem sit natura quadam benignitate misericordi in equinam stirpem. Ne si (ut ferunt) id ipsum usque ad extremum vitæ diem pullus insitū in se perseveraret habere, effrenata impotentia, tam mas quàm fœmina in coitum vneret, & libidinis rabie equinum genus funditus periret. Quod quidem ipsum penitus cognitum pastores habent, ac si quando ad moliendas alicui amatorias insidias egeant, ut ipsum ad cupidinem Veneris inflamment, diligenter observant, quando equa ventrem ferens pariat, atq; statim post partum à partu pullium (Nam sic vocat carunculam illam) à pullo abscindunt, & in Equæ ungulam conijciunt, nam in hanc solum abditum & conditū optimè servatur. Simul & pullum, quoniam ipsum postea non lactaret mater illa, insigni & propria benevolentia notâ carentem, ex orienti soli immolant: nam ideo pullum mater vehementer amare creditur, quòd illam devoravit carunculam. Iam quicumque per insidias carnè illam gustaverit, projectâ & præcipiti libidine constructus tenetur, ardet, & perbacchatur, & vociferatur, atque effrenatus ad amores etiam turpissimos, & quamvis deformem*

Lib. de animalibus. 14
cap. 18.

annosamque mulierem cupiditatis adjicit oculos, ac morbum testans obvijs omnibus quemadmodum flagret amoris flamma exponit. Tum ex eo illius corpus defluit & extabescit, quod Veneris insaniam animus exagitetur.

J'ay allegué ces autheurs, pour desabuser ceux qui l'estiment estre une rate: aussi peu est croyable l'opinion de celuy qui tient, que si l'on taille la veine ou deffous de la langue du poulain nouveau venu, avant qu'il aye gousté le laiçt de la mere, la rate luy en deviendra seische & aneantie, & que ce poulain estant parvenu cheval, en coureroit mieux, & plus viste.

A tant, j'espere avoir suffisamment montré, quels doibvent estre les chevaux de guerre, pour faire teste, & combattre l'ennemy le mieux monté du monde: Et puis comment l'on en pourroit faire race, multiplier & eslever icelle, pour en peupler avec le temps, un bien grand pays, par ou le Prince d'iceluy seroit plus victorieux, & craint de ses ennemis.

F I N.

INDEX.

Auteurs.

A Ristote. 37.44.91.
100.121.123.124.
179.182.187.189.239.
250.
Aelianus. 52.55.183
Aulus Gellius. 47.56
Aelius. 57
Abfyrtus. 100
Apolonius. 228
Albertus. 45.97.

C.

Cato. 67
Carneades philos. 76
Cuspius. 97
Cicero. 99.142.232
Cælius. 143
Columella. 159.187
Camerarius. 44
Claudio di corte. 229.

D.

Diodorus Siculus. 29
Dioscorides. 70.

E.

Elianus. 92.

F.

Frederic Grison. 101.

G.

Galenus. 33.

H.

Hippocrates. 70
Herodotus. 78.91.96.

I.

Iustinus. 65.

P.

Plinius. 37.47.49.51.

Auteurs.

55.59.67.70.91.121.
122.124.125.181.183.
187.189.245.
Plato. 40.45.75
Plutarchus. 59.62
Paulus Venetus. 96
Paladius. 100.113.154.
187.
Paulus Iovius. 134.

S.

Sallustius. 24
Socles. 55
Strabo. 70.88.91.95
Socrates. 75
Seruius. 89
Solinus. 89.

T.

Theopompus. 70.

V.

Volateranus. 92.159.216
Varro. 48.91.100.183.215
Virgilius. 70.107
Vegetius. 128.159.

X.

Xenophon. 131.

Histoires.

A.

A Nnibal. 23
Ali-bascha. 45
Androdus. 47
Alixandre roy. 58.93.94.260
Antiochus. 55
Augustus emp. 63.178
Artilius. 93
Auvergne pro. 200.

Histoires.

B.

Bellerophontes. 29
Basilius duc Mosco. 94
Bisalta. 36.37
Bucephalus. 45.53.56.57.
63.
Bucephali ville. 63
Boristhenes cheual. 64.

C.

Centaurus. 3.
Crotoniates. 35
Cardiani. 36.37
Cheual de Iulius Cesar. 54
Cheual larmoyant. 54
Contarerus. 55
Cornelius Dolabella. 58
Cn. Seius. 58
Ca. Cassius. 58
Cambyses. 60
Constantinus Magn. 64
Cayus emp. 64
Cyrus roy. 67
Camille fil. de Metabe. 70
Campus Nisew. 78
Charles le 5. emper. 81.86
Cyrus flunius. 91
Ciliciens. 96
Carthago ville. 96
Cato Censorius. 100
Cheual d Alixandre. 163
Cheual de Iulius Cesar. 164.

D.

Darius. 52.61.91.96
Domitianus emp. 64
Delphis. 65.

E.

Equa Thessalica. 3
Equus Seianus. 58
M m 3 Empire

INDEX.

Histoires.		Histoires.		Histoires.	
Empire Persien.	60	N.		Traianus emp.	50.63
Equites Romani.	62.	Numidiens.	30	Tigranes roy.	93
G.		Nicomedes roy.	54.93	Thessaliens.	95
Galactopotun.	33	Nigidus.	58	Thracés.	95
Glaucum Pontineu.	97.	Narsinga roy.	58	Theophilactus Patriar.	97
H.		Neptun dieu.	62	Tartares.	98
Henry 2. roy de Fran.	59	Nomades Scythes.	70	Tiberius emp.	125.
Hadrianus emper.	64	Nero empereur.	96.	V.	
Hippacen.	70	O.		Verus emper.	64
Hippodromes.	76	Oebares.	61	Volucer cheual.	64.
Hephestion.	134	Opuntius cheual.	45.	Prouinces.	
Henry 1. roy de Fran.	200.	P.		A.	
I.		Pegasus.	29	Arcadia.	77
Julius Casar.	54.57.63	Pelethroniens.	30	Arginis.	77
Iumens de Libie.	34	Pello mont.	30	Aetolia.	77
Incitatus cheual.	64	Pays Reatinorum.	48	Arcamama.	77
Jeux Olimpicques.	65.89	Pertinax emp.	55	Albanie.	78
Iohannes Bohemus.	92.	Perine.	55	Armenie.	79
L.		Philon Pharsalicus.	57	Arabie.	79
Licinius emper.	55	Philippus roy.	58	Affricque.	80
Libissa royinne.	61	Persiens.	60	Andalusia.	82.143.144
Lacedemone.	62	Primislaus roy.	61.	Aegipte.	80
Lelius Emilius.	93	R.		Aethiopie.	92.
Lucullus.	93	Romains.	24.61.62.63	C.	
Laceponi emper.	97.	Roy de Scythie.	48.54	Croatie.	78.
M.		Rhodes.	62	E.	
Mysie.	34	Roys de Perse.	89	Epidauro.	77
Medes.	60	Roys des Tartares.	96.	Extremadura Hispa.	82.
Mages.	60	S.		G.	
Mars.	61	Sybarites.	34	Getulie Affricque.	95.
Medie.	78	Seuerus emp.	55	L.	
Mer Caspie.	89	Statue à cheual.	65	Lombardie.	83.
Mont Caucafo.	89	Sarmeno.	65	N.	
Moscovie.	91	Scythes.	68.69.98	Norivvege.	91.
Munsterus.	91	Scythie.	70.91.	P.	
Mübridates.	93	T.		Prusie.	91
Marcus Antonius.	93	Thessalie.	57.77	Pologne.	
Moscouites.	98.	Timotheus.	43		

INDEX.

Prouinces. Particularitéz de l'Auteur.

<p>Pologne. 91.92. R. Romanie. 83. S. Sicile. 89 Sernan. 89 Syrie. 91 Svede. 91. W. Valachie. 78.</p> <p style="text-align: center;">Particularitéz de l'Auteur.</p> <p style="text-align: center;">A.</p> <p>Astre au front. 117 Arcello, l'Italien. 119 Arzi, l'Espagnol. 119 Araniues. 144.</p> <p style="text-align: center;">B.</p> <p>Balzan derriere. 116 Balzan deuant. 116 Bouche quelle. 127 Bourse & genitoires. 141 Beauté du cheual. 258.259 Boulonois Ital. 83 Bódad vince sénéal. 114 Blancq aux yeulx. 125 Bonté des luments. 176.</p> <p style="text-align: center;">C.</p> <p>Cordua ville. 58 Cri du Lion. 80 Commete au front. 117 Couleur d'un bel œil. 124 Crin du cheual quel. 133. 134. Crouppe quelle. 136 Costes. 137</p>	<p>Corne du pied quelle. 138 Cheual de guerre quel. 163 Courage du cheual de guerre quel. 164 Continuer l'estalon. 168 Courage de la lument. 176 Caualerisse tresexpert. 228 Cheuaux turcsq. 77 C. Persien. 78 C. d'Arabie. 79 C. d'Armenie. 79 C. de Barbarie. 79 C. Turcsq quels melieurs. 80 C. d'Espagne. 81 C. Villanos d'Espagn. 81 C. de Naples. 84.147 C. Corsiers. 84 C. de Calabrie. 85 C. d'Apulie. 85 C. d'Abruzo. 85 C. de Mantoue. 86 C. de Flandre. 87 C. de Hollande. 87 C. de Frise. 87 C. du pays de Bergues. 87 C. de Gueldre. 87 C. de Danemarque. 88 C. de la haute Alemagne. 88 C. de Hongrie. 88 C. de Transiluanie. 88 C. de Pologne. 88 Cheuaux de Croatie. 88 C. de Zeckie. 88 C. de Boheme. 88 C. de Sardegne. 88 C. de Corsica. 88 C. de Sicile. 89 C. Sauvages. 89 C. blancsq. 96.360 C. blancsq cent mille. 96 C. Chastrez. 98 C. pies. 102 Caualli fatti. 114 Cheuaux bastards. 180</p>	<p>C. qui ne veut saillir. 201 C. nobles cōment penséz. 232 Cheual difforme. 259.</p> <p style="text-align: center;">D.</p> <p>Dents du cheual. 129 Dos quel. 135.</p> <p style="text-align: center;">E.</p> <p>Euphrates. 93 Estalons huit cents. 95 Escume fluide, grise, pale & iaunatre. 128 Escume blanche & espesse. 128 Encollure, quelle. 131 Espaulé quelle. 137 Estalons des luments. 151 Estable des poulains seurez. 156 Estable des poulains d'an & demy. 157 Estable des poulains de deux ans & demy. 158 Estables des cheuaux ia saictés ou d'âge competent. 159 Estalon quel. 163.</p> <p style="text-align: center;">F.</p> <p>Front quel. 122 Forme & couleur des yeulx 123.124 Face embas des yeulx. 125 Fesse du cheual. 136.</p> <p style="text-align: center;">G.</p> <p>Gouffre Persicque. 79 Ganeti del regno. 85 Ganasses quelles. 126 Garot embas du col. 135 Genous, quels. 137. Hommes</p>
--	--	--

INDEX.

Particularitéz de l'Auteur.

<p>H.</p> <p>Hommes vagabons. 50</p> <p>Hongrois. 98</p> <p>Haras noble, est de valeur inestimable. 177</p> <p>Hippomanes. 273. 274. 275.</p> <p>I.</p> <p>Yaen, Espagn. 82. 147</p> <p>Iuego de cannas. 82</p> <p>Indes. 92</p> <p>Iumentz. xxx. mille. 94</p> <p>Iuments. xx. mille. 95</p> <p>Iuments. xvj. mille. 95</p> <p>Iuments. l. mille. 95</p> <p>Iuments. x. mille. 96</p> <p>Lambes, quelles. 137. 139</p> <p>Joipctures, quelles. 138</p> <p>Iuments porte-mulets. 166</p> <p>Iumēt saine par le corps. 178</p> <p>Iument ditte Iusta. 179</p> <p>Iument, quand resalie. 203</p> <p>L.</p> <p>Laiēt des Iuments. 69. 70</p> <p>Liflande. 91</p> <p>Leures, quelles. 128</p> <p>Langue quelle. 128</p> <p>Langue racourfir. 128</p> <p>Langue ralonger. 129</p> <p>Lentredeux des oreilles. 121</p> <p>Longueur requise des lambes. 139</p> <p>Lychenes. 140.</p> <p>M.</p> <p>Madridville. 59</p> <p>Martos Espagn. 82</p> <p>Marcques blanches. 114</p> <p>Marcques a foush. iēt. 117</p> <p>Marcque blāche au frōt. 117</p> <p>Menton du cheual. 128</p> <p>Membre du cheual. 141</p> <p>Maux hereditaires. 168</p> <p>Maistre d'estable quel. 225</p> <p>Medica. herbe. 145.</p>	<p>N.</p> <p>Naturel des cheuaux. 34</p> <p>Narines, quelles. 126.</p> <p>O.</p> <p>Ordo equestris. 62</p> <p>Oxygala. 70</p> <p>Oreilles, quelles. 121.</p> <p>P.</p> <p>Pachmat, cheuaux. 91</p> <p>Partes. 93</p> <p>Pella ville de Macedo. 94</p> <p>Poulains cent mille annuelement. 95</p> <p>Poil brun-bay. 104</p> <p>Poil gris pommelē. 106</p> <p>Poil rous ou rouge. 108</p> <p>Poil noir. 109</p> <p>Poil de cheual pie. 111. 112</p> <p>Pies, le mieux cōtēperees. 112</p> <p>Poil sauue & de cerf. 113</p> <p>Poil blancq par le corps. 118</p> <p>Poitrine, quelle. 135</p> <p>Poulain, s'il sera grand. 139</p> <p>Poil contournē. 141</p> <p>Perfectionz du cheual estalon. 163</p> <p>Poulains simbolifans avecq la mere. 165</p> <p>Pēser & nourir l'estalon. 170</p> <p>Perfectionz de la lument. 174. 175</p> <p>Poulains asmaticques. 207</p> <p>Purger cheuaux. 240.</p> <p>Q.</p> <p>Quatre lambes noires. 117</p> <p>Quatre elements. 101. 102</p> <p>Queue, quelle. 134. 141</p> <p>Qualitéz de la lument. 175</p> <p>Quel reusira vn poulain. 206</p> <p>Quant & comment seurer poulains. 208. 209.</p>	<p>R.</p> <p>Rusiens. 91</p> <p>Roy des Espagnes. 144</p> <p>Reuene annuele. 180</p> <p>Rate du cheual. 273.</p> <p>S.</p> <p>Sclauonie. 78</p> <p>Sophi de Perffe. 78</p> <p>Samogetes. 91</p> <p>Sarmates. 98</p> <p>Spada romana au col. 141 142</p> <p>Siera morena. 143</p> <p>Separer poulains. 157</p> <p>Secourir la lument. 203.</p> <p>T.</p> <p>Turcs. 98</p> <p>Tartares. 51. 68. 69</p> <p>Thebes. 53</p> <p>Tartarie. 91</p> <p>Teste du cheual q̄lle. 125. 131</p> <p>Touppet, quel. 132</p> <p>Taille du cheual estalon. 163</p> <p>Traicter l'estalon. 170</p> <p>Tirer sang de l'estalon. 172.</p> <p>V.</p> <p>Vnion des iij. elements. 102</p> <p>Ventre, quel. 136.</p> <p>X.</p> <p>Xerxes. 73. 93</p> <p>Xeres espagne. 82. 112. 146. 147.</p> <p>Y.</p> <p>Yeulx quels. 122</p> <p>Yeulx gris, glaucos. 124</p> <p>Yeulx blācs ou verroux. 125</p> <p>Yeulx de deux sortes. 125.</p> <p>Z.</p> <p>Zaini. dit l'italien. 115.</p>
---	--	---

IANI TACQVETI PRÆSTANTIS,
ET GENEROSI VIRI
PHILIPPICA

MICHAELIS VANDER-HAGHEN, MERÆ, D^{NI}.

Carmen ad Lectorem.

SI generosorum oblectat delectus equorum
Vos, ô MAGNANIMI HEROES: (quia semper equini
Maximus est usus pecoris belloque togâq₃)
Vos Proceres quoq₂, dulcis amor quos detinet idem:
Hac lepidi, præclara PHILIPPICA voluite IANI
TACQVET, iucundi sanè, ingentisque laboris
Rarum Opus omnino, dignumq₃ HEROIBVS ALTIS.

Ille expertus enim, studioq₃ Philippicus omni,
Te docet impendenda fiet qua cura, laborque
Primus equis. Matricemq₃ instruit aptã ad alendas
Quas in spem clara statues submittere Gentis,
Quique requirendus fiet admissarius, unde
Nasci animosa queant pullorum pectora, virtus
In quibus exinde emicet illa paterna caballis.
Mōstrat itē qua fortis equi pulcherrima forma est,
Vtilis & Bellorum, & Pacis rebus agendis.
Quique in equis iam præcipuis color optimus audit.

Nn Et

Et iuuenis sonipes quam ratione domandus,
Donec adhuc faciles animi, dum mobilis atas.
Qua³q; viâ ad bellum, atq; Usus formâ dus agrestē.
Ut sit is intrepidus quacunque ad praelia, possit
Utq; tubas, lituôsq; pati, strepitûsq; feroces;
Bellantûmq; animos, aciêsq; videre sonanteis.
Deniq; sternit iter nouum, & admirabile, quo quis,
Nobilium, PRINCEPS conquirere possit equorum
Ingentem numerum, atq; Equitum pollere cateruis.
Dignus ob id duci magna inter premia, & omni
Dignus perpetuo TACQVETVS honore Philippus.

PRID. CAL. OCT. CL. IC. CXIII.

DVRANT CONNEXA.



Fol.	Pour.	Lisez.	lin.
10.	Philippicarum.	Philippicorum.	2.
10.	Thetyde.	Tethyde.	14.
10.	Noftis.	(Noftis)	18.
20.	Ce mal.	de ce mal.	26.
21.	d'Angleterre & d'Escoche.	d'Angleterre & des Coches.	21.
29.	Chimera.	Chimara.	12.
30.	Pelotroniens.	Pelothroniens.	25.
38.	Melancolici.	Melancholici.	10.
42.	A la Coche.	Au Coche.	16.
59.	Naple.	Naples.	3.
63.	vifs & mort.	Vifs & morts.	12.
65. 88.	yeux.	Jeux.	5. 10.
50. 63.	Trayanus.	Traianus.	26. 27.
54. 63. 164.	Cesar.	Cæsar.	8. 23. 6.
60.	Cambifes.	Cambyfes.	8.
70.	Hipocrates.	Hippocrates.	22.
71.	Ientens de parler.	Ientens parler.	10.
85.	Si forts.	Si fort.	17.
91.	Cyres.	Cyrus.	6.
92.	Ethiopie.	Aethiopia.	8.
93.	Lelius.	Lælius.	11.
93.	Anthonus.	Antonius.	21.
97.	Glaucus pontineus.	Glaucus ex Potnia.	7.
107.	Touche.	Touchez.	10.
110.	Mal es herbes.	Males herbes.	6.
111.	Lesquels.	Lesquelles.	17.
113.	Voix contraire.	Voix contraires.	14.
117.	Et auffi belle.	Est auffi belle.	26.
131.	Long.	Longue.	18.
142.	Celius.	Cœlius.	27.
148.	Bied.	Bien.	20.
149.	vn temps d'hiuer.	vn tant d'hiuer	11.
153.	Des muraille	des murailles.	9.
155.	Traiués.	Traues.	9.
159.	Chauffees.	Chauffies.	6.
160.	Basty.	Bastie.	11.
85.	desquels marques.	desquelles marques.	25.
179.	Anima.	Animalium.	24.
183.	Efurie.	Efurire.	22.
190.	Allaïstent bien.	Allaïste bien.	9.
192.	La methode.	Le methode.	23.
194.	Aufquels.	Aufquelles.	16.
193.	Efuanouïit.	Efuanouit.	21.
199.	Mentionnè.	mentionnéz.	26.
150.	Sufmentionnéz.	Soubsmentionnéz.	24.
188.	Allè à mal.	Allé a mal.	1.
206.	Ce poulain.	Ces poulains.	14.
218.	Mangege.	Manege.	8.
205.	Foerae.	Ferae.	6.
221.	Cell'es.	Celles.	9.
229.	Caualeriffe:	Caualeriffes.	6.
230.	Agreable.	Agreables.	2.
239.	Apportent.	Apporte.	18.
243.	Suiuantes.	Suiuans.	26.
249.	Comms.	Comme.	23.
260.	Quil deburoit.	Quils deburoyent.	5.
263.	Vray.	Vraye.	4.
272.	Leues.	Renes.	18.

Le surplus des Erreurs qui se porront encor rencontrer, estans de petite importance, se remet à la correction discrete du bon Lecteur.

A 1792939

SOMMAIRE DV PRIVILEGE,
des Serenissimes Archiducs; SS^{rs}. Sou-
uerains de la Gaule Belgique.

PAr grace speciale de leurs Alteſſes Sereniſſi-
mes, il eſt permis à l'Auteur de ce preſent li-
ure intitulè, PHILIPPICA ou haras de Cheuaux,
de choiſir tel imprimeur iurè qu'il luy plairà, pour
l'imprimer, vendre & distribuer ès pays & Prouin-
ces de leur eſtat. Auecq defence à tous autres de
l'imprimer ou contrefaire, ou ailleurs imprimè ou
contrefaiçt vendre ou distribuer, iuſques au terme
de ſix ans conſecutifs. A peine de conſiſcation des
liures ainſi imprimèz, distribuèz ou vendus; & d'a-
mende de xxx. florins. Comme plus à plein con-
tiennent les lettres patentes ſur ce deſpeſchées, en
date dixhuietièſme iour du mois de Nouembre,
l'an de noſtre Seigneur. 1613. Signé.

P. Piermans.

APPROBATIO CENSORIS.

Philippica hæc, ſiue de curâ & educatione Equorum documenta, quod Equorum naturam,
nobilitatem, obſequia, & accuratam inſtitutionem, eorumque pretia ac laudes, ſtudioſis rei
equeſtris proponant: poterunt cum ad Rei priuata publica que vtilitatem, (nemo enim ignorat
quantum domi militia que commoditati adferat moderatus Equorum vsus;) tum ad honeſtam
recreationem imprimi. Actum Antwerp. In Semin. Episcop. Die viij. Octob. M. DC. XIII.

Laur. Beyerlinck. S.T.L. & Cenſor librorum.

a 1760